





~~Adm...~~  
~~Anno...~~  
Dinnich Vesterling:

Anno Domini 1555

Den 6. Mertij 1553

quime sibi comparabit  
in tangeln

Constat mihi ~~gütgrös~~ nichil.  
goll Inr. Tal

Conclup  
505



LIBER PS  
MORVM.



I.



**B**EATVS VIR  
qui non abiit in  
consilio impiorum,  
& in via peccato-  
rum non stetit, &  
in cathedra pestilen-  
tiæ non sedit.

Sed in lege DO-  
MINI voluntas

eius, & in lege eius meditabitur die ac  
nocte.

Et erit tanquam lignum quod planta-  
tum est secus decursus aquarum, quod  
fructum suum dabit in tempore suo.

Et folium eius non defluet, & omnia  
quæcunq; faciet prosperabuntur.

Non sic impij non sic, sed tanquam pul-  
uis, quem projicit ventus a facie terræ.

Ideo non resurgunt impij in iudicio, ne  
peccatores in consilio iustorum.

Quoniam nouit DOMINVS vitam iu-  
storum, & iter impiorum peribit.

A 2

Quare



PSALTERIVM.

II.

**Q**uare fremuerunt gentes, & populi meditati sunt inania.  
Astiterunt reges terræ, & principes conuenerunt in vnum, aduersus **DOMINVM** & aduersus Christum eius.

Dirumpamus vincula eorum, & proiciamus a nobis iugum ipsorum.

Qui habitat in caelis irridebit eos, & **DOMINVS** subsannabit eos.

Tunc loquetur ad eos in ira sua; & in furore suo conturbabit eos.

Ego autem constitutus sum rex ab eo super Zion montem sanctum eius, prædicans præceptum eius.

**DOMINVS** dixit ad me, Filius meus es tu, ego hodie genui te.

Postula a me & dabo tibi gentes Hereditatem tuam, & possessionem tuam terminos terræ.

Reges eos in virga ferrea, & tanquam vas figuli confringes eos.

Et nunc Reges intelligite, erudimini qui iudicatis terram.

Seruite **DOMINO** in timore, & exultate ei cum tremore.

Apprehendite disciplinam, nequando irasc



PSALTERIVM.

irascatur DOMINVS, & pereatis de  
via iusta.

Cum exarserit in breui ira eius, beati  
omnes qui confidunt in eo.

III.

Psalmus David, cum fugeret a  
facie Absolon filij sui,  
2. Reg. 15.

**D**OMINE quid multiplicati sunt  
qui tribulant me? multi insur-  
gunt aduersum me.

Multi dicunt animæ meæ, non est salus  
ipsi in Deo eius.

Tu autem DOMINE susceptor meus  
es, gloria mea, & exaltans caput me-  
um.

Voce mea ad DOMINVM clamaui, &  
exaudiuit me de monte sancto suo.

Ego dormiui & soporatus sum, & exurre-  
xi, quia DOMINVS suscepit me.

Non timebo millia populi circundantis  
me, exurge DOMINE, saluum me fac  
Deus meus.

Quoniam tu percussisti omnes aduersan-  
tes mihi sine causa, dentes peccatorum  
contriuisti.

A 3

DO



PSALTERIVM.

DOMINI est salus, & super populum tuum benedictio tua.

IIII.

In finem in Carminibus, Psalmus David.

**C**VM Inuocarem exaudiuit me Deus iustitiæ meæ, in tribulatione dilatasti mihi.

Miserere mei, & exaudi orationem meam.

Filij hominum vsquequo graui corde? ut quid diligitis vanitatem, & queritis mendacium?

Et scitote quoniam mirificauit DOMINVS sanctum suum, DOMINVS exaudiet me cum clamauero ad eum.

Iraſcimini & nolite peccare, quæ dicitis in cordibus ueſtris, & in cubilibus ueſtris compungimini.

Sacrificate sacrificium iustitiæ & sperare in DOMINO, multi dicunt, quis ostendit nobis bona?

Signatum est super nos lumen vultus tui DOMINE, dedisti læticiam in corde meo.

A. fru



PSALTERIUM.

4

A fructu frumenti, vini & olei sui multiplicati sunt.

In pace in id ipsum dormiam & requiescam.

Quoniam tu DOMINE, singulariter in spe constituisti me.

V.

In finem, pro ea, quæ hæreditatem consequitur, Psalmus David.

**V**erba mea auribus percipe DOMINE, intellige clamorem meum.

Intende voci orationis meæ, Rex meus & Deus meus.

Quoniam ad te orabo DOMINE, mane exaudies vocem meam.

Mane astabo tibi & videbo, quoniam non Deus volens iniquitatem tu es.

Necq; habitabit iuxta te malignus, necq; permanebunt iniusti ante oculos tuos.

Odisti omnes qui operantur iniquitatem, perdes omnes qui loquuntur mendacium.

Virum sanguinum & dolosum abominabitur DOMINVS, ego autem in multitudinis misericordiae tuæ

A 4

in



## PSALTERIUM.

Introibo in domum tuam, adorabo  
ad templum sanctum tuum in timore  
tuo.

**DOMINE** deduc me in iusticia tua, pro-  
pter inimicos meos dirige in conspectu  
tuo viam meam.

Quoniam non est in ore eorum veritas,  
cor eorum vanum est.

Sepulchrum patens est guttur eorum, lin-  
guis suis dolose agebant, iudica illos  
Deus.

Decidant a cogitationibus suis, secun-  
dum multitudinem impietatum eorum  
expelle eos, quoniam irritauerunt te  
**DOMINE**.

Et lætentur omnes qui sperant in te, in  
æternum exultabunt & habitabis in  
eis.

Et gloriabuntur in te omnes qui diligunt  
nomen tuum, quoniam tu benedices  
iusto.

**DOMINE**, vt scuto bonæ voluntatis tuæ  
coronasti nos.

VI.

In finem in carminibus, Psalmus

Dauid pro octaua.

**DOMI**



PSALTERIUM.

9  
nat ultra magnificare se homo super  
terram.

X.

In finem, Psalmus David.

**I**N DOMINO confido, quomodo di-  
citis animæ meæ, transmigra in  
montem sicut passer?

Quoniam ecce peccatores intenderunt  
arcum, parauerunt sagittas suas in  
pharetra, vt sagittent in obscuro rectos  
corde.

Quoniam quæ perfecisti destruxerunt,  
iustus autem quid fecit?

DOMINVS in templo sancto suo, DO-  
MINVS in cœlo sedes eius.

Oculi eius in pauperem respiciunt, pal-  
pebræ eius interrogant filios homi-  
num.

DOMINVS interrogat iustum & impi-  
um, qui autem diligit iniquitatem odit  
animam suam.

Pluet super peccatores laqueus, ignis, &  
sulphur, & spiritus procellarum pars  
calicis eorum.

Quoniam iustus DOMINVS, & iusti-  
tias dilexit, æquitatem vidit vultus  
eius.

10



PSALTERIUM.

XI.

In finem pro octava, Psalmus David.

**S**alum me fac DOMINE quoniam defecit sanctus, quoniam diminutæ sunt veritates a filiis hominum. Vana locuti sunt vnusquisq; ad proximum suum, labia dolosa in corde & corde locuti sunt.

Disperdat DOMINVS vnũuersa labia dolosa, & linguam magniloquam.

Qui dixerunt linguam nostram magnificabimus labia nostra a nobis sunt, quis noster DOMINVS est?

Propter miseriam inopum & gemitum pauperum nunc exurgam, dicit DOMINVS.

Ponam in salutari, fiducialiter agam in eo.

Eloquia DOMINI eloquia casta, argentum igne examinatum, probatum terræ purgatum septuplum.

Tu DOMINE seruabis nos, & custodies nos a generatione hac in æternum.

In circuitu impij ambulat, secundum altitudinem tuam multiplicasti filios hominum.

In



PSALTERIUM.

10

XII.

In finem, Psalmus David.

**V** Squequo DOMINE obliuisceris  
me in finem? Vsquequo auer-  
tis faciem tuam a me.

Quam diu ponam consilia in anima mea,  
dolorem in corde meo per diem?

Vsquequo exultabitur inimicus meus su-  
per me? respice & exaudi me DO-  
MINE Deus meus.

Illumina oculos meos ne vnquam ob-  
dormiam in morte, nequando dicat  
inimicus meus praualui aduersus eum.

Qui tribulant me, exultabunt si motus  
fuero, ego autem in misericordia tua  
speraui.

Exultabit cor meum in salutari tuo, can-  
tabo DOMINO qui bona tribuit mi-  
hi, & psallam nomini DOMINI al-  
tissimi.

XIII.

In finem, Psalmus David.

**D**ixit insipiens in corde suo, non est  
Deus.

Corrupti sunt & abominabiles  
facti sunt in studijs suis, non est  
qui



PSALTERIUM.

qui faciat bonum, non est vsq; ad vnum.

DOMINVS de caelo prospexit super filios hominum, vt videat si est intelligens aut requirens Deum.

Omnes declinauerunt, simul inutiles facti sunt, non est qui faciat bonum, non est vsq; ad vnum.

Sepulchrum patens est guttur eorum: linguis suis dolose agebant, venenum aspidum sub labijs eorum.

Quorum os maledictione & amaritudine plenum est, veloces pedes eorum ad effundendum sanguinem.

Contritio & infelicitas in vijs eorum, & viam pacis non cognouerunt, non est timor Dei ante oculos eorum.

Nonne cognoscent omnes qui operantur iniquitatem, qui deuorant plebem meam sicut escam panis?

DOMINVM non inuocauerunt, illic trepidauerunt timore, vbi non erat timor.

Quoniam DOMINVS in generatione iusta est, consilium inopis confudistis, quoniam DOMINVS spes eius est.

Quis dabit ex Zion salutare Israel? cum auertit DOMINVS captiuitatem

tem



PSALTERIUM.

tem plebis suæ, exultabit Iacob & habitabitur Israel.

XIIII.

Psalmus Dauid.

**D**OMINE quis habitabit in tabernaculo tuo? aut quis requiescat in monte sancto tuo?

Qui ingreditur sine macula, & operatur iustitiam.

Qui loquitur veritatem in corde suo, qui non egit dolum in lingua sua.

Nec fecit proximo suo malum, & opprobrium non accepit aduersum proximos suos.

Ad nihilum deductus est in conspectu eius malignus, timentes autem DOMINUM glorificat.

Qui iurat proximo suo & non decipit, qui pecuniam suam non dedit ad usuram, & munera super innocentem non accepit.

Qui facit hæc, non mouebitur in æternum.

XV.

Tituli inscriptio ipsi Dauid.

**C**onserua me DOMINE quoniam speraui in te, dixi DOMINO



## PSALTERIVM.

**NO**, Deus meus es tu, quoniam bono-  
rum meorum non eges.

Sanctis qui sunt in terra eius, mirificauit  
omnes voluntates meas in eis.

Multiplicatae sunt infirmitates eorum, po-  
stea accelerauerunt.

Non congregabo conuenticula eorum  
de sanguinibus, nec memor ero nomi-  
num eorum per labia mea.

**DOMINVS** pars haereditatis meae &  
calicis mei, tu es qui restitues haeredi-  
tatem meam mihi.

Funes ceciderunt mihi in praecclaris,  
etenim haereditas mea praecclara est mi-  
hi.

Benedicam **DOMINO** qui tribuit mihi  
intellectum, insuper & vsq; ad no-  
ctem increpauerunt me renes mei.

**Prouidebam DOMINVM** in conspe-  
ctu meo semper, quoniam a dextris est  
mihi, ne commouear.

**Propter hoc laetatum est cor meum, &**  
exultauit lingua mea, insuper & caro  
mea requiescet in spe.

Quoniam non derelinques animam me-  
am in inferno, nec dabis sanctum tu-  
um videre corruptionem.

**Notas mihi fecisti vias vitae, adimple-**  
bis me laetitia cum vultu tuo, dele-  
ctatio



DAVIDIS.

13

DOMINVS de manu omnium inimicorum eius, & de manu Saul, & dixit.

**D**iligam te DOMINE fortitudo mea, DOMINVS firmamentum meum, & refugium meum, & liberator meus.

Deus meus adiutor meus, & sperabo in eum.

Protector meus & cornu salutis meae, & susceptor meus.

Laudans inuocabo DOMINVM, & ab inimicis meis saluus ero.

Circumdederunt me dolores mortis, & torrentes iniquitatis conturbauerunt me.

Dolores inferni circumdederunt me, Praeoccupauerunt me laquei mortis.

In tribulatione mea inuocaui DOMINVM, & ad Deum meum clamaui.

Et exaudiuit de templo sancto suo vocem meam, & clamor meus in conspectu eius introiuit in aures eius.

Commotus est & contremuit terra, & fundamenta montium conturbata sunt, & commota sunt, quoniam iratus est eis.

B.

Ascend



## PSALTERIUM

Ascendit fumus in ira eius, & ignis a facie eius exarsit, carbones succensi sunt ab eo.

Inclinavit caelos & descendit, & caligo sub pedibus eius.

Et ascendit super Cherubim & volavit, volavit super pennas ventorum.

Et posuit tenebras latibulum suum, in circuitu eius tabernaculum eius, tenebrosa aqua in nubibus aeris.

Præ fulgore in conspectu eius nubes transierunt, grando & carbones ignis.

Et intonuit de caelo DOMINVS, & altissimus dedit vocem suam, grandinem & carbones ignis.

Et misit sagittas suas, & dissipavit eos, fulgura multiplicavit, & conturbavit eos.

Et apparuerunt fontes aquarum, & reuelata sunt fundamenta orbis terrarum.

Ab increpatione tua DOMINE, ab increpatione spiritus iræ tuæ.

Misit de summo & accepit me, & assumpsit me de aquis multis.

Eripuit me de inimicis meis fortissimis, & ab ijs, qui oderunt me, quoniam confortati sunt super me.

Præuenerunt me in die afflictionis  
meæ,



meus, & factus est DOMINVS protector meus.

Et eduxit me in latitudinem, saluum me fecit, quoniam voluit me.

Et retribuet mihi DOMINVS secundum iusticiam meam, & secundum puritatem manuum mearum retribuet mihi.

Quia custodiui vias DOMINI, nec im-  
pie gessi a Deo meo.

Quoniam omnia iudicia eius in conspe-  
ctu meo, & iusticias eius non repuli a  
me.

Et ero immaculatus cum eo, & observa-  
bo me ab iniquitate mea.

Et retribuet mihi DOMINVS secun-  
dum iusticiam meam, & secundum  
puritatem manuum mearum in conspe-  
ctu oculorum eius.

Cum sancto sanctus eris, & cum viro in-  
nocente innocens eris.

Et cum electo electus eris, & cum per-  
uerso peruersus eris.

Quoniam in populum humilem saluum  
facies, & oculos superborum humilia-  
bis.

Quoniam tu illuminas lucernam meam  
DOMINE, Deus meus, illumina tene-  
bras meas.



## PSALTERIUM

Quoniam in te eripiar a tentatione, & in  
Deo meo transgrediar murum.

Deus meus, impolluta via eius, eloquia  
DOMINI igne examinata, protector  
est omnium sperantium in se.

Quoniam quis Deus præter Dominum,  
aut quis Deus præter Deum nostrum?  
Deus qui præcinxit me virtute, & posuit  
immaculatam viam meam.

Qui perfecit pedes meos tanquam cer-  
uorum, & super excelsa statuens  
me.

Qui docet manus meas ad prælium, &  
posuisti vt arcum arcum brachia  
mea.

Et dedisti mihi protectionem salutis tuæ,  
& dextera tua suscepit me.

Et disciplina tua correxit me in finem, Et  
disciplina tua ipsa me docebit.

Dilatasti gressus meos subtus me, & non  
sunt infirmata vestigia mea.

Persequar inimicos meos, & comprehen-  
dam illos, & non conuertar donec de-  
ficiant.

Confringam illos, nec poterunt stare, ca-  
dent subtus pedes meos.

Et præcinxisti me virtute ad bellum, &  
supplantasti insurgentes in me subtus  
me.

Et



DAVIDIS.

15

Et inimicorū meorū dedisti mihi dorsum,  
& odientes me disperdisti.

Clamauerunt, nec erat qui saluos faceret,  
ad Dominum, nec exaudiuit eos.

Et comminuam eos vt puluerem ante fa-  
ciem venti, vt lutum platearum dele-  
bo eos.

Eripies me de contradictionibus populi,  
constitues me in caput gentium.

Populus quem non cognoui, seruiuit mi-  
hi, in auditu auris obediuit mihi.

Filij alieni mentiti sunt mihi, filij alieni  
inueterati sunt, & claudicauerunt a se-  
mitis suis.

Viuat DOMINUS, & benedictus Deus me-  
us, & exaltetur Deus salutis meæ.

Deus qui das vindictas mihi, & subdis  
populos sub me, liberator meus de ini-  
micis meis iracundis.

Et ab insurgentibus in me exaltabis me,  
a viro iniquo eripies me.

Propterea confitebor tibi in nationibus  
DOMINE, & nomini tuo Psalmum  
dicam.

Magnificans salutes regis eius, & faciens  
misericordiam Christo suo David, &  
semini eius vsq; in seculum.

XVIII.

B

3

In



# PSALTERIUM

In finem, Psalmus David.

**C**OELI enarrant gloriam Dei, &  
opera manuum eius annunciant  
firmamentum.

Dies diei eructat verbum, & nox nocti  
indicat scientiam.

Non sunt loquelæ neq; sermones, quo-  
rum non audiantur voces eorum.

In omnem terram exiit sonus eorum, &  
in fines orbis terræ verba eorum.

In sole posuit tabernaculum suum, & ip-  
se tanquam sponsus procedens de tha-  
lamo suo.

Exultauit vt gigas ad currendum viam,  
a summo cælo egressio eius.

Et occursum eius vsq; ad summum eius, nec  
est qui se abscondat a calore eius.

Lex DOMINI immaculata conuertens  
animas, testimonium DOMINI fide-  
le, sapientiam præstans paruulis.

Iusticiæ DOMINI rectæ latificantes  
corda, præceptum DOMINI lucidum,  
illuminans oculos.

Timor DOMINI sanctus, permanens  
in seculum seculi, Iudicia DOMINI  
vera, iustificata in semetipsa.

Desiderabilia super aurum & lapidem  
preciosum



preciosum multum, & dulciora super  
mel & fauum.

Etenim seruus tuus custodiuit ea, in cu-  
stodiendis illis retributio multa.

Delicta quis intelligit? Ab occultis me-  
is mundame, & ab alienis parce ser-  
uo tuo.

Si mei non fuerint dominati, tunc imma-  
culatus ero, & emundabor a delicto  
maximo.

Et erant ut complaceant eloquia oris  
mei, & meditatio cordis mei in con-  
spectu tuo semper.

DOMINE adiutor meus, & redemptor  
meus.

## XIX.

In finem, Psalmus Dauid.

**E**Xaudiat te DOMINVS in die  
tribulationis, protegat te nomen  
Dei Iacob.

Mittat tibi auxilium de sancto, & de  
Zion tueatur te.

Memor sit omnis sacrificij tui, & holo-  
caustum tuum pingue fiat.

Tribuat tibi secundum cor tuum, & om-  
ne consilium tuum confirmet.

Lætabimur in salutari tuo, & in nomi-

B 4 ne



## PSALTERIUM

ne Dei nostri magnificabimur.

Impleat Dominus omnes petitiones tuas, nunc cognoui, quoniam saluum fecit DOMINVS Christum suum.

Exaudiet illum de caelo sancto suo, in potentatibus salus dexteræ eius.

Hi in curribus & hi in equis, nos autem in nomine DOMINI Dei nostri inuocabimus.

Ipsi obligati sunt & ceciderunt, nos autem surreximus & erecti sumus.

Domine saluum fac Regem & exaudi nos in die quâ inuocauerimus te.

## XX.

In finem, Psalmus David.

**D**omine, in virtute tua lætabitur Rex, & super salutare tuum exultabit vehementer.

Desiderium cordis eius tribuisti ei, & voluntate labiorum eius non fraudasti eum.

Quoniam præuenisti eum in benedictionibus dulcedinis, posuisti in capite eius coronam de lapide precioso.

Vitam petiit a te, & tribuisti ei longitudo-  
dinem dierum in seculum, & in seculum  
seculi.

Magna



Magna est gloria eius in salutari tuo,  
gloriam & magnum decorem impo-  
nes super eum,

Quoniam dabis eum in benedictionem in  
seculum seculi, lætificabis eum in gau-  
dio cum vultu tuo.

Quoniam rex sperat in DOMINO, & in  
misericordia altissimi non commoue-  
bitur.

Inueniatur manus tua omnibus inimicis  
tuis, dextera tua inueniat omnes qui te  
oderunt.

Pones eos vt clibanum ignis in tempo-  
re vultus tui, DOMINVS in ira sua  
conturbabit eos, & deuorabit eos ig-  
nis.

Fructum eorum de terra perdes, & semen  
eorum a filijs hominum.

Quoniam declinauerunt in te mala, cogi-  
tauerunt consilia, quæ non potuerunt  
stabilire.

Quoniam pones eos dorsum, in reliquijs  
tuis præparabis vultum eorum.

Exaltare DOMINE in virtute tua,  
cantabimus & Psallemus virtutes tu-  
as.

XXI.

B s

In



## PSALTERIUM

In finem, pro susceptione matu-  
rina, Psalmus David.

**D**Eus, Deus meus, respice in me qua-  
re me dereliquisti? Longe a sa-  
lute mea verba delictorum meo-  
rum.

Deus meus clamabo per diem, & non  
exaudies, & nocte, & non ad insipien-  
tiam mihi.

Tu autem in sancto habitas, Laus Isra-  
el.

In te sperauerunt patres nostri, speraue-  
runt & liberaisti eos.

Ad te clamauerunt & salui facti sunt,  
in te sperauerunt, & non sunt confu-  
si.

Ego autem sum vermis, & non homo,  
opprobrium hominum & abiectio ple-  
bis.

Omnes videntes me, desierunt me, locu-  
ti sunt labijs, & mouerunt caput.

Sperauit in DOMINO, eripiat eum, sal-  
uum faciet eum, quoniam vult eum.

Quoniam tu es qui extraxisti me de ven-  
tre, spes mea ab vberibus matris meae,  
in te proiectus sum ex utero.

De ventre matris meae Deus meus es tu,  
ne discesseris a me.

Quo-



Quoniam tribulatio proxima est, quoniam non est qui adiuuet.

Circumdederunt me vituli multi, tauri pingues obsederunt me.

Aperuerunt super me os suum, sicut leo rapiens & rugiens.

Sicut aqua effusus sum, & dispersa sunt omnia ossa mea.

Factum est cor meum tanquam cera liquefcens in medio ventris mei.

Aruit tanquam testa virtus mea, & lingua mea adhæsit faucibus meis, & in puluerem mortis deduxisti me.

Quoniam circumdederunt me canes multi, consilium malignantium obsedit me.

Foderunt manus meas & pedes meos, dir numerauerunt omnia ossa mea.

Ipsi vero considerauerunt & inspexerunt me, diuiserunt sibi vestimenta mea, & super vestem meam miserunt sortem.

Tu autem DOMINE ne elongaueris auxilium tuum a me, ad defensionem meam conspice.

Erue a framea Deus animam meam, & de manu canis vnicam meam.

Salua me ex ore leonis, & a cornibus unicornium humilitatem meam.



## PSALTERIUM

Narrabo nomen tuum fratribus meis, in  
medio Ecclesiae laudabo te.

Qui timetis DOMINUM laudate eum,  
Vniuersum semen Iacob glorificate  
eum.

Timeat eum omne semen Israel, quoni-  
am non spreuit neque despexit depreca-  
tionem pauperis.

Nec auertit faciem suam a me, & cum  
clamarem ad eum, exaudiuit me.

Apud te laus mea in Ecclesia magna, Vo-  
ta mea reddam in conspectu timentium  
eum.

Edent pauperes & saturabuntur, & lau-  
dabunt DOMINUM, qui requi-  
runt eum, uiuent corda eorum in secu-  
lum seculi.

Reminiscantur & conuertentur ad DO-  
MINUM vniuersi fines terrae.

Et adorabunt in conspectu eius, vniuersae  
familiae gentium.

Quoniam DOMINI est regnum, &  
ipse dominabitur gentium.

Manducauerunt & adorauerunt om-  
nes pingues terrae, in conspectu eius  
cadent omnes qui descendunt in ter-  
ram.

Et anima mea illi uiuet, & semen meum  
seruiet ipsi.

Annun-



Annunciabitur DOMINO generatio  
ventura, & annuntiabunt coeli iustici-  
am eius populo qui nascetur, quem fe-  
cit DOMINVS.

## XXII.

Psalms David.

**D**OMINVS regit me, & nihil mihi  
deerit, in loco pascuæ ibi me col-  
locauit.

Super aquam refectionis educauit me,  
animam meam conuertit.

Deduxit me super semitas iusticiæ pro-  
pter nomen suum.

Nam etsi ambulauero in medio umbræ  
mortis, non timebo mala, quoniam tu  
mecum es.

Virga tua, & baculus tuus, ipsa me con-  
solata sunt.

Parasti in conspectu meo mensam, aduer-  
sus eos, qui tribulant me.

Impinguasti in oleo caput meum, & ca-  
lix meus inebrians quampræclarus  
est?

Et misericordia tua subsequetur me, om-  
nibus diebus vitæ meæ.

Et vt inhabitem in domo DOMINI,  
in longitudine dierum.



PSALTERIUM  
XXIII.

Psalmus David, prima  
Sabbathi.

**D**OMINI est terra & plenitudo  
eius, orbis terrarum, & vniuersi  
qui habitant in eo.

Quia ipse super maria fundauit eum, &  
super flumina præparauit eum.

Quis ascendet in montem DOMINI?  
Et quis stabit in loco sancto eius?

Innocens manibus & mundo corde, qui  
non accepit in vano animam suam, nec  
iurauit in dolo proximo suo.

Hic accipiet benedictionem a DOMI-  
NO, & misericordiam a Deo salutari  
suo.

Hæc est generatio quærentium eum, quæ-  
rentium faciem Dei Iacob.

Attollite portas principes uestras, & ele-  
uamini portæ æternales, & introibit  
rex gloriæ.

Quis est iste rex gloriæ? DOMINVS  
fortis & potens, DOMINVS potens  
prælio.

Attollite portas principes uestras, & ele-  
uamini portæ æternales, & introibit  
rex gloriæ.

Quis



Quis est iste rex gloriæ? DOMINVS  
virtutum ipse est rex gloriæ.

## XXIII.

## Psalmus David.

**A**D te DOMINE leuauī animam  
meam, Deus meus in te confi-  
do non erubescam.

Nec irrideant me inimici mei, etenim  
vniuersi qui sustinent te, non confun-  
dentur.

Confundentur omnes iniqua agentes su-  
peruacue.

Vias tuas DOMINE demonstra mihi, &  
semitas tuas edoce me.

Dirige me in veritate tua, & doce me quia  
tu es Deus, saluator meus, & te sustinuit  
tota die.

Reminiscere miserationum tuarum DO-  
MINE, & misericordiarum tuarum,  
quæ a seculo sunt.

Delicta iuuentutis meæ & ignorantias  
meas ne memineris.

Secundum misericordiam tuam memento  
mei tu, propter bonitatem tuam DO-  
MINE.

Dulcis & rectus DOMINVS, propter  
hoc legem dabit delinquentibus in via.

Diri



## PSALTERIUM

Diriget mansuetos in iudicio, docebit  
mites uias suas.

Vniuersæ viæ Domini misericordia &  
& veritas, requirentibus testamentum  
eius, & testimonia eius.

Propter nomen tuum DOMINE, propi-  
ciaberis peccato meo, multum est  
enim.

Quis est homo, qui timet DOMINUM &  
Legem statuet ei in via, quam ele-  
git.

Anima eius in bonis demorabitur, & se-  
men eius hæreditabit terram.

Firmamentum est DOMINVS timen-  
tibus eum, & testamentum ipsius ve-  
manifestetur illis.

Oculi mei semper ad DOMINUM, quo-  
niam ipse euellet de laqueo pedes me-  
os.

Respice in me & miserere mei, quia vni-  
cus & pauper sum ego.

Tribulationes cordis mei multiplicatæ  
sunt, de necessitatibus meis erue me.

Vide humilitatem meam & laborem  
meum, & dimitte vniuersa delicta  
mea.

Respice inimicos meos, quoniam multi-  
plicati sunt, & odio iniquo oderunt  
me.

Cu.



Custodi animam meam & erue me, non  
erubescam, quoniam speravi in te.

Innocentes & recti adhæserunt mihi, quia  
sustinui te.

Libera Deus Israel, ex omnibus tribula-  
tionibus suis.

## XXVI.

## Psalmus David.

**I**Vdica me DOMINE, quoniam ego  
in innocentia mea ingressus sum, &  
in DOMINO sperans non infirma-  
bor.

Proba me DOMINE & tenta me, vre-  
renes meos & cor meum.

Quoniam misericordia tua ante oculos  
meos est, & complacui in veritate  
tua.

Non sedi cum consilio vanitatis, & cum  
iniqua gerentibus non introibo.

Odiui Ecclesiam malignantium, & cum  
impijs non sedebo.

Lauabo inter innocentes manus meas, &  
circundabo altare tuum Domine.

Vt audiam vocem laudis tuæ, & enarrem  
vniuersa mirabilia tua.

DOMI.



PSALTERIUM

DOMINE dilexi decorem domus tuæ,  
& locum habitationis gloriæ tuæ.

Ne perdas cum impijs animam meam, &  
cum viris sanguinum vitam meam.

In quorum manibus iniquitates sunt, de-  
xtera eorum repleta est muneribus.

Ego autem in innocentia mea ingressus  
sum, redime me DOMINE, & misere-  
re mei.

Pes enim meus stetit in directo, in Eccle-  
sijs benedicam te DOMINE.

XXVI,

Psalms David, priusquam  
liniretur.

DOMINVS illuminatio mea, & fa-  
lus mea quem timebo?

DOMINVS protector vitæ meæ,  
a quo trepidabo?

Dum appropiant super me nocentes, vt  
edant carnes meas.

Qui tribulant me inimici mei, ipsi infir-  
mati sunt & ceciderunt.

Si consistunt aduersum me castra, non ti-  
mebit cor meum.

Si exurgat aduersum me prælium, in hoc  
ego sperabo.

Vnam



Vnam petij a DOMINO hanc requi-  
ram, vt inhabitem in domo DOMI-  
NI omnibus diebus vitæ meæ.

Vt videam voluptatem DOMINI, &  
visitem templum eius.

Quoniam abscondit me in tabernaculo  
suo, in die malorum protexit me in  
abscondito tabernaculi sui.

In petra exaltauit me, & nunc exaltauit  
caput meum super inimicos meos.

Circumui & immolauit in tabernaculo  
eius hostiam vociferationis, cantabo  
& Psalmum dicam DOMINO.

Exaudi DOMINE vocem meam qua  
clamaui ad te, miserere mei, & exaudi  
me.

Tibi dixit cor meum, exquisiuit te facies  
mea, faciem tuam DOMINE re-  
quiram.

Ne auertas faciem tuam a me, & ne de-  
clines in ira a seruo tuo.

Adiutor meus esto, ne derelinquas me,  
neq; despicias me Deus salutaris meus.

Quoniam pater meus & mater mea dere-  
liquerunt me, DOMINVS autem  
assumpsit me.

Legem pone mihi DOMINE in via  
tua, & dirige me in semita recta pro-  
pter inimicos meos.

Ne



## PSALTERIUM

Ne tradideris me in animas tribulantium me, quoniam insurrexerunt in me testes iniqui, & mentita est iniquitas sibi.

Credo videre bona DOMINI, in terra viventium.

Expecta DOMINUM, viriliter age, & confortetur cor tuum, & suscipe DOMINUM.

## XXVIII.

Dauid.

**A**D te DOMINE clamabo, Deus meus ne filias a me, ne quando taceas a me, assimilabor descendentibus in lacum.

Exaudi DOMINE vocem deprecationis meae, dum ero ad te, dum extollo manus meas ad templum sanctum tuum.

Ne simul tradas me cum peccatoribus, & cum operantibus iniquitatem ne perdas me.

Qui loquuntur pacem cum proximo suo, mala autem in cordibus eorum.

Da illis secundum opera eorum, & secundum



secundum nequitiam adinventionum ipsorum.

Secundum opera manuum eorum tribue illis, redde retributionem eorum ipsis.

Quoniam non intellexerunt opera DOMINI, & in opera manuum eius destrues illos, & non ædificabis eos.

Benedictus DOMINVS, Quoniam exaudiuit vocem deprecationis meæ.

DOMINVS adiutor meus & protector meus, & in ipso speravit cor meum, & adiutus sum.

Et refleuruit caro mea, & ex voluntate mea confitebor ei.

Dominus fortitudo plebis suæ, & protector saluationum Christi sui est.

Saluum fac populum tuum DOMINE, & benedic hereditati tuæ, & rege eos, & extolle illos vsq; in æternum.

## XXVIII.

Psalmus David, in consummatione tabernaculi.

**A**fferte DOMINO filij Dei, afferte DOMINO filios arietum.  
Afferte DOMINO gloriam & hono-



## PSALTERIUM

honorem, afferte DOMINO gloriam  
nomini eius, adorate DOMINUM  
in atrio sancto eius.

Vox DOMINI super aquas, Deus ma-  
iestatis intonuit, DOMINVS super  
aquas multas.

Vox DOMINI in virtute, vox DO-  
MINI in magnificentia.

Vox DOMINI confringentes cedros, &  
confringet DOMINVS cedros Li-  
bani.

Et comminuet eas tanquam vitulum Li-  
bani, & dilectus quemadmodum filius  
vnicornium.

Vox DOMINI intercidentis flammam  
ignis, vox DOMINI concutientis de-  
sertum, & commouebit DOMINVS  
desertum Cades.

Vox DOMINI preparantis ceruos, &  
reuelabit condensa, & in templo eius  
omnes dicent gloriam,

DOMINVS diluuium inhabitare facit,  
& sedebit DOMINVS rex in aeter-  
num.

DOMINVS virtutem populo suo da-  
bit, DOMINVS benedicet populo suo  
in pace.

XXIX.

Psal-



Psalmus Cantici, in Dedicatione  
domus David.

**E**Xaltabo te DOMINE, quoniam  
suscepisti me, nec delectasti ini-  
micos meos super me.

DOMINE Deus meus clamaui ad te, &  
sanasti me.

DOMINE eduxisti ab inferno animam  
meam, saluasti me a descendentibus in  
lacum.

Psallite DOMINO sancti eius, & confi-  
temini memoriae sanctitatis eius.

Quoniam ira in indignatione eius, & vi-  
ta in voluntate eius.

Ad vesperum demorabitur fletus, & ad  
matutinum leticia.

Ego autem dixi in abundantia mea, non  
mouebor in æternum.

DOMINE in voluntate tua præstitisti  
decori meo virtutem.

Auertisti faciem tuam a me, & factus sum  
conturbatus.

Ad te DOMINE clamabo, & ad Deum  
meum deprecabor.

Quæ utilitas in sanguine meo, dum de-  
scendo in corruptionem.

Nunquid confitebitur tibi puluis, aut an-  
nunciabit veritatem tuam.

Audi



## PSALTERIUM

Audiuit DOMINVS & misertus est mei,  
DOMINVS factus est adiutor meus.

Conuertisti planctum meum in gaudium  
mihi, concidisti saccum meum, & cir-  
cumdedisti me læticia.

Vt cantet tibi gloria mea, & non com-  
pungar, DOMINE Deus meus in æ-  
ternum confitebor tibi.

### XXX.

In finem pro extasi, Psal-  
mus David.

**I**N te DOMINE speraui, non confun-  
dar in æternum, in iusticia tua libe-  
ra me.

Inclina ad me aurem tuam, accelera vt  
eruas me.

Esto mihi in Deum protectorem, & in  
domum refugij, vt saluum me facias.

Quoniam fortitudo mea & refugium me-  
um es tu, & propter nomen tuum de-  
duces me, & enutries me.

Educes me de laqueo hoc, quem abscon-  
derunt mihi, Quoniam tu es protector  
meus.

In manus tuas commendo spiritum me-  
um, redemisti me DOMINE Deus  
veritatis.

Odisti



Odisti obseruantes vanitates superua-  
cues.

Ego autem in DOMINO speraui, exul-  
tabo & lætabor in misericordia tua.

Quoniam respexisti humilitatem meam,  
saluasti de necessitatibus animam me-  
am.

Nec conclusisti me in manibus inimici,  
statuisti in loco spaciofo pedes me-  
os.

Miserere mei DOMINE, quoniam tri-  
bulor, conturbatus est in ira oculus  
meus, anima mea & venter meus.

Quoniam defecit in dolore vita mea, &  
anni mei in gemitibus.

Infirmata est in paupertate virtus mea,  
& ossa mea conturbata sunt.

Super omnes inimicos meos factus sum  
opprobrium vicinis meis valde, & ti-  
mor notis meis.

Qui videbant me, foras fugerunt a me,  
obliuioni datus sum tanquam mortu-  
us a corde.

Factus sum tanquam vas perditum, quo-  
niam audiui vituperationem multo-  
rum commorantium in circuitu.

In eo dum conuenirent simul aduersum  
me, accipere animam meam consiliati  
sunt.

C

Ego



## PSALTERIUM

Ego autem in te speravi DOMINE, dixi, Deus meus es tu, in manibus tuis sortes meae.

Eripe me de manu inimicorum meorum, & a persequentibus me.

Illustra faciem tuam super seruum tuum, saluum me fac in misericordia tua, DOMINE non confundar, quoniam inuocaui te.

Erubescant impij & deducantur in infernum, muta fiant labia dolosa.

Quae loquuntur aduersus iustum iniquitatem, in superbia & in abusione.

Quam magna multitudo dulcedinis tuae DOMINE, quam abscondisti timentibus te.

Perfecisti eis qui sperant in te, in conspectu filiorum hominum.

Absconde eos in abscondito faciei tuae, a conturbatione hominum.

Proteges eos in tabernaculo tuo, a contradictione linguarum.

Benedictus DOMINVS, quoniam mirificauit misericordiam suam mihi, in ciuitate munita.

Ego autem dixi in excessu mentis meae, proiectus sum a facie oculorum tuorum.

Idco



Ideo exaudisti vocem orationis meæ, dum clamarem ad te.

Diligite DOMINUM omnes sancti eius, quoniam veritatem requirit DOMINUS, & retribuet abundanter facientibus superbiam.

Viriliter agite & confortetur cor vestrum, omnes qui speratis in DOMINO.

## XXXI.

## Intellectus David.

**B**Eati quorum remissæ sunt iniquitates, & quorum recta sunt peccata.

Beatus vir, cui non imputauit DOMINUS peccatum, nec est in spiritu eius dolus.

Quoniam tacui, inueterauerunt ossa mea, dum clamarem tota die.

Quoniam die ac nocte grauata est super me manus tua, Conuersus sum in ærumna mea, dum configitur spina.

Delictum meum cognitum tibi feci, & iniusticiam meam non abscondi.

Dixi, confitebor aduersum me iniusticiam meam DOMINO, & tu remisisti impietatem peccati mei.



## PSALTERIVM

Pro hac orabit ad te omnis sanctus in  
tempore oportuno.

Veruntamen in diluuiio aquarum multa-  
rum, ad eum non approximabunt.

Tu es refugium meum a tribulatione, quæ  
circumdedit me, exultatio mea erue  
me a circumdantibus me.

Intellectum tibi dabo, & instruam te in  
via hac qua gradieris, firmabo super  
te oculos meos.

Nolite fieri sicut equus & mulus, quibus  
non est intellectus.

In chamo & freno maxillas eorum con-  
stringe, qui non approximant ad te.

Multa flagella peccatoris, sperantem au-  
tem in DOMINO misericordia cir-  
cumdabit.

Lætamini in DOMINO & exultate iu-  
sti, & gloriamini omnes recti corde.

## XXXII.

In finem, Psalmus David.

**E**Xultate iusti in DOMINO, re-  
ctos decet collaudatio.

**C**onfitemini DOMINO in cy-  
thara, in psalterio decem chordarum  
psallite illi.

Canz



Cantate ei canticum nouum, bene psallite ei in vociferatione.

Quia rectum est verbum DOMINI, & omnia opera eius in fide.

Diligit misericordiam & iudicium DOMINVS, misericordia DOMINI plena est terra.

Verbo DOMINI cœli firmati sunt, & spiritu oris eius omnis virtus eorum.

Congregans sicut in vtre aquas maris, ponens in thesauris abyssos.

Timeat DOMINVM omnis terra, ab eo autem commoueantur omnes inhabitantes orbem.

Quoniam ipse dixit & facta sunt, ipse mandauit & creata sunt.

DOMINVS dissipat consilia gentium, reprobat autem cogitationes populorum, & reprobat consilia principum.

Consilium autem DOMINI in æternum manet, cogitationes cordis eius in generatione & generationem.

Beata gens cuius est DOMINVS Deus eius, populus quem elegit in hæreditatem sibi.

De cœlo respexit DOMINVS, vidit omnes filios hominum.

De præparato habitaculo suo respexit super omnes qui habitant terram.



## PSALTERIUM

Qui finxit sigillatim corda eorum, qui  
intelligit omnia opera eorum.

Non saluatur rex per multam virtutem,  
& gigas non saluabitur in multitudine  
virtutis suæ.

Fallax equus ad salutem, in abundantia  
autem virtutis suæ non saluabitur.

Ecce oculi DOMINI super metuentes  
eum, & in eis, qui sperant super miseri-  
cordiam eius.

Vt eruat a morte animas eorum, & alat  
eos in fame.

Anima nostra sustinet DOMINUM,  
quoniam adiutor & protector noster  
est.

Quia in eo letabitur cor nostrum, & in  
nomine sancto eius sperauimus.

Fiat misericordia tua DOMINE super  
nos, quemadmodum sperauimus in te.

## XXXIII.

Psalmus David, cum mutauit vultum  
suum coram Abimelech,  
& dimisit eum &  
abiit.

Bene



**B**enedicam DOMINVM in omni tempore, semper laus eius in ore meo.

In DOMINO lætabitur anima mea, audiant mansueti & lætentur.

Magnificate DOMINVM mecum, & exultemus nomen eius in idipsum.

Exquisiui DOMINVM, & exaudiuit me, & ex omnibus tribulationibus meis eripuit me.

Accedite ad eum & illuminamini, & facies vestræ non confundentur.

Iste pauper clamavit, & DOMINVS exaudiuit eum, & ex omnibus tribulationibus eius saluauit eum.

Immittet Angelus DOMINI in circuitu timentium eum, & eripiet eos.

Gustate & videte quoniam suavis est DOMINVS, Beatus vir qui sperauit in eo.

Timete DOMINVM omnes sancti eius, quoniam non est inopia timentibus eum.

Diuites eguerunt & esurierunt, inquirentes autem DOMINVM non minuentur omni bono.

Venite filij, audite me, timorem DOMINI docebo vos.



## PSALTERIUM

Quis est homo qui vult vitam? diligit  
dies videre bonos?

Prohibe linguam tuam a malo, & labia  
tua ne loquantur dolum.

Diuerte a malo & fac bonum, inquire  
pacem & persequere eam.

Oculi DOMINI super iustos, & aures  
eius in preces eorum.

Vultus autem DOMINI, super facientes  
mala, vt perdat de terra memoriam eor-  
um.

Clamauerunt iusti, & DOMINVS ex-  
audiuit eos, & ex omnibus tribulatio-  
nibus eorum liberauit eos.

Iuxta est DOMINVS his qui tribula-  
to sunt corde, & humiles spiritu salua-  
bit.

Multæ tribulationes iustorum, & de  
omnibus his liberabit eos DOMI-  
NVS.

Custodit DOMINVS omnia ossa eo-  
rum, vnum ex his non conteretur.

Mors peccatorum pessima, & qui ode-  
runt iustum delinquent.

Redimet DOMINVS animas seruo-  
rum suorum, & non delinquent omnes  
qui sperant in eo.

### XXXIII.

Psal



## Psalmus ipsi David.

**I**udica DOMINE nocentes me, expu-  
 gna impugantes me.  
**A**pprehende arma & scutum, & exur-  
 ge in adiutorium mihi.  
**E**ffunde frameam & conclude aduersus  
 eos qui persequuntur me, dic animæ  
 meæ, Salus tua ego sum.  
**C**onfundantur & reuereantur, quærentes  
 animam meam.  
**A**uertantur retrorsum & confundantur,  
 cogitantes mihi mala.  
**F**iant tanquam puluis ante faciem ven-  
 ti, & Angelus DOMINI coarctans  
 eos.  
**F**iant viæ illorum tenebræ & lubricum,  
 & Angelus DOMINI persequens  
 eos.  
**Q**uoniam gratis absconderunt mihi in-  
 teritum laquei sui, superuacue expro-  
 brauerunt animam meam.  
**V**eniat illi laqueus quem ignorat, & ca-  
 ptio quam abscondit apprehendat eum,  
 & in laqueum cadat in ipsum.  
**A**nima autem mea exultabit in DO-  
 MINO, & delectabitur super salutari  
 suo.  
**O**mnia ossa mea dicent, DOMINE quis  
 C 5                      simili



## PSALTERIUM

similis tibi? Eripiens inopem de manu fortiorum eius, egenum & pauperem a diripientibus eum.  
Surgentes testes iniqui, quæ ignorabam interrogabant me.  
Retribuerunt mihi mala pro bonis, sterilitatem animæ meæ.  
Ego autem cum mihi molesti essent, induebar cilicio,  
Humiliabam in ieiunio animam meam, & oratio mea in sinu meo conuertetur.  
Quasi proximum & quasi fratrem nostrum sic complacebam, quasi lugens & contristatus sic humiliabar.  
Et aduersum me lætati sunt & conuenerunt, congregata sunt super me flagella & ignorauit.  
Dissipati sunt nec compuncti, tentaerunt me, subsannarunt me subsannatione, frenduerunt super me dentibus suis.  
DOMINE quando respicies, restitue animam meam a malignitate eorum, a leonibus vnicam meam.  
Confitebor tibi in Ecclesia magna, in populo graui laudabo te.  
Non super gaudeant mihi, qui aduersantur mihi inique, qui oderunt me gratis & annuunt oculis.

Quo



Quoniam mihi quidem pacifice loque-  
bantur, & in iracundia terræ loquen-  
tes dolos cogitabant.

Et dilatauerunt super me os suum, di-  
xerunt, euge, euge, viderunt oculi no-  
stri.

Vidisti DOMINE ne fileas, DOMINE  
ne discedas a me.

Exurge & intende iudicio meo Deus  
meus, & DOMINVS meus, in causam  
meam.

Iudica me secundum iusticiam tuam  
DOMINE Deus meus, & non su-  
per gaudeant mihi.

Non dicant in cordibus suis euge, euge  
animæ nostræ, nec dicant deuorabi-  
mus eum.

Erubescant & reuereantur simul, qui  
gratulantur malis meis.

Induantur confusione & reuerentia, qui  
maligna loquuntur super me.

Exultent & lætentur qui volunt iustici-  
am meam, & dicant semper, magnifi-  
cetur DOMINVS, qui volunt pacem  
serui eius.

Et lingua mea meditabitur iusticiam tu-  
am, tota die laudem tuam.

XXXV.

C 6

In



PSALTERIUM

In finem, seruo Domini, David,

**D**ixit iniustus vt delinquat in semet-  
ipso, non est timor Dei ante oculos eius.

Quoniam dolose egit in conspectu eius,  
vt inueniatur iniquitas eius ad odium.

Verba oris eius iniquitas & dolus, noluit  
intelligere vt bene ageret.

Iniquitatem meditatus est in cubili suo,  
astitit omni viae non bonae, malitiam  
autem non odiuit.

**DOMINE** in caelo misericordia tua, &  
veritas tua vsq; ad nubes.

Iusticia tua sicut montes Dei, iudicia tua  
abyssus multa.

Homines & iumenta saluabis **DOMI-**  
**NE**, quemadmodum multiplicasti mi-  
sericordiam tuam Deus.

Filij autem hominum in tegmine alarum  
tuarum sperabunt.

Inebriabuntur ab vbertate domus tuae, &  
torrente voluptatis tuae potabis eos.

Quoniam apud te est fons vitae, & in lu-  
mine tuo videbimus lumen.

Prætende **DOMINE** misericordiam  
tuam scientibus te, & iusticiam tuam  
his qui recto sunt corde.

Non



Non veniat mihi pes superbiæ, & manus peccatoris non moueat me.

Ibi ceciderunt omnes qui operantur iniquitatem, expulsi sunt nec potuerunt stare.

## XXXVI.

Psalms ipsi Dauid,

**N**oli æmulari in malignantibus, neque zelaueris facientes iniquitatem.

Quoniam tanquam foenum velociter arefcunt, & quemadmodum olera herbarum cito decident.

Spera in DOMINO & fac bonitatem, & inhabita terram, & pasceris in diuitijs eius.

Delectare in DOMINO, & dabit tibi petitiones cordis tui.

Reuela DOMINO viam tuam & spera in eo, & ipse faciet.

Et deducet quasi lumen iusticiam tuam, & iudicium tuum tanquam meridiem, subditus esto DOMINO, & ora eum.

Noli æmulari in eo qui prosperatur in via sua, in homine faciente iniusticias.



## PSALTERIUM

Desine ab ira & derelinque furorem, no-  
li æmulari vt maligneris.

Quoniam qui malignantur extermina-  
buntur, sustinentes autem DOMI-  
NVM ipsi hæreditabunt terram.

Et adhuc pusillum & non erit peccator,  
& quæres locum eius & non inue-  
nies.

Mansueti autem hæreditabunt terram,  
& delectabuntur in multitudine pa-  
cis.

Obseruabit peccator iustum & stridebit  
super eum dentibus suis.

DOMINVS autem irridebit eum, quo-  
niam prospicis quod veniet dies eius.

Gladium euaginauerunt peccatores, in-  
tenderunt arcum suum.

Vt deiciant pauperem & inopem, vt  
trucident rectos corde.

Gladius eorum intret in corda ipsorum,  
& arcus eorum confringatur.

Melius est modicum iusto, super diuitias  
peccatorum multas.

Quoniam brachia peccatorum conte-  
rentur, confirmat autem iustos DO-  
MINVS.

Novit DOMINVS dies immaculato-  
rum, & hæreditas eorum in æternum  
erit.

Non



Non confundentur in tempore malo, &  
in diebus famis saturabuntur, quia  
peccatores peribunt.

Inimici vero DOMINI mox vt honori-  
ficati fuerint, & exaltati, deficientes  
quemadmodum fumus deficient.

Mutuatur peccator & non soluet, iustus  
autem miseretur & retribuet.

Quia benedicentes ei hæreditabunt  
terram, maledicentes autem ei despera-  
bunt.

Apud DOMINVM gressus hominis di-  
rigitur, & viam eius volet.

Cum ceciderit non collidetur, quia  
DOMINVS supponit manum su-  
am.

Iunior fui, etenim senui, & non vidi iu-  
stum derelictum, nec semen eius quæ-  
rens panem.

Tota die miseretur & commodat, & se-  
men illius in benedictione erit.

Declina a malo & fac bonum, & inhabi-  
ta in seculum seculi.

Quia DOMINVS amat iudicium, &  
non derelinquet sanctos suos, in æter-  
num conseruabuntur.

Iniusti punientur, & semen impiorum  
peribit.

Iusti autem hæreditabunt terram, &  
inha



## PSALTERIUM

Inhabitabunt in seculum seculi super  
eam.

Os iusti meditabitur sapientiam, & lin-  
gua eius loquetur iudicium.

Lex Dei eius in corde ipsius, & non sup-  
plantabuntur gressus eius.

Considerat peccator iustum, & quærit  
mortificare eum.

**DOMINVS** autem non derelinquet  
eum in manibus eius, nec damnabit  
eum cum iudicabitur illi.

Expecta **DOMINVM** & custodi viam  
eius, & exaltabit te, vt hæreditate ca-  
pias terram, cum perierint peccatores:  
videbis.

Vidi impium superexaltatum, & eleua-  
tum sicut cedros Libani.

Et transiui & ecce non erat, quæsiui eum,  
& non est inuentus locus eius.

Custodi innocentiam & vide æquita-  
tem, quoniam sunt reliquæ hominibus  
pacifico.

Iniusti autem disperibunt simul, reliquæ  
impiorum interibunt.

Salus autem iustorum a **DOMINO**, &  
protector eorum est in tempore tribu-  
lationis.

Et adiuuabit eos **DOMINVS**, & libe-  
rabit eos, & eruet eos a peccatoribus,  
bus,



bus, & saluabit eos, quia sperauerunt  
in eo.

## XXXVII.

Psalms David, in memoratio  
ne diei Sabbati.

**D**OMINE, ne in furore tuo arguas  
me, neq; in ira tua corripas  
me.

Quoniam sagittæ meæ infixæ sunt mi-  
hi, & confirmasti super me manum tu-  
am.

Non est sanitas in carne mea a facie iræ  
tuæ, non est pax ossibus meis a facie  
peccatorum meorum.

Quoniam iniquitates meæ supergressæ  
sunt caput meum, & sicut onus graue  
prauatæ sunt super me.

Putruerunt & corruptæ sunt cicatrices  
meæ, a facie insipientiæ meæ.

Miser factus sum, & curuatus sum vsq;  
in finem, tota die contristatus ingre-  
diebar.

Quoniam lumbi mei impleti sunt illu-  
sionibus, & non est sanitas in carne  
mea.

Afflictus sum & humiliatus sum ni-  
mis,



## PSALTERIUM

mis, rugiebam a gemitu cordis mei,  
DOMINE, ante te omne desiderium meum,  
& gemitus meus a te non est absconditus.

Cor meum conturbatum est, dereliquit me virtus mea, & lumen oculorum meorum, & ipsum non est mecum.

Amici mei & proximi mei aduersum me appropinquauerunt & steterunt.

Et qui iuxta me erant de longe steterunt, & vltim faciebant qui quærebant animam meam.

Et qui inquirebant mala mihi, locuti sunt vanitates, & dolos tota die meditantur.

Ego autem tanquam surdus non audiebam, & sicut mutus non aperiens os suum.

Et factus sum sicut homo non audiens, & non habens in ore suo redargutiones.

Quoniam in te DOMINE speraui, tu exaudies me DOMINE Deus meus.

Quia dixi, ne quando supergaudeant mihi inimici mei, & dum commouentur pedes mei, super me magna locuti sunt.

Quoniam ego in flagella paratus sum, &



& dolor meus in conspectu meo est  
semper.

Quoniam iniquitatem meam annuncia-  
bo, & cogitabo pro peccato meo.

Inimici autem mei viuunt, & confirmati  
sunt super me, & multiplicati sunt qui  
oderunt me inique.

Qui retribuunt mala pro bonis detrahe-  
bant mihi, quoniam sequebar bonita-  
tem.

Ne derelinquas me DOMINE Deus me-  
us, ne discesseris a me.

Intende in adiutorium meum, DOMINE  
Deus salutis meae.

## XXXVIII.

In finem, pro Idithum, Cantio  
cum Dauid.

**D**Ixi, custodiam vias meas, vt non  
delinquam in lingua mea.

Posui ori meo custodiam, cum con-  
fisteret peccator aduersum me.

Obmutui & humiliatus sum & filii a bo-  
nis, & dolor meus renouatus est.

Concal



## PSALTERIUM

Concaluit cor meum intra me, & in meditatione mea exardescet ignis.

Locutus sum in lingua mea, notum fac mihi DOMINE finem meum.

Et numerum dierum meorum quis est, ut sciam quid desit mihi.

Ecce mensurabiles posuisti dies meos, & substantia mea tanquam nihilum ante te.

Veruntamen vniuersa vanitas omnis homo viuens.

Veruntamen in imagine pertransit homo, sed & frustra conturbatur.

Theaurizat, & ignorat cui congregabit ea.

Et nunc quæ est expectatio mea? Nonne DOMINVS? Et substantia mea apud te est.

Ab omnibus iniquitatibus meis erue me, opprobrium insipienti dedisti me.

Obmutui & non aperui os meum, quoniam tu fecisti, amoue a me plagas tuas.

A fortitudine enim manus tuæ ego defeci in increpationibus, propter iniquitatem corripuisti hominem.

Et tabescere fecisti sicut arenam animam eius, veruntamen vane conturbatur omnis homo.

Exau



Exaudi orationem meam DOMINE,  
& deprecationem meam, auribus per-  
cipe lachrymas meas.

Ne fileas, quoniam aduena ego sum apud  
te & peregrinus, sicut omnes patres  
mei.

Remitte mihi, vt refrigeret priusquam  
abeam, & amplius non ero.

## XXXIX.

In finem, Psalmus David.

**E**Xpectans expectaui DOMI-  
NUM, & intendit mihi.

Et exaudiuit preces meas, & edu-  
xit me de lacu miserix, & de luto fœ-  
cis.

Et statuit supra petram pedes meos, &  
direxit gressus meos.

Et dimisit in os meum canticum nouum,  
carmen Deo nostro.

Videbunt multi & timebunt, & spera-  
bunt in DOMINO.

Beatus uir, cuius est nomen DOMINI  
spes eius, & non respexit in vanitates  
& insanias falsas.

Multa fecisti tu DOMINE Deus meus  
mira



## PSALTERIUM

mirabilia tua, & cogitationibus tuis  
non est qui similis sit tibi.

Annunciaui & locutus sum, multiplicati  
sunt super numerum.

Sacrificium & oblationem noluisti, aures  
autem perfecisti mihi.

Holocaustum & pro peccato non postu-  
lasti, tunc dixi, Ecce venio.

In capite libri scriptum est de me, vt fa-  
cerem voluntatem tuam, Deus meus  
volui, & legem tuam in medio cordis  
mei.

Annunciaui iusticiam tuam in Ecclesia  
magna, ecce labia mea non prohibe-  
bo, DOMINE tu fecisti.

Iusticiam tuam non abscondi in corde  
meo, veritatem tuam & salutare tuum  
dixi.

Non abscondi misericordiam tuam, &  
veritatem tuam a consilio multo.

Tu autem DOMINE ne longe facias  
miserationes tuas a me, misericordia  
& veritas tua semper susceperunt me.

Quoniam circumdederunt me mala, quo-  
rum non est numerus, comprehende-  
runt me iniquitates meae, & non po-  
tui vt viderem.

Multiplicatae sunt super capillos capitis  
mei, & cor meum dereliquit me.

Com.



Complaceat tibi DOMINE vt eruas  
me, DOMINE ad adiuuandum me  
respice.

Confundantur & reuereantur simul qui  
quæerunt animam meam vt auferant  
eam.

Auertantur retrorsum & reuereantur, qui  
volunt mihi mala.

Ferant confectim confusionem suam, qui  
dicunt mihi, euge, euge.

Exultent & lætentur super te omnes,  
quærentes te, & dicant semper, mag-  
nificetur DOMINVS, qui diligunt  
salutare tuum.

Ego autem mendicus sum & pauper,  
DOMINVS sollicitus est mei.

Adiutor meus & protector meus es tu,  
Deus meus ne tardaueris.

XL.

In finem, Psalmus David.

**B**Eatus vir, qui intelligit super ege-  
num & pauperem, in die mala  
liberabit eum DOMINVS.

DOMINVS conseruet eum & viuificet  
eum, & beatum faciat eum in terra.

Et non tradat eum in animam inimico-  
rum eius.

DOMI



PSALTERIUM.

DOMINVS opem ferat illi super lecturam  
doloris eius, vniuersum stratum eius  
verfasti in infirmitate eius.

Ego dixi, DOMINE, miserere mei, sana  
animam meam, quia peccaui tibi.

Inimici mei dixerunt mala mihi, quando  
morietur & peribit nomen eius?

Et si ingrediebatur vt videret, vana lo-  
quebatur cor eius, congregauit iniqui-  
tatem sibi.

Egrediebatur foras, & loquebatur in idem  
ipsum.

Aduersum me susurrabant omnes inimi-  
ci mei, aduersum me cogitabant mala  
mihi.

Verbum iniquum constituerunt aduer-  
sum me, nunquid qui dormit non ab-  
ijciet vt resurgat?

Etenim homo pacis meae, in quo speravi,  
qui edebat panes meos, magnificauit  
super me supplantationem.

Tu autem DOMINE miserere mei, &  
resuscita me, & retribuam eis.

In hoc cognoui, quoniam voluisti me,  
quoniam non gaudebit inimicus meus  
super me.

Me autem propter innocentiam suscepisti,  
& confirmasti me in conspectu  
tuo in aeternum.

Bene



DAVIDIS.

37

Benedictus DOMINVS Deus Israel, a  
seculo & vsq; in seculum; fiat, fiat,

XLI.

In finem, intellectus filijs Choræ,  
Psalmus David.

**Q**uemadmodum desiderat ceruus  
ad fontes aquarum, ita deside-  
rat anima mea ad te Deus.

Sitiuit anima mea ad Deum fontem vi-  
uum, quando veniam & apparebo an-  
te faciem Dets

Fuerunt mihi lachrymæ meæ panes die  
ac nocte, dum dicitur mihi quotidie,  
vbi est Deus tuus?

Hæc recordatus sum, & effudi in me ani-  
mam meam, quoniam transibo in lo-  
cum tabernaculi admirabilis, vsq; ad  
domum Dei.

In voce exultationis & confessionis, so-  
nus epulantis.

Quare tristis es anima mea, & quare con-  
turbas me?

Spera in Deo, quoniam adhuc confite-  
bor illi, salutare vultus mei & Deus  
meus.

D

Ad



## PSALTERIUM

Ad me ipsum anima mea conturbata est,  
propterea memor ero tui de terra Ior-  
danis & Hermonium a monte modi-  
co.

Abyssus abyssum inuocat, inuocet catara-  
ctarum tuarum.

Omnia excelsa tua & fluctus tui, super me  
transierunt.

In die mandauit DOMINVS miseri-  
cordiam suam, & nocte canticum eius,  
Apud me oratio Deo, vitæ meæ, dicam  
Deo, Susceptor meus es.

Quare oblitus es mei? & quare contri-  
stus incedo, dum affligit me inimi-  
cus.

Dum confringuntur ossa mea, exprobra-  
uerunt mihi qui tribulant me inimici  
mei.

Dum dicunt mihi per singulos dies, ubi  
est Deus tuus? Quare tristis es anima  
mea, & quare conturbas me?

Spera in Deo, quoniam adhuc confite-  
bor illi, salutare vultus mei & Deus  
meus.

### XLII.

Psalmus David.

Iudica



**I**udica me Deus, & discerne causam  
meam de gente non sancta, ab homi-  
ne iniquo & doloso erue me.

Quia tu es Deus fortitudo mea, quare me  
repulisti? Et quare tristis incedo, dum  
affligit me inimicus?

Emitte lucem tuam & veritatem tuam,  
ipsa me deduxerunt, & adduxerunt in  
montem sanctum tuum, & in taberna-  
cula tua.

Et introibo ad altare Dei, ad Deum qui  
lætificat iuventutem meam:

Confitebor tibi in cythara, Deus Deus  
meus, quare tristis es anima mea, &  
quare conturbas me?

Spera in Deo, quoniam adhuc confite-  
bor illi, salutare vultus mei & Deus  
meus.

## XLIII.

In finem, in filijs Choræ, ad  
intellectum.

**D**eus auribus nostris audiuiimus, pa-  
tres nostri annunciauerunt.

Opus quod operatus es in diebus  
eorum, & in diebus antiquis.

Manus tua gentes disperdidit, & plan-  
tasti



## PSALTERIUM

causti eos, afflixisti populos & expulisti eos.

Nec enim in gladio suo possederunt terram, & brachium eorum non saluauit eos.

Sed dextera tua & brachium tuum & illuminatio vultus tui, quoniam complacuiisti in eis.

Tu es ipse rex meus & Deus meus, qui mandas salutes Iacob.

In te inimicos nostros ventilabimus cornu, & in nomine tuo spernemus insurgentes in nobis.

Non enim in arcu meo sperabo, & gladius meus non saluabit me,

Saluasti enim nos de affligentibus nos & odientes nos confudisti.

In Deo laudabimur tota die & in nomine tuo confitebimur in secula.

Nunc autem repulisti & confudisti nos, & non egredieris Deus in virtutibus nostris.

Auertisti nos retrorsum post inimicos nostros, & qui oderunt nos, diripiebant sibi.

Dedisti nos tanquam oues escarum, & in gentibus dispersisti nos.

Vendidisti populum tuum sine pretio, & non fuit multitudo in commutationibus eorum.

Po



DAVIDIS.

39

Posuisti nos opprobrium vicinis nostris,  
subsannationem & derisum his qui  
sunt in circuitu nostro.

Posuisti nos in similitudinem genti-  
bus, commotionem capitis in popu-  
lis.

Tota die verecundia mea contra me  
est, & confusio faciei meae cooperuit  
me.

A voce exprobrantis & obloquentis, a  
facie inimici & persequentis.

Hæc omnia venerunt super nos, nec obli-  
ti sumus te, & inique non egimus in  
testamento tuo.

Et non recessit retro cor nostrum, &  
declinasti in semitas nostras in via  
tua.

Quoniam humiliasti nos in loco affli-  
ctionis, & cooperuit nos umbra mor-  
tis.

Si obliti sumus nomen Dei nostri, & si  
expandimus manus nostras ad Deum  
alienum.

Nonne Deus requireret ista? Ipse enim no-  
uit abscondita cordis.

Quoniam propter te mortificamur tota  
die, aestimati sumus sicut oves occisio-  
nis.

Exurge, quare obdormis DOMINE?

D 5

exur



## PSALTERIUM

exurge & ne repellas in finem.

Quare faciem tuam auertis? Obliviscere inopiam nostram & tribulationis nostram.

Quoniam humiliata est in pulvere anima nostra, conglutinatus est in terra venter noster.

Exurge DOMINE adiuua nos, & redime nos propter nomen tuum.

## XLIII.

In finem, pro his qui commutabuntur filijs Choræ ad intellectum, Canticum pro dilecto.

**E**Ructauit cor meum verbum bonum, dico ego opera mea regi.  
Lingua mea calamus scribæ, velociter scribentis.

Speciosus forma præ filijs hominum, diffusa est gratia in labijs tuis, propterea benedixit te Deus in æternum.

Accingere gladio tuo, super femur tuum potentissimæ.

Specie tua & pulchritudine tua, intende prospere, procede & regna.

Propter



Propter veritatem & mansuetudinem, & iustitiam, & deducet te mirabiliter dextra tua.

Sagittæ tuæ acutæ, populi sub te cadent in corda inimicorum regis.

Sedes tua Deus in seculum seculi, virga directionis virga regni tui.

Dilexisti iustitiam & odisti iniquitatem, propterea vnxit te Deus, Deus tuus oleo læticiæ præ consortibus tuis.

Myrrha & gutta & casia a vestimentis tuis, a domibus eburneis, ex quibus delectauerunt te filiæ regnum in honore tuo.

Astitit regina a dextris tuis in vestitu de aurato, circumdata varietate.

Audi filia & vide & inclina aurem tuam, & obliuiscere populum tuum & domum patris tui.

Et concupiscet Rex decorem tuum, quoniam ipse est DOMINVS Deus tuus, & adorabunt eum.

Et filiæ Tyri in muneribus, vultum tuum deprecabuntur omnes diuites plebis.

Omnis gloria filiæ regis ab intus, in fimbrijs aureis circumamicta varietatibus.



## PSALTERIUM

Adducentur regi virgines post eam, proxima eius afferentur tibi.

Afferentur in læticia & exultatione, adducentur in templum regis.

Pro patribus tuis nati sunt tibi filij, constitues eos principes super omnem terram.

Memor ero nominis tui, in omni generatione & generationem.

Propterea populi confidebuntur tibi in æternum, & in seculum seculi.

## XLV.

In finem, filijs Choræ pro arcanis, Psalmus.

**D**eus noster refugium & virtus, adiutor in tribulationibus, quæ inuenerunt nos nimis.

Propterea non timebimus dum turbabitur terra, & transferentur montes in cor maris.

Sonuerunt, & turbatæ sunt aquæ eorum, conturbati sunt montes in fortitudine eius.

Fluminis impetus lætificat ciuitatem Dei, sanctificauit tabernaculum suum altissimus.

Deus



DAVIDIS.

41

Deus in medio eius, non commouebitur, adiuuabit eam Deus mane diluculo.

Conturbatae sunt gentes, & inclinata sunt regna, dedit vocem suam, mota est terra.

DOMINVS virtutum nobiscum, susceptor noster Deus Iacob.

Venite & videte opera DOMINI, quae posuit prodigia super terram, auferens bella usque ad finem terrae.

Arcum conteret & confringet arma, & scuta comburet igni.

Vacate & videte, quoniam ego sum Deus, exaltabor in gentibus, & exaltabor in terra.

DOMINVS virtutum nobiscum, susceptor noster Deus Iacob.

XLVI.

In finem, pro filiis Chorae,  
Psalmus.

Omnes gentes plaudite manibus, iubilare Deo in voce exultationis.

Quoniam DOMINVS excelsus terribilis, Rex magnus super omnem terram.

D S

Sub



## PSALTERIUM

Subiecit populos nobis, & gentes sub pedibus nostris.

Elegit nos hereditatem suam, speciem Iacob quam dilexit.

Ascendit Deus in iubilo, & DOMINVS in voce tubæ.

Pfallite Deo nostro, pfallite, pfallite regi nostro, pfallite.

Quoniam Rex omnis terræ Deus, pfallite sapienter.

Regnavit Deus super gentes, Deus sedet super sedem sanctam suam.

Principes populorū congregati sunt cum Deo Abraham, quoniam dii fortes terræ vehementer eleuati sunt.

## XLVII.

Psalmus Cantici filijs Choræ,  
secunda die Sabbati.

**M**agnus DOMINVS & laudabilis nimis, in ciuitate Dei nostri, in monte sancto eius.

Fundantur exultatione vniuersæ terræ mons Zion, latera aquilonis, ciuitas regis magni.

Deus in domibus eius cognoscetur, cum suscipiet eam,

Quo



Quoniam ecce reges terræ congregati  
sunt, conuenerunt in vnum.

Ipsi videntes sic admirati sunt, conturba-  
ti sunt, commoti sunt, tremor apprehen-  
dit eos.

Ibi dolores vt parturientis, in spiritu ve-  
hementi conteres naues Tharsis.

Sicut audiuimus, sic vidimus in ciuitate  
DOMINI virtutum, in ciuitate Dei  
nostri, Deus fundauit eam in æternum.

Suscepimus Deus misericordiam tuam,  
in medio templi tui.

Secundum nomen tuum Deus sic & laus  
tua in fines terræ, iusticia plena est dex-  
tra tua.

Latetur mons Zion & exultent filix Iu-  
da, propter iudicia tua DOMINE.

Circumdate Zion et complectimini eam,  
narrate in turribus eius.

Ponite corda vestra in virtute eius, & di-  
stribuite domus eius, vt enarretis in  
progenie altera.

Quoniam hic est Deus Deus noster in æ-  
ternum & in seculum seculi, ipse regit  
nos in secula.

XLVIII.

D &

IN



PSALTERIUM

In finem, pro filijs Choræ,  
Psalmus.

**A**udite hæc omnes gentes, auribus  
percipite omnes qui habitatis or-  
bem.

Quicq; terrigenæ & filij hominum, simul  
in vnum diues & pauper.

Os meum loquetur sapientiam, & medi-  
tatio cordis mei prudentiam.

Inclinabo in parabolam aurem meam,  
aperiam in psalterio propositionem  
meam.

Cur timebo in die mala? Iniquitas calca-  
nei mei circumdabit me.

Qui confidunt in virtute sua, & in mul-  
titudine diuitiarum suarum glorian-  
tur.

Frater non redimit, redimet homo? Non  
dabit Deo placationem suam.

Et precium redemptionis animæ suæ, &  
laborabit in æternum, & viuet adhuc  
in finem.

Non videbit interitum, cum viderit sapi-  
entes morientes, simul insipiens & stul-  
tus peribunt.

Et relinquent alienis diuitias suas, & se-  
pulchra eorum domus illorum in æter-  
num.

Taber.



Tabernacula eorum in pro genie & pro genie, vocauerunt nomina sua in terris suis.

Et homo cum in honore esset, non intellexit, comparatus est iumentis insipientibus, & similis factus est illis.

Hæc via illorum scandalum ipsis, & postea in ore suo complacebunt.

Sic vt oues in inferno positi sunt, mors depascet eos.

Et dominabuntur eorum iusti in matutino, & auxilium eorum veterascet in inferno a gloria eorum.

Veruntamen DEVS redimet animam meam de manu inferi, cum acceperit me.

Ne timueris cum diues factus fuerit homo & cum multiplicata fuerit gloria domus eius.

Quoniam cum interierit non sumet omnia, neque descendet cum eo gloria eius.

Quia anima eius in vita ipsius benedicetur, confitebitur tibi cum benefeceris ei.

Introibit vsq; in progenies patrum suorum, & vsq; in æternum non videbit lumen.

Homo cum in honore esset, non intellexit,



## PSALTERIUM

lexit, comparatus est iumentis insipientibus, & similis factus est illis.

### XLIX.

#### Psalms Assaph.

**D**Eus deorum DOMINVS locutus est, & vocavit terram,

A solis ortu vsque ad occasum, ex  
Zion species decoris eius,

Deus manifeste veniet, Deus noster &  
non silebit.

Ignis in conspectu eius exardescet, & in  
circuitu eius tempestas valida.

Aduocauit coelum de sursum, & terram  
discernere populum suum.

Congregate illi sanctos eius, qui ordinant  
testamentum eius super sacrificia.

Et annuntiabunt coeli iustitiam eius, quo-  
niam Deus iudex est.

Audi populus meus, & loquar, Israel, &  
testificabor tibi, Deus Deus tuus ego  
sum.

Non in sacrificijs tuis arguam te, holo-  
causta autem tua in conspectu meo sunt  
semper.

Non accipiam de domo tua vitulos, neque  
de gregibus tuis hircos.

Quo



Quoniam meæ sunt omnes feræ syl-  
uarum, iumenta in montibus & bo-  
ues.

Cognoui omnia volatilia cœli, & pulchri-  
tudo agri mecum est.

Si esurto, non dicam tibi, Meus est enim  
orbis terræ, & plenitudo eius.

Nunquid manducabo carnes tauro-  
rum, aut sanguinem hircorum pota-  
bo?

Immola Deo sacrificium laudis, & redde  
altissimo vota tua.

Et inuoca me in die tribulationis, & eru-  
am te & honorificabis me.

Peccatori autem dixit Deus, quare tu  
enarras iustitias meas, & assumis testa-  
mentum meum per os tuum?

Tu vero odisti disciplinam, & proiecisti  
sermone meos retrorsum.

Si videbas furem, currebas cum eo, &  
cum adulteris portionem tuam pone-  
bas.

Os tuum abundauit malitia, & lingua tua  
concinnabat dolos.

Sedens aduersus fratrem tuum loque-  
baris, & aduersus filium matris tuæ  
ponebas scandalum, hæc fecisti & ta-  
cui.

Existimasti inique, quod ero tui simi-  
lis,



## PSALTERIUM

lis, arguam te, & statuam contra faciem tuam.

Intelligite hæc qui obliuiscimini Deum, ne quando rapiat & non sit qui eripiat.

Sacrificium laudis honorificabit me, & illic iter, quo ostendam illi salutare Dei.

L.

Psalms David, cum venit ad eum Nathan Propheta, postquam intravit ad Bethsabe.

**M**iserere mei Deus, secundum magnam misericordiam tuam. Et secundum multitudinem miserationum tuarum, dele iniquitatem meam.

Amplius laua me ab iniquitate mea, & a peccato meo munda me.

Quoniam iniquitatem meam ego cognosco, & peccatum meum contra me est semper.

Tibi soli peccaui & malum coram te feci, vt iustificeris in sermonibus tuis, &



is, & vincas cum iudicaris.

Ecce enim in iniquitatibus conceptus  
sum, & in peccatis concepit me mater  
mea.

Ecce enim veritatem dilexisti, incerta &  
occulta sapientiæ tuæ manifestasti mi-  
hi.

Asperges me DOMINE hysopo &  
mundabor, lauabis me, & super niuem  
dealabor.

Auditui meo dabis gaudium & lætitiã,  
& exultabunt ossa humiliata.

Auerte faciem tuam a peccatis meis, &  
omnes iniquitates meas dele.

Cor mundum crea in me Deus, & spiri-  
tum rectum innoua in visceribus me-  
is.

Ne proicias me a facie tua, & spiritum  
sanctum tuum ne auferas a me.

Redde mihi lætitiã salutaris tui, & spi-  
ritu principali confirma me.

Docebo iniquos vias tuas, & impij ad te  
conuertentur.

Libera me de sanguinibus Deus Deus sa-  
lutis meæ, & exultabit lingua mea iu-  
stitiam tuam.

DOMINE labia mea aperies, & os me-  
um annunciabit laudem tuam.

Quoniam si voluisses sacrificium de-  
dissem,



## PSALTERIUM

dedissem, utique holocaustis non delectaberis.

Sacrificium Deo spiritus contribulatus, cor contritum & humilitatum Deus non despicias,

Benigne fac DOMINE in bona voluntate tua Zion, ut ædificentur muri Hierusalem.

Tunc acceptabis sacrificium iustitiæ, oblationes & holocausta, tunc imponent super altare tuum vitulos.

### LI.

In finem, intellectus David, cum venit ad eum Doeg Idumæus, & nunciauit Sauli, & dixit,  
Venit David in domum Abimelech.

**Q**uid gloriaris in malicia, qui potens es in iniquitate?  
Tota die iniustitiam cogitauit lingua tua, sicut nouacula acuta fecisti dolum.

Dilexisti malitiam super benignitatem, iniquitatem magis quam loqui æquitatem.

Dilexisti



Dilexisti omnia verba præcipationis,  
lingua dolosa.

Propterea Deus destruet te in finem, e-  
uellet te & emigrabit te de tabernacu-  
lo tuo, & radicem tuam de terra viuen-  
tium.

Videbunt iusti & timebunt, & super eum  
ridebunt, & dicent, ecce homo, qui  
non posuit Deum adiutorem suum.

Sed sperauit in multitudine diuitiarum  
suarum, & præualuit in vanitate sua.

Ego autem sicut oliua fructifera in domo  
Dei, speraui in misericordia Dei in æ-  
ternum, & in seculum seculi.

Confitebor tibi in seculum quia fecisti,  
& expectabo nomen tuum, quoniam  
bonum est in conspectu sanctorum tuo-  
rum.

## LII.

In finem, Intellectus Dauid,  
pro Mahalat.

**D**ixit insipiens in corde suo, non est  
Deus.

Corrupti sunt & abominabiles fa-  
cti sunt in iniquitatibus, non est qui fa-  
ciat bonum.

Deus



## PSALTERIUM

Deus de caelo prospexit super filios hominum, ut videat, si est intelligens aut requirens Deum.

Omnes declinauerunt, simul inutiles facti sunt, non est qui faciat bonum, non est usque ad unum.

Nonne scient omnes qui operantur iniquitatem, qui deuorant plebem meam ut cibum panis?

Deum non inuocauerunt, illic trepidauerunt timore, ubi non erat timor.

Quoniam Deus dissipauit ossa eorum, qui hominibus placent, confusi sunt, quoniam Deus spreuit eos.

Quis dabit ex Zion salutare Israel? Cum conuerterit Deus captiuitatem plebis suae, exultabit Iacob & letabitur Israel.

## LIII.

In finem, in carminibus intellectus  
Dauid, cum venissent Ziphæi, &  
nunciaissent Sauli, nonne Da-  
uid absconditus est  
apud nos?

**D**EVS in nomine tuo saluum me  
fac, & in virtute tua iudica me.  
Deus



Deus exaudi orationem meam, auribus  
percipe verba oris mei.

Quoniam alieni insurrexerunt aduersum  
me, & fortes quæsierunt animam me-  
am, & non proposuerunt Deum ante  
conspectum suum.

Ecce enim Deus adiuuat me, & DOMI-  
NVS susceptor est animæ meæ.

Auerte mala inimicis meis, & in veritate  
tua disperde illos.

Voluntarie sacrificabo tibi, & confite-  
bor nomini tuo DOMINE, quoniam  
bonum est.

Quoniam ex omni tribulatione eripuisti  
me, & super inimicos meos despexit  
oculus meus.

## LIII.

In finem, in carminibus intel-  
lectus David.

**E**Xaudi Deus orationem meam, & ne  
despexeris deprecationem meam,  
intende mihi, & exaudi me.

Contristatus sum in exercitatione mea,  
& conturbatus sum a voce inimici, &  
a tribulatione peccatoris.

Quoniam declinauerunt in me iniqui-  
tates,



## PSALTERIUM

tates, & in ira molesti erant mihi.  
Cor meum conturbatum est in me, & formido mortis cecidit super me.  
Timor & tremor venerunt super me, & contexerunt me tenebræ.  
Et dixi, Quis dabit mihi pennas sicut columbæ, & volabo & requiescam?  
Ecce elongavi fugiens, & mansi in solitudine.  
Expectabam eum, qui saluum me fecit, a pusillanimitate spiritus & tempestate.  
Præcipita DOMINE, & diuide linguas eorum, quoniam vidi iniquitatem & contradictionem in ciuitate.  
Die ac nocte circumdabit eam super muros eius iniquitas, & labor in medio eius & iniustitia.  
Et non defecit in plateis eius vsura & dolus.  
Quoniam si inimicus meus maledixisset mihi, sustinuissem utiq;.  
Et si is, qui oderat me, super me magna locutus fuisset, abscondissem me forsitan ab eo.  
Tu vero homo vnanimis, dux meus & notus meus.  
Qui simul mecum dulces capiebas cibos, & in domo Dei ambulauimus cum consensu.

Veniat



Veniat mors super illos, & descendant in infernum viuentes,

Quoniam nequitiae in habitaculis eorum, in medio eorum.

Ego autem ad Deum clamaui, & DOMINVS saluauit me.

Vespere & mane & meridie narrabo & annuntiabo, & exaudiet vocem meam.

Redimet in pace animam meam ab his qui appropinquant mihi, quoniam inter multos erant mecum.

Exaudiet Deus, & humiliabit illos, qui est ante secula.

Non enim est illis commutatio, & non timuerunt Deum, extendit manum suam in retribuendo.

Contaminauerunt testamentum eius, diuisi ab ira vultus eius, & appropinquauit cor illius.

Molliti sunt sermones eius super oleum, & ipsi sunt iacula.

Iacta super DOMINVM curam tuam, & ipse te enutriet, & non dabit in aeternum fluctuationem iusto.

Tu vero Deus, deduces eos in puteum interitus.

Viri sanguinum & dolosi non dimiliabunt dies suos, ego autem sperabo in te  
DOMINE.

In



PSALTERIUM

L V.

In finem, pro populo, qui a sanctis  
longe factus est, in tituli inscriptione  
ne ipsi David, cum tenuerunt  
cum Allophyli in  
Geth.

**M**iserere mei Deus, quoniam con-  
culcauit me homo, rota die im-  
pugnans tribulauit me.

Conculcauerunt me inimici mei tota die,  
quoniam multi bellantes aduersum  
me.

Ab altitudine diei timebo, ego vero in te  
sperabo.

In Deo laudabo sermones meos, in Deo  
speraui, non timebo quid faciat mihi  
taro.

Tota die verba mea execrabantur, aduer-  
sum me omnes cogitationes eorum in  
malum.

Inhabitabunt & abscondent, ipsi calca-  
neum meum obseruabunt.

Sicut sustinuerunt animam meam, pro  
nihilo saluos facies illos, in ira populos  
confringes.

Deus vitam meam annunciaui tibi, po-  
suisti lachrymas meas in conspectu tuo.

Sicut



DAVIDIS.

49

Sicut & in promissione tua, tunc conuer-  
tentur inimici mei retrorsum.

In quacuncq; die inuocauero te, ecce cog-  
nouit quoniam Deus meus es.

In Deo laudabo verbum, in DOMINO  
laudabo sermonem, in Deo speraui, non  
timebo quid faciat mihi homo.

In me sunt Deus vota tua, quæ reddam,  
laudationes tibi.

Quoniam eripuisti animam meam de  
morte, oculos meos a lachrymis, & pe-  
des meos de lapsu, vt placeam coram  
Deo in lumine viuentium.

LVI.

In finem, ne disperdas David, in  
tituli inscriptione, cum fugeret  
a facie Saul in spelun-  
cam.

**M**iserere mei Deus miserere mei,  
quoniam in te confidit anima  
mea.

Et in vmbra alarum tuarum sperabo, do-  
nec transeat iniquitas.

Clamabo ad Deum altissimum, Deum,  
qui benefecit mihi.

Misit de cælo & liberauit me, dedit in  
opprobrium conculcantes me.

E

Misere



## PSALTERIUM

Misit Deus misericordiam suam & veritatem suam, & eripuit animam meam de medio catulorum, leonum, dormiui conturbatus.

Filij hominum dentes eorum arma & sagittæ, & lingua eorum gladius acutus. Exaltare super cœlos Deus, & in omnem terram gloria tua.

Laqueum parauerunt pedibus meis, et incuruauerunt animam meam.

Foderunt ante faciem meam foueam, & inciderunt in eam.

Paratum cor meum Deus, paratum cor meum, cantabo & psalmum dicam DOMINO.

Exurge gloria mea, exurge psalterium & cithara, exurgam diluculo.

Confitebor tibi in populis DOMINE, & psalmum dicam tibi in gentibus.

Quoniam magnificata est vsque ad cœlos misericordia tua, & vsq; ad nubes veritas tua.

Exaltare super cœlos Deus, & super omnem terram gloria tua.

### L VII.

In finem, ne disperdas David in tituli inscriptione,



**S**I vere utique iustitiam loquimini, recte iudicate filij hominum.

Etenim in corde iniquitates operamini in terra, iniustitias manus vestrae concinnant.

Alienati sunt peccatores a vulva, erraverunt ab utero, locuti sunt falsa.

Furor illis secundum similitudinem serpentis, sicut aspidis surdae & obturantis aures suas.

Quae non exaudiet voces incantantium, & venefici incantantis sapienter.

Deus conteret dentes eorum in ore ipsorum, molas leonum confringet **DOMINUS**.

Ad nihilum devenient tanquam aqua decurrens, intendit arcum suum donec infirmentur.

Sicut cera quae fluit auferentur, super cecidit ignis, & non viderunt solem.

Priusquam intelligerent spinæ vestrae rhamum, sicut viuentes sic in ira absorbet eos.

Laetabitur iustus cum viderit vindictam, manus suas lauabit in sanguine peccatoris.

Et dicit homo, si utique esset fructus iusto,



PSALTERIUM

sto, utiq; est Deus iudicans eos in terra.

LVIII.

In finem, ne disperdas David, in tituli inscriptione, quando misit Saul & custodiuit domum eius, ut interficeret eum.

**E**Ripe me de inimicis meis Deus meus, & ab insurgentibus in me libera me.

Eripe me de operantibus iniquitatem, & de viris sanguinum salva me.

Quia ecce ceperunt animam meam, irruerunt in me fortes.

Necq; iniquitas mea neq; peccatum meum **DOMINE**, sine iniquitate cucurri & direxi.

Exurge in occursum meum & vide, & tu **DOMINE** Deus virtutum Deus Israel.

Intende ad visitandas omnes gentes, non miserearis omnibus qui operantur iniquitatem.

Conuertentur ad vesperam & famem patientur ut canes, & circuibunt ciuitatem.

Ecce loquentur in ore suo, & gladius in



DAVIDIS,

51

in labijs eorum, quoniam quis audiuit?

Et tu DOMINE deridebis eos, & ad nihilum deduces omnes gentes.

Fortitudinem meam ad te custodiam, quia tu Deus susceptor meus es, Deus meus, misericordia eius praeueniet me.

Deus ostendit mihi super inimicos meos, ne occidas eos, ne quando obliuiscantur populi mei.

Disperge illos in virtute tua, & depone eos protector meus DOMINE.

Delictum oris eorum, sermonem labiorum ipsorum, & comprehendantur in superbia sua.

Et de execratione, & mendacio annuntiabuntur in consummatione, in ira consummationis & non erunt.

Et scient quia Deus dominabitur Iacob, & finium terrae.

Conuertentur ad vesperam & famem patientur vt canes, & circumibunt ciuitatem.

Ipsi dispergentur ad manducandum, si vero non fuerint saturati & murmurent.

Ego autem cantabo fortitudinem tuam, & exaltabo mane misericordiam tuam.

E

Quia



PSALTERIUM

Quia factus es susceptor meus, & refugium meum in die tribulationis mee.

Adiutor meus tibi psallam, quia Deus susceptor meus es, Deus meus misericordia mea.

LIX.

In finem, pro his qui immutabuntur, in tituli inscriptione David in doctrinam, cum succendit Mesopotamiam Syriæ, & Syriam Sobal, & conuertit Ioab, & percussit Edom, in valle Salinarum duodecim milia.

**D**EVS repulisti nos & destruxisti nos, iratus es, & misertus es nobis.

Commouisti terram & conturbasti eam, sana contritiones eius, quia commota est.

Ostendisti populo tuo dura, potasti nos vino compunctionis.

Dedisti metuentibus te significationem, ut fugiant a facie arcus.

VE



DAVIDIS.

92

Vt liberentur dilecti tui, saluum fac dextra tua, & exaudi me.

Deus locutus est in sancto suo, lætabor & partabor, Sichimam, & conuallem tabernaculorum metabor.

Meus est Galaad & meus est Manasses, & Ephraim fortitudo capitis mei.

Iuda rex meus, Moab olla spei meæ.

In Idumæam extendam calceamentum meum, mihi alienigenæ subditi sunt.

Quis deducet me in ciuitatem munitam? Quis deducet me vsque in Idumæam?

Nonne tu Deus qui repulisti nos?

Et non egredieris Deus in virtutibus nostris?

Da nobis auxilium de tribulatione, quia vana salus hominis.

In Deo faciemus virtutem, & ipse ad nihilum deducet tribulantes nos.

L X.

In finem, in Hymnis Dauid.

**E**Xaudi Deus deprecationem meam, intende orationi meæ.

**A** finibus terræ ad te clamaui, dum

E 4

anxia



## PSALTERIUM

anxiaretur cor meum, in petra exaltasti  
me.

Deduxisti me, quia factus es spes mea,  
turre fortitudinis a facie inimici.

Inhabitabo in tabernaculo tuo in secula,  
protegar in velamento alarum tua-  
rum.

Quoniam tu Deus meus exaudisti ora-  
tionem meam, dedisti hæreditatem ti-  
mentibus nomen tuum.

Dies super dies regis adijcies, annos eius  
vsque in diem generationis & gene-  
rationis.

Permanet in æternum in conspectu Dei,  
misericordiam & veritatem eius quis  
requirit?

Sic Psalmum dicam nomini tuo in secu-  
lum seculi, vt reddam vota mea de die  
in diem.

## LXI.

In finem, pro Idithum,  
Psalmus David.

**N**ONNE Deo subiecta erit anima  
mea & Ab ipso enim salutare  
meum.

Nam & ipse Deus meus, & salutaris  
meus,



DAVIDIS.

53

meus, susceptor meus, non mouebo  
amplius.

Quousq; irruitis in hominem? Interfietis  
vniuersi vos, tanquam parieti incli-  
nato & maceriae depulsae.

Veruntamen precium meum cogitauerunt  
repellere, cucurri in siti, ore suo benedicebant,  
& corde suo maledicebant.

Veruntamen DEO subiecta esto anima  
mea, quoniam ab ipso patientia  
mea.

Quia ipse Deus meus & saluator meus adiutor  
meus, non emigrabo.

In Deo salutare meum & gloria mea,  
Deus auxiliij mei, & spes mea in Deo  
est.

Sperate in eo omnis congregatio populi,  
effundite coram illo corda uestra,  
quia DEVS adiutor noster in aeternum.

Veruntamen vani filij hominum, mendaces  
filij hominum in stateris, vt decipiant  
ipsi de vanitate in idipsum.

Nolite sperare in iniquitate, & rapinas nolite  
concupiscere, diuitiae si affluant, nolite  
cor apponere.

Semel locutus est Deus, duo haec audiuit,  
quia potestas Dei est & tibi DEO.



PSALTERIUM

MINE misericordia, quia tu reddes  
unicuique iuxta opera sua.

LXII.

Psalmus David, cum esset in  
deserto Idumææ.

**D**Eus Deus meus, ad te de luce vigi-  
lo.

Sitiuit in te anima mea, quam mul-  
tipliciter tibi caro mea.

In terra deserta, & inuia & in aquosa, sic  
in sancto apparui tibi, vt viderem vir-  
tutem tuam, & gloriam tuam.

Quoniam melior est misericordia tua su-  
per vitas, labia mea laudabunt te.

Sic benedicam te in vita mea, & in nomi-  
ne tuo leuabo manus meas.

Sicut adipe & pinguedine repleatur ani-  
ma mea, & labijs exultationis lauda-  
bit os meum.

Sic memor fui tui super stratum meum, in  
matutinis meditabor in te, quia fuisti  
adiutor meus.

Et in velamento alarum tuarum exulta-  
bo, adhæsit anima mea post te, me su-  
scepit dextera tua.

Ipsi vero in vanum quæsierunt animam  
meam,



meam, introibunt in inferiora terræ,  
tradentur in manus gladij, partes vul-  
pium erunt.

Rex vero lætabitur in Deo, laudabuntur  
omnes qui iurant in eo, quia obstru-  
ctum est os loquentium iniqua.

## LXIII.

In finem, Psalmus David.

**E**Xaudi Deus orationem meam cum  
deprecor, a timore inimici eripe  
animam meam.

Protexisti me a conuentu malignanti-  
um a multitudine operantium iniqui-  
tatem.

Quia exacuerunt vt gladium linguas fu-  
as, intenderunt arcum rem amaram, vt  
sagittent in occultis immaculatum.

Subito sagittabunt eum, & non time-  
bunt, firmauerunt sibi sermonem ne-  
quam.

Narrauerunt vt absconderent laqueos, di-  
xerunt quis videbit eos?

Scrutati sunt iniquitates, defecerunt scru-  
tantes scrutinio.

Accedet homo ad cor altum, & exaltabi-  
tur Deus.

E 6.

Sagit



## PSALTERIUM

Sagittæ paruulorum factæ sunt pelagæ eorum, & infirmatæ sunt contra eos lingua eorum.

Conturbati sunt omnes qui videbant eos, & timuit omnis homo.

Et annunciauerunt opera Dei, & facta eius intellexerunt.

Lætabitur iustus in DOMINO, & sperabit in eo, & laudabuntur omnes rectorum corde.

## LXIII.

In finem, Psalmus Dauid, Canticum Hieremiæ & Ezechielis, de populo peregrinationis, vel populo transmigrationis, cum inciperent proficisci.

**T**E decet hymnus Deus in Zion, & tibi reddetur votum in Hierusalem.

Exaudi orationem meam, ad te omnis caro veniet.

Verba iniquorum præualuerunt super nos, & impietatibus nostris tu propiciaberis.

Beatus quem elegisti & assumpsisti, inhabitabit in atrijs tuis.

Reple



Replebimur in bonis domus tuæ, sanctum  
est templum tuum, mirabile in æqui-  
tate.

Exaudi nos Deus salutaris noster, spes  
omnium finium terræ, & in mari lon-  
ge.

Præparans montes in virtute tua, accin-  
ctus potentia, qui conturbas profun-  
dum maris, sonum fluctuum eius.

Turbabuntur gentes, & timebunt qui ha-  
bitant terminos a signis tuis, exitus  
matutini & vespere delectabis.

Visitasti terram & inebriasti eam, multi-  
plicasti locupletare eam.

Flumen Dei repletum est aquis parasti ci-  
bum illorum, quoniam ita est præpa-  
ratio eius.

Riuos eius inebria, multiplicia genimina  
eius; in stillicidijs eius lætabitur germi-  
nans.

Benedices coronæ anni benignitatis tuæ,  
& campi tui replebuntur vbertate.

Pinguescent speciosa deserti, & exultatio-  
ne colles accingentur.

Induti sunt arietes ouium & valles abun-  
dabunt frumento, clamabunt etenim  
hymnum dicent,



PSALTERIUM

LXV.

In finem canticum Psalmi re-  
surrectionis.

**I**ubilate Deo omnis terra, Psalmum di-  
cite nomini eius, date gloriam laudi  
eius,

Dicite Deo, quam terribilia sunt opera  
tua DOMINE, in multitudine vir-  
tutis tuæ mentientur tibi inimici tui.

Omnis terra adoret te, & psallat tibi,  
Psalmum dicat nomini tuo.

Venite & videte opera Dei, terribilis in  
consilijs super filios hominum.

Qui conuertit mare in aridam, in flumine  
pertransibunt pede, ibi lætabimur in  
ipso.

Qui dominatur in virtute sua in æternum,  
oculi eius super gentes respiciunt, qui  
exasperant non exaltentur in semetip-  
sis.

Benedicite gentes Deum nostrum, & au-  
ditam facite vocem laudis eius.

Qui posuit animam meam ad vitam, &  
non dedit in commotionem pedes me-  
os.

Quoniam probasti nos Deus, igne nos  
exami-



examinasti, sicut examinatur argen-  
tum.

Induxisti nos in laqueum, posuisti tribu-  
lationes in dorso nostro, imposuisti ho-  
mines super capita nostra.

Transiuimus per ignem & aquam, et edu-  
xisti nos in refrigerium.

Introibo in domum tuam in holocaustis,  
reddam tibi vota mea, quæ distinxerunt  
labia mea.

Et locutum est os meum in tribulatione  
mea.

Holocausta medullata offeram tibi cum  
incenso Arietum, offeram tibi Boues  
cum Hircis.

Venite & audite, & narrabo omnes qui  
timetis Deum, quanta fecit animæ meæ.

Ad ipsum ore meo clamaui, & exaltaui  
sub lingua mea.

Iniquitatem si aspexi in corde meo, non  
exaudiet DOMINVS.

Propterea exaudiuit Deus, & attendit vo-  
ci deprecationis meæ.

Benedictus Deus, qui non amouit ora-  
tionem meam, & misericordiam suam  
a me.



PSALTERIUM

LXVI.

In finem, in Hymnis, Psalmus  
cantici Dauid.

**D**Eus misereatur nostri, & benedicat  
nobis, illuminet vultum suum su-  
per nos, & misereatur nostri.

Vt cognoscamus in terra viam tuam, in  
omnibus gentibus salutare tuum.

Confiteantur tibi populi Deus, Confite-  
antur tibi populi omnes.

Lætentur & exultent gentes, quoniam  
iudicas populos in æquitate, & gentes  
in terra dirigis.

Confiteantur tibi populi Deus, Confite-  
antur tibi populi omnes, terra dedit  
fructum suum.

Benedicat nos Deus Deus noster, benedi-  
cat nos Deus, & metuant eum omnes  
fines terræ.

LXVII.

In finem, Psalmus Cantici  
Dauid.

**E**Xurge Deus & dissipentur Inimi-  
ci eius, & fugiant qui oderunt  
eum a facie eius,

Sicut



Sicut deficit fumus deficient, sicut fluit  
cera a facie ignis, sic pereant peccato-  
res a facie Dei.

Et iusti epulentur & exultent in conspe-  
ctu Dei, & delectentur in lætitia.

Cantate Deo, psalmū dicite nomini eius,  
iter facite ei, qui ascendit super occasum.

DOMINVS nomen illi.

Exultate in conspectu eius, turbabuntur  
a facie eius, patris orphanorum & iu-  
dicis viduarum.

Deus in loco sancto suo, Deus qui inhabi-  
re facit vnus moris in domo.

Qui educit vinctos in fortitudine, simili-  
ter eos qui exasperant, qui habitant in  
sepulchris.

Deus cum egredereris in conspectu po-  
puli tui, cum pertransires in deser-  
to.

Terra mota est, etenim cœli distillaue-  
runt a facie Dei Sinai, a facie Dei Is-  
rael.

Pluuiam voluntariam segregabis Deus  
hæreditati tuæ, et infirmata est, tu vero  
perfecisti eam.

Animalia tua habitabunt in ea, parasti in  
dulcedine tua pauperi Deus.

DOMINVS dabit verbum Euange-  
lizantibus virtute multa.

Rex



## PSALTERIUM

Rex virtutum dilecti dilecti, et speciei domus diuidere spolia.

Si dormitis inter medios ceros, pennæ columbæ deargentatæ, & posteriora dorsi eius in pallore auri.

Dum discernit coelestis reges super eam, niue dealbabuntur in Selmon, mons Dei, mons pinguis.

Mons coagulatus, mons pinguis, vt quid suspicamini montes coagulatos?

Mons in quo beneplacitum est Deo habitare in eo, etenim DOMINVS habitabit in finem.

Currus Dei decem millibus multiplex, millia lætantium, DOMINVS in eis in Sinai sancto.

Ascendisti in altum, cepisti captiuitatem, accepisti dona in hominibus.

Etenim non credentes inhabitare DOMINVM Deum.

Benedictus DOMINVS die quotidie, prosperum iter faciet nobis Deus salutarium nostrorum.

Deus noster Deus saluos faciendi, & DOMINI DOMINI exitus mortis.

Veruntamen Deus confringet capita inimicorum suorum, verticem capilli perambulantium in delictis suis.

Dixit



Dixit DOMINVS, ex Basan conuero-  
tam, conuertam in profundum maris.

Vt intingatur pes tuus in sanguine, lin-  
gua canum tuorum ex inimicis ab ip-  
so.

Viderunt ingressus tuos Deus, ingres-  
sus Dei mei, regis mei, qui est in san-  
cto.

Præuenerunt principes coniuncti psallen-  
tibus, in medio iuencularum tympa-  
nistriarum.

In Ecclesijs benedicite Deo DOMINO,  
de fontibus Israel.

Ibi Benjamin adolescentulus, in mentis  
excessu.

Principes Iuda duces eorum, Principes  
Zabulon & Principes Nephtalim.

Manda Deus virtuti tuæ, Confirma  
hoc Deus, quod operatus es in no-  
bis.

A templo tuo in Hierusalem, tibi offerent  
reges munera.

Increpa feras arundinis, congregatio tau-  
rorum in vaccis populorum, vt ex-  
cludant eos, qui probati sunt argen-  
to.

Dissipa gentes, quæ bella volunt, venient  
legati ex Ægypto, Æthiopia præueniet  
manus eius Deo.

Regna



## PSALTERIUM

Regna terræ cantate Deo, psallite D O-  
M I N O.

Pfallite Deo qui ascendit super cœlum cœ-  
li ad orientem.

Ecce dabit voci suæ vocem virtutis, date  
gloriam Deo, super Israel magnificentia  
eius, & virtus eius in nubibus.

Mirabilis Deus in sanctis suis, Deus Is-  
rael ipse dabit virtutem & fortitudi-  
nem plebi suæ, Benedictus Deus.

## LXVIII.

In finem, pro his qui commu-  
tabuntur, Psalmus ipsi  
Dauid.

**S** Aluum me fac Deus, quoniam intra-  
uerunt aquæ vsque ad animam me-  
am.

Infixus sum in limo profundi, & non est  
substantia.

Veni in altitudine maris, & tempestas  
demersit me.

Laboravi clamans, raucæ factæ sunt fau-  
ces meæ, defecerunt oculi mei dum spe-  
ro in Deum meum.

Multiplicati sunt super capillos capitis  
mei,



mei qui oderunt me gratis.

Confortati sunt qui persecuti sunt me  
inimici mei iniuste, quæ non rapui tunc  
exultabam.

Deus tu scis insipientiam meam, & deli-  
cta mea a te non sunt abscondita.

Non erubescant in me qui expectant te  
DOMINE, DOMINE virtutum.

Non confundantur super me qui quærunt  
te Deus Israel.

Quoniam propter te sustinui opprobri-  
um, operuit confusio faciem meam.

Extraneus factus sum fratribus meis, &  
peregrinus filiis matris meæ.

Quoniam zelus domus tuæ comedit me,  
& opprobria exprobrantium tibi cecide-  
derunt super me.

Et operui in ieiunio animam meam, & factum  
est in opprobrium mihi.

Et posui vestimentum meum cilicium, &  
factus sum illis in parabolam.

Aduersum me loquebantur qui sedebant  
in porta, & in me psallebant qui bibe-  
bant vinum.

Ego vero orationem meam ad te DO-  
MINE, tempus beneplaciti Deus.

In multitudine misericordiæ tuæ exaudi  
me, in veritate salutis tuæ.

Eripe



## PSALTERIUM

Eripe me de luto, vt non infigar, libera me  
ab his qui oderunt me, & de profundis  
aquarum.

Non me demergat tempeſtas aquæ, neque  
abſorbeat me profundum, neq; vrgeat  
ſuper me, puteus os ſuum.

Exaudi me DOMINE, quoniam benigna  
eſt miſericordia tua, ſecundum multitudinem  
miſerationum tuarum reſpice me,

Et ne auertas faciem tuam a puero tuo,  
quoniam tribulor, velociter exaudi  
me.

Intendæ animæ meæ & libera eam, propter  
inimicos meos eripe me.

Tu ſcis improperium meum & confuſionem  
meam, & reuerentiam meam.

In conſpectu tuo ſunt omnes qui tribulant  
me, improperium expectauit cor  
meum & miſeriam.

Et ſuſtinui, qui ſimul contriſtaretur, &  
non fuit, & qui conſolaretur, & non inueni.

Et dederunt in eſcam meam fel, & in ſiti  
mea potauerunt me aceto.

Fiat menſa eorum coram ipsis in laqueum,  
& in retributionem, & in ſcandalum.

Obſcu



Obscurentur oculi eorum ne videant, &  
dorsum eorum semper incurua.

Effunde super eos iram tuam, & furor iræ  
tuæ comprehendat eos.

Fiat habitatio eorum deserta, & in ta-  
bernaculis eorum non sit qui habi-  
tet.

Quoniam quem tu percussisti persecuti  
sunt, & super dolorem vulnerum meo-  
rum addiderunt.

Appone iniquitatem super iniquita-  
tem eorum, & non intrent in iustitia  
tua.

Deleantur de libro viventium, & cum iu-  
stis non scribantur.

Ego sum pauper & dolens, salus tua Deus  
suscepit me.

Laudabo nomen Dei cum cantico, &  
magnificabo eum in laude.

Et placebit Deo super vitulum novel-  
lum, cornua producentem & vngu-  
las.

Videant pauperes & lætentur, quærite  
Deum, & viuet anima vestra.

Quoniam exaudiuit pauperes. DOMI-  
NVS, & victos suos non despe-  
xit.

Laudent illum coeli & terra, Mare &  
omnia reptilia in eis.

Quo.



## PSALTERIUM

Quoniam Deus saluum faciet Zion, &  
ædificabuntur ciuitates Iudæ.

Et inhabitabunt ibi, & hæreditate ac-  
quirent eam.

Et semen seruatorum eius possidebit eam,  
& qui diligunt nomen eius habitabunt  
in ea.

## LXIX.

In finem, Dauid in rememoratio-  
ne, eo quod saluum me fecit  
Dominus.

**D**EUS in adiutorium meum intende,  
DOMINE ad adiuuandum me  
festina.

Confundantur & reuereantur, qui quæ-  
runt animam meam.

Auertantur retrorsum & erubescant, qui  
volunt mihi mala.

Auertantur statim erubescences, qui di-  
cunt mihi, euge, euge.

Exultent et lætentur in te omnes qui quæ-  
runt te, & dicant semper, Magnifice-  
tur DOMINVS, qui diligunt salu-  
tare tuum.

Ego vero egenus & pauper sum, Deus  
adiuua me.

Adiutor



DAVIDIS.

61

Adiutor meus & liberator meus es tu,  
DOMINE ne moreris.

LXX.

Psalmus David filiorum Ionadab, & priorum captiuorum.

**I**N te DOMINE speravi, non confundar in æternum, in iustitia tua libera me & eripe me.

Inclina ad me aurem tuam, & salua me.  
Esto mihi in Deum protectorem & in locum munitum, vt saluum me facias.

Quoniam firmamentum meum, & refugium meum es tu.

Deus meus eripe me de manu peccatoris, & de manu contra legem agentis & iniqui.

Quoniam tu es patientia mea DOMINE, DOMINE spes mea a iuuentute mea.

In te confirmatus sum ex vtero, de ventre matris meæ tu es protector meus.

In te cantatio mea semper, tanquam prodium

F

prodi-



## PSALTERIUM

prodigium factus sum multis, & tu adiutor meus fortis.

Repleatur os meum laude, vt cantem gloriam tuam, tota die magnitudinem tuam.

Ne proicias me in tempore senectutis, cum defecerit virtus mea, ne derelinquas me.

Quia dixerunt inimici mei mihi, & qui custodiebant animam meam, consilium fecerunt in vnum.

Dicentes, Deus dereliquit eum, persequimini & comprehendite eum, quia non est qui eripiat.

Deus ne elongeris a me, Deus meus in auxilium meum respice.

Confundantur & deficient detrahentes animæ meæ, operiantur confusione & pudore, qui quærunť mala mihi.

Ego autem semper sperabo, & adijciam super omnem laudem tuam.

Os meum annunciabit iustitiam tuam, tota die salutare tuum.

Quoniam non cognoui literaturam, introibo in potentias DOMINI.

DOMINE memorabor iusticiæ tuæ solius.

Deus docuisti me a iuventute mea, & vsque



vsque nunc pronuntiabo mirabilia  
tua.

Et vsque in senectam & senium Deus ne  
derelinquas me.

Donet annunciem brachium tuum, gene-  
rationi omni, quæ ventura est.

Potentiam tuam & iustitiam tuam De-  
us vsq; in altissima quæ fecisti magna-  
lia, Deus quis similis tibi?

Quantas ostendisti mihi tribulationes  
multas & malas, & conuersus viuifi-  
casti me, & de abyssis terræ iterum re-  
duxisti me.

Multiplicasti magnificentiam tuam, &  
conuersus consolatus es me.

Nam & ego confitebor tibi in vasis psal-  
mi veritatem tuam Deus, psallam tibi  
in cythara sanctus Israel.

Exultabunt labia mea cum cantauero ti-  
bi, & anima mea quam redemisti.

Sed & lingua mea tota die meditabitur  
iustitiam tuam, cum confusi & reueriti  
fuerint, qui quærunt mala mihi.

## LXXI.

Psalmus in Salomonem.



PSALTERIUM

**D**Eus iudicium tuum regi da, & iustitiam tuam filio regis.

Iudicare populum tuum in iustitia, & pauperes tuos in iudicio.

Suscipiant montes pacem populo, & colles iustitiam.

Iudicabit pauperes populi, & saluos faciet filios pauperum, & humiliabit calumniatorem.

Et permanebit cum Sole, & ante Lunam, in generatione & generationem.

Descendet sicut pluuia in vellus, & sicut stillicidia stillantia super terram.

Orietur in diebus eius iustitia, & abundantia pacis, donec auferatur Luna.

Et dominabitur a Mari vsq; ad Mare, & a flumine vsque ad terminos orbis terrarum.

Coram illo procident Æthiopes, & inimici eius terram lingent.

Reges Tharsis & insulæ munera offerent, Reges Arabum & Saba dona adducent.

Et adorabunt eum omnes Reges terræ, omnes gentes seruient ei.

Quia liberauit pauperem a potente, & pauperem cui non erat adiutor.

Par



DAVIDIS.

63

Parcet pauperi & inopi, & animas pauperum saluas faciet.

Ex vsuris & iniquitate redimet animas eorum, & honorabile nomen eorum coram illo.

Et viuet & dabitur ei de auro Arabiæ, & adorabunt de ipso semper, tota die benedicent ei.

Et erit firmamentum in terta in summis montium, super extolletur super Libanum fructus eius, & florebut de ciuitate sicut fœnum terræ.

Sit nomen eius benedictum in secula, ante Solem permanet nomen eius.

Et benedicentur in ipso omnes tribus terræ, omnes gentes magnificabunt eum.

Benedictus DOMINVS Deus Israel, qui fecit mirabilia solus.

Et benedictum nomen maiestatis eius in æternum, & replebitur maiestate eius omnis terra : fiat, fiat.

LXXII.

Defecerunt Hymni David filij

Iesse, Psalmus Asaph.

**Q**uam bonus Israel Deus, his qui recto sunt corde.

F 3

Me



## PSALTERIUM

Mei autem pene moti sunt pedes, pene  
effusi sunt gressus mei.

Quia zelavi super iniquos, pacem pecca-  
torum videns.

Quia non est respectus mortis eorum, &  
firmamentum in plaga eorum.

In labore hominum non sunt, & cum ho-  
minibus non flagellabuntur.

Ideo tenuit eos superbia, operti sunt ini-  
quitate & impietate sua.

Prodiit quasi ex adipe iniquitas eorum,  
transierunt in affectum cordis.

Cogitauerunt & locuti sunt nequitiam,  
iniquitatem in excelsis locuti sunt.

Posuerunt in caelum os suum, & lingua  
eorum transiit in terra.

Ideo conuertetur populus meus hic, &  
dies pleni inuenientur in eis.

Et dixerunt, quomodo scit Deus? & si  
est scientia in excelsis.

Ecce ipsi peccatores & abundantes in se-  
culo, obtinuerunt diuitias.

Et dixi, ergo sine causa iustificavi cor me-  
um, & laui inter innocentes manus  
meas.

Et fui flagellatus tota die, & castigatio  
mea in matutinis.

Si dicebam, narrabo sic, ecce nationem  
filiorum tuorum reprobaui,

Ex istis



Existimabam vt cognoscerem, hoc labor  
est ante me.

Donec intrem in sanctuarium Dei, & in-  
telligam in nouissimis eorum.

Veruntamen propter dolos posuisti  
eis, deiecisti eos dum alleuaren-  
tur.

Quomodo facti sunt in desolationem, sub-  
dito defecerunt, perierunt propter ini-  
quitatem suam.

Velut somnium surgentium DOMINE,  
in ciuitate tua imaginem ipsorum ad  
nihilum rediges.

Quia inflammatum est cor meum, & re-  
nes mei commutati sunt, & ego ad ni-  
hilum redactus sum, & nesciui.

Vt iumentum factus sum apud te, & ego  
semper tecum.

Tenuisti manum dexteram meam, & in  
voluntate tua deduxisti me, & cum  
gloria suscepisti me.

Quid enim mihi est in coelo, & a te quid  
volui super terram?

Defecit caro mea & cor meum, Deus cor-  
dis mei & pars mea Deus in æter-  
num.

Quia ecce qui elongant se a te peribunt,  
perdidisti omnes qui fornicantur abs  
te.



PSALTERIUM

Mihi autem adhærere Deo bonum est, po-  
nere in DOMINO Deo spem me-  
am.

Vt annunciem omnes prædicationes tuas,  
in portis filiaë Zion.

LXXIII.

Intellectus Asaph.

**V**T quid Deus repulisti in finem,  
iratus est furor tuus super oues  
pastuæ tuæ?

Memor esto congregationis tuæ, quam  
possedisti ab initio.

Redemisti virgam hereditatis tuæ, mons  
Zion in quo habitasti in eo.

Leua manus tuas in superbiâs eorum in  
finem, quanta malignatus est inimicus  
in sancto.

Et gloriati sunt qui oderunt te, in medio  
solennitatis tuæ.

Posuerunt signa sua, signa: & non cog-  
nouerunt, sicut in exitu super summum.

Quasi in sylua lignorum, securibus exci-  
derunt ianuas eius in idipsum, in securi  
& ascia deiecerunt eam.

Incenderunt igni sanctuarium tuum in  
terra,



terra polluerunt tabernaculum nominis  
tui.

Dixerunt in corde suo, cognatio eorum  
simul, quiescere faciamus omnes dies  
festos Dei a terra.

Signa nostra non vidimus, iam non est  
Propheta, & nos non cognoscer am-  
plius.

Usquequo Deus improperabit inimicus,  
irritat aduersarius nomen tuum in fi-  
nem?

Vt quid auertis manum tuam, & dex-  
teram tuam, de medio sinu tuo in fi-  
nem.

Deus autem Rex noster ante secula, ope-  
ratus est salutem in medio terræ.

Tu confirmasti in virtute tua Mare,  
contribulasti capita Draconum in a-  
quis.

Tu confregisti capita draconis, dedisti  
eum escam populis Æthiopum.

Tu dirupisti fontes & torrentes, tu sicca-  
sti fluuios Echan.

Tuus est dies & tua est nox, tu fabrica-  
tus es auroram & Solem.

Tu fecisti omnes terminos terræ, æstatem  
& ver, tu plasmasti ea.

Memor esto huius, inimicus imprope-  
rauit DOMINO, & populus insi-



## PSALTERIUM

insipiens incitauit nomen tuum.

Ne tradas bestijs animas confitentium tibi, & animas pauperum tuorum ne obliuiscaris in finem.

Respice in testamentum tuum, quia repleti sunt qui obscurati sunt terræ domibus iniquitatum.

Ne auertatur humilis factus cōfusus, pauper & inops laudabunt nomen tuum.

Exurge Deus iudica causam tuam, memor esto improperiorum tuorum, eorum quæ ab insipiente sunt tota die.

Ne obliuiscaris voces inimicorum tuorum, superbia eorum qui te oderunt ascendit semper.

## LXXIII.

In finem, ne corrumpas, Psalmus cantici Asaph.

**C**onfitebimur tibi Deus, confitebimur, & inuocabimus nomen tuum.

Narrabimus mirabilia tua, cum accepero tempus ego iustitias iudicabo.

Lique



Liquefacta est terra & omnes qui habitant in ea, ego confirmaui columnas eius.

Dixi iniquis nolite inique agere, & delinquentibus, nolite exaltare cornu.

Nolite extollere in altum cornu vestrum, nolite loqui aduersus Deum iniquitatem.

Quia neq; ab oriente neq; ab occidente, neq; a desertis montibus, quoniam Deus iudex est.

Hunc humiliat & hunc exaltat, quia calix in manu DOMINI, vini meri plenus mixto.

Et inclinavit ex hoc in hoc, veruntamen fax eius non est exinanita, bibent omnes peccatores terræ.

Ego autem annuntiabo in seculum, cantabo Deo Iacob.

Et omnia cornua peccatorum confringam, & exaltabuntur cornua iusti.

## LXXV.

In finem, in carminibus cantis  
cum ad Assyrios, Psalmus  
Asaph.



## PSALTERIUM

**N**otus in Iudæa Deus, in Israel magnum nomen eius.

Et factus est in pace locus eius, & habitatio eius in Zion.

Ibi confregit potentias, arcum, scutum, gladium & bellum.

Illuminans tu mirabiliter a montibus æternis, turbati sunt omnes insipientes corde.

Dormierunt somnum suum, & nihil inuenerunt omnes viri diuitiarum in manibus suis.

Ab increpatione tua Deus Iacob, dormitauerunt qui ascenderunt equos.

Tu terribilis es, & quis resistet tibi? Ex tunc ira tua.

De cælo auditum fecisti iudicium, terra tremuit & quieuit.

Cum exurgeret in iudicium Deus, ut saluos faceret omnes mansuetos terræ.

Quoniam cogitatio hominis confitebitur tibi, & reliquæ cogitationis diem festum agent tibi.

Vouete & reddite DOMINO Deo vestro, omnes qui in circuitu eius affertis munera.

Terribili & ei qui aufert spiritum principum, terribili apud reges terræ.

In



In finem, pro Idithum, Psal-  
mus Afaph.

**V**oce mea ad DOMINVM cla-  
maui, voce mea ad Deum, & in-  
tendit mihi.

In die tribulationis meæ Deum exquisi-  
ui; manibus meis nocte contra eum, &  
non sum deceptus.

Renuit consolari anima mea, memor fui  
Dei & delectatus sum, & exercitatus  
sum & defecit spiritus meus.

Anticipauerunt vigilias oculi mei, tur-  
batus sum, & non sum locutus.

Cogitavi dies antiquos, & annos æter-  
nos in mente habui.

Et meditatus sum nocte cum corde meo,  
& exercitabor & scopebam spiritum  
meum.

Nunquid in æternum proijciet Deus, aut  
non apponet vt complacator sit ad-  
huc?

Aut in finem misericordiam suam ab-  
scindet, a generatione in generatio-  
nem?

Aut obliuiscetur misereri Deus? aut con-  
tinebit in ira sua misericordias suas.



## PSALTERIUM

Et dixi nunc coepi, hæc mutatio dextræ  
excelsi.

Memor sui operum DOMINI, quia  
memor ero ab initio mirabilium tuo-  
rum.

Et meditabor in omnibus operibus tu-  
is, & in adinventionibus tuis exerce-  
bor.

Deus in sancto via tua, quis Deus mag-  
nus sicut Deus noster? Tu es Deus qui  
facis mirabilia.

Notam fecisti in populis virtutem tuam,  
redemisti in brachio tuo populum tu-  
um, filios Iacob & Ioseph.

Viderunt te aquæ Deus, viderunt te  
aquæ & timuerunt, & turbatæ sunt  
abyssi.

Multitudo sonitus aquarum, vocem de-  
derunt nubes.

Etenim sagittæ tuæ transeunt, vox toni-  
trui tui in rota.

Illuxerunt coruscationes tuæ orbi ter-  
ræ, commota est & contremuit ter-  
ra.

In mari via tua, & semitæ tuæ in aquis  
multis, & vestigia tua non cognoscen-  
tur.

Deduxisti sicut oves populum tuum in  
manu Moyfi & Aaron.

Intel



## LXXVII.

## Intellectus Asaphi.

**A**tendite popule meus legem meam, inclinate aurem vestram in verba oris mei.

Aperiam in parabolis os meum, loquar propositiones ab initio.

Quanta audiuiimus & cognouimus ea, & patres nostri narrauerunt nobis.

Non sunt occultata a filiis eorum, in generatione altera.

Narrantes laudes DOMINI & virtutes eius, & mirabilia eius quæ fecit.

Et suscitauit testimonium in Iacob, & legem posuit in Israel.

Quanta mandauit patribus nostris nota facere ea filiis suis, vt cognoscat generatio altera.

Filii qui nascentur & exurgent, & narrabunt ea filiis suis.

Vt ponant in Deo spem suam, & non obliuiscantur operum Dei, & mandata eius exquirant.

Ne fiant sicut patres eorum generatio praua & exasperans.

Generatio quæ non direxit cor suum, &



## PSALTERIUM

& non est creditus cum Deo spiritus  
eius.

Filij Ephraim, intendentes & mittentes  
arcum, conuersi sunt in die belli.

Non custodierunt testamentum Dei, &  
in lege eius noluerunt ambulare.

Et oblitici sunt benefactorum eius, & mi-  
rabiliū eius, quæ ostendit eis.

Coram patribus eorum fecit mirabilia in  
terra Ægypti, in campo Taneos.

Interrupit Mare, & perduxit eos, & sta-  
tuit aquas quasi in vtre.

Et deduxit eos in nube diei, & tota no-  
cte in illuminatione ignis.

Interrupit petram in Exemo, & ad aqua-  
uit eos velut in Abyſſo multa.

Et eduxit aquam de petra, & eduxit tan-  
quam flumina aquas.

Et apposuerunt adhuc peccare ei, in iram  
concitauerunt excelsum in inaquo-  
ſo.

Et tentauerunt Deum in cordibus suis, vt  
peterent escas animabus suis.

Et male loquuti sunt de Deo dixerunt.

Nunquid poterit Deus parare mensam  
in deserto?

Quoniam percussit petram & fluxe-  
runt aquæ, & torrentes inundaue-  
runt.

Nun-



Nunquid & panem poterit dare, aut parare mensam populo suo?

Ideo audiuit DOMINVS & distulit, & ignis accensus est in Iacob, & ira ascendit in Israel.

Quia non crediderunt in Deo, nec sperauerunt in salutari eius.

Et mandauit nubibus desuper, & ianuas coeli aperuit.

Et pluit illis Manna ad manducandum, & panem coeli dedit eis.

Panem angelorum manducauit homo, cibaria misit eis in abundantia.

Transtulit Austrum de coelo, & induxit in virtute sua Africum.

Et pluit super eos sicut puluerem carnes, & sicut arenam Maris volatilia pennata.

Et ceciderunt in medio castrorum eorum, circa tabernacula eorum.

Et manducauerunt & saturati sunt nimis, & desiderium eorum attulit eis, non sunt fraudati a desiderio suo.

Adhuc escæ eorum erant in ore ipsorum, & ira Dei ascendit super eos.

Et occidit pingues eorum, & electos Israel impediuit.

In omnibus his peccauerunt adhuc, et non crediderunt in mirabilibus eius,

Et



## PSALTERIUM

Et defecerunt in vanitate dies eorum, &  
anni eorum cum festinatione.

Cum occideret eos, quærebant eum, &  
reuertebantur, & diluculo veniebant ad  
Deum.

Et remorati sunt, quia Deus adiutor est  
eorum, & Deus excelsus redemptor  
eorum est.

Et dilexerunt eum in ore suo, & lingua  
sua mentiti sunt ei.

Cor autem eorum non erat rectum cum eo,  
nec fideles habiti sunt in testamento  
eius.

Ipsæ autem est misericors, & propitius  
fiat peccatis eorum, & non disperdet  
eos.

Et abundauit vt auerteret iram suam, &  
non accendit omnem iram suam.

Et recordatus est quia caro sunt, spiritus  
vadens: & non rediens.

Quoties exacerbauerunt eum in deserto,  
in iram concitauerunt eum in inaquo-  
so.

Et conuersi sunt & tentauerunt Deum, &  
sanctum Israël exacerbauerunt.

Non sunt recordati manus eius, die qua  
redemit eos de manu tribulantis.

Sicut posuit in Ægypto signa sua, & pro-  
digia sua in campo Tanos.

Et



Et conuertit in sanguinem flumina eorum,  
& imbres eorum ne biberent.

Misit in eos cynomiam, & comedit eos,  
& ranam, & disperdidit eos.

Et dedit ærugini fructus eorum, & labores eorum locustæ.

Et occidit in grandine vineas eorum, & moros eorum in pruina.

Et tradidit grandini iumenta eorum, & possessionem eorum igni.

Misit in eos iram indignationis suæ, indignationem & iram & tribulationem, immisiones per angelos malos.

Viam fecit semitæ iræ suæ, & non pepercit a morte animabus eorum, & iumenta eorum in morte conclusit.

Et percussit omne primogenitum in terra Ægypti, primitias omnis laboris eorum in tabernaculis Cham.

Et abstulit sicut oues populum suum, & perduxit eos tanquam gregem in deserto.

Et deduxit eos in spe & non timuerunt, & inimicos eorum operuit mare.

Et induxit eos in montem sanctificationis suæ, montem quem acquisiuit dextera eius.

Et



## PSALTERIUM

Et eiecit a facie eorum gentes, & sorte diuisit eis terram in funiculo distributionis.

Et habitare fecit in tabernaculis eorum tribus Israel.

Et tentauerunt & exacerbauerunt Deum excelsum, testimonia eius non custodierunt.

Et auerterunt se, & non seruauerunt pactum, quemadmodum patres eorum, conuersi sunt in arcum prauum.

In iram concitauerunt eum in collibus suis, & in sculptilibus suis ad æmulationem eum prouocauerunt.

Audiuit Deus & spreuit, & ad nihilum redegit valde Israel.

Et repulit tabernaculum Silo, tabernaculum suum vbi habitauit in hominibus.

Et tradidit in captiuitatem virtutem eorum & pulchritudinem eorum in manus inimici.

Et conclusit in gladio populum suum, & hæreditatem suam spreuit.

Iuuenes eorum comedit ignis, & virgines eorum non sunt lamentatæ.

Sacerdotes eorum in gladio ceciderunt, & viduæ eorum non plorabantur.

Et



Et excitatus est tanquam dormiens DO-  
MINVS, tanquam potens crapularus  
a vino.

Et percussit inimicos suos in postero-  
ra, opprobrium sempiternum dedit il-  
lis.

Et repulit tabernaculum Ioseph, & tri-  
bum Ephraim non elegit.

Sed elegit tribum Iuda, montem Zion  
quem dilexit.

Et ædificauit sicut vnicornium sanctifici-  
um suum in terra, quam fundauit in se-  
cula.

Et elegit Dauid seruum suum, & sustulit  
eum de gregibus ouium, de post lætan-  
tes accepit eum.

Pascere Iacob seruum suum, & Israel hæ-  
reditatem suam.

Et paut eos in innocentia cordis sui, &  
intellectibus manuum suarum deduxit  
eos.

## LXXVIII.

## Psalmus Asaph.

**D**Eus venerunt gentes in hæredi-  
tatem tuam, polluerunt Tem-  
plum



## PSALTERIUM

plum sanctum tuum, posuerunt Hieru-  
salem in pomorum custodiam.

Posuerunt morticina seruorum tuorum,  
escas volatilibus coeli, carnes sanctorum  
tuorum bestijs terrae.

Effuderunt sanguinem ipsorum tanquam  
aquam in circuitu Hierusalem, & non  
erant qui sepeliret.

Facti sumus opprobrium vicinis nostris,  
subfannatio & illusio his qui in circui-  
tu nostro sunt.

Vsquequo D O M I N E irasceris in fi-  
nem, Accendetur velut ignis zelus tu-  
us?

Effunde iram tuam in gentes quae te non  
nouerunt, & in regna quae nomen tuum  
non inuocauerunt.

Quia comederunt Iacob, & locum eius  
desolauerunt.

Ne memineris iniquitatem nostrarum an-  
tiquarum, cito anticipent nos miseri-  
cordiae tuae, quia pauperes facti sumus  
nimis.

Adiuua nos Deus salutaris noster,  
propter gloriam nominis tui, D O-  
M I N E libera nos, & propicius esto  
peccatis nostris propter nomen tu-  
um.

Ne forte dicant in gentibus, vbi est  
Deus



Deus eorum & Et innotescant in nationibus coram oculis nostris.

Ultio sanguinis seruorum tuorum qui effusus est, introeat in conspectu tuo gemitus compeditorum.

Secundum magnitudinem brachij tui, posside filios mortificatorum.

Et redde vicinis nostris septuplum in sinu eorum, improprium ipsorum quod exprobauerunt tibi DOMINE.

Nos autem populus tuus & oves pascuæ tuæ, confitebimur tibi in seculum.

In generatione & generationem, annuntiabimus laudem tuam.

## LXXIX.

In finem, pro his qui commutabuntur Psalmus, testimonium  
Asaph pro Assyrio.

**Q**ui regis Israel intende, qui deducis velut ouem Ioseph.  
Qui sedes super Cherubim manifestare coram Ephraim, Benjamin, & Manasse.

Excita



PSALTERIUM

Excita potentiam tuam & veni, vt saluos  
facias nos.

Deus conuerte nos, & ostende faciem tu-  
am, & salui erimus.

DOMINE Deus virtutum quousq; tra-  
scesis super orationem serui tui?

Cibabis nos pane lachymarum, & po-  
tum dabis in lachrymis in mensura.

Posuisti nos in contradictionem vicinis  
nostris, & inimici nostri subsannaue-  
runt nos.

Deus virtutum conuerte nos, & ostende  
faciem tuam & salui erimus.

Vineam de Ægypto transtulisti, eiecisti  
gentes, & plantasti eam.

Dux itineris fuisti in conspectu eius, &  
plantasti radices eius, & impleuit ter-  
ram.

Operuit montes vmbra eius, & arbusta  
eius cedros Dei.

Extendit palmires suos vsq; ad Mare, &  
vsq; ad flumen propagines eius.

Vt quid destruxisti maceriam eius, &  
vindemiant eam omnes qui prætergre-  
diuntur viam?

Exterminauit eam aper de sylua, & sin-  
gularis ferus depastus est eam.

Deus virtutum, conuertere, respice de cœ-  
lo, & vide, & visita vineam istam.

Et



Et perfice eam quam plantauit dextera  
tua, & super filium hominis, quem con-  
firmasti tibi.

Incensa igni & suffossa, ab increpatione  
vultus tui peribunt.

Fiat manus tua super virum dexterae tuae,  
& super filium hominis quem confir-  
masti tibi.

Et non discedimus a te, viuificabis nos &  
nomen tuum inuocabimus.

DOMINE Deus virtutum conuerte  
nos, & ostende faciem tuam, & salu-  
erimus.

## LXXX.

In finem, pro torcularibus, Psal-  
mus ipsi Asaph, quinta Sab-  
bathis.

**E**xultate Deo adiutori nostro, iubi-  
late Deo Iacob.

Sumite psalmum & date tympa-  
num, Psalterium iucundum cum cytha-  
ra.

Buccinate in neomenia tuba, in insigni  
die solennitatis vestrae.

Quia praecipuum in Israel est, & iudicium  
Deo Iacob.

G

Testi



## PSALTERIUM

Testimonium in Ioseph posuit illud, cum  
exiret de terra Ægypti, linguam quam  
non nouerat audiuit.

Diuertit ab oneribus dorsum eius, manus  
eius in cophino seruiuerunt.

In tribulatione inuocasti me & liberaui  
te, exaudiui te in abscondito tempesta-  
tsi, probaui te apud aquam contradi-  
ctionis.

Audi populus meus & contestabor te, Is-  
rael si audieris me, non erit in te De-  
us recens, neque adorabis Deum alie-  
num.

Ego enim sum DOMINVS Deus tuus,  
qui eduxi te de terra Ægypti, dilata os  
tuum, & implebo illud.

Et non audiuit populus meus vocem  
meam, & Israel non intendit mi-  
hi.

Et dimisi eos secundum desideria cor-  
dis eorum, ibunt in adinventionibus  
suis.

Si populus meus audisset me, Israel si in  
vijs meis ambulasset.

Pro nihilo forsitan inimicos eorum hu-  
miliaflem, & super tribulantes eos mi-  
siffem manum meam.

Inimici DOMINI mentiti sunt ei, &  
erit tempus eorum in secula.

Ec.



Et cibavit illos ex adipe frumenti, & de  
petra melle saturavit eos.

## LXXI.

## Psalmus Asaph.

**D**Eus stetit in Synagoga Deorum, in  
medio autem Deos dijudicat.

Vsquequo iudicatis iniquitatem, &  
facies peccatorum sumitis?  
Iudicate egeno & pupillo, humilem &  
pauperem iustificate.

Eripite pauperē, & egenum de manu pec-  
catoris liberate.

Nescierunt neque intellexerunt, in tenebris  
ambulant, mouebuntur omnia funda-  
menta terræ.

Ego dixi, dii estis, & filij excelsi om-  
nes.

Vos autem sicut homines moriemini, &  
sicut vnus de principibus cadetis.

Surge Deus iudica terram, quoniam tu  
hæreditabis in omnibus gentibus.

## LXXII.

## Canticum Psalmus Asaph.

G 2

Deus



PSALTERIUM

**D**eus quis similis erit tibi? Ne ta-  
ceas neque compescaris Deus.

Quoniam ecce inimici tui sonue-  
runt, & qui oderunt te extulerunt ca-  
put.

Super populum tuum malignauerunt con-  
siliū, et cogitauerunt aduersus sanctos  
tuos.

Dixerunt, venite & disperdamus eos de  
gente, & non memoretur nomen Israel  
ultra.

Quoniam cogitauerunt vnanimiter, simul  
aduersus te testamentum disposuerunt,  
tabernacula Idumæorum & Hismæ-  
litæ.

Moab, & Agareni, Gebal, & Ammon &  
Amalech, alienigenæ cum habitanti-  
bus Tyron.

Etenim Assur venit cum illis, facti sunt in  
adiutorium filijs Loth.

Fac illis sicut Madian & Sisaræ, sicut Ia-  
bin in torrente Cisson.

Disperierunt in Endor, facti sunt vt ster-  
cus terræ.

Pone Principes eorum sicut Oreb &  
Zeb, & Zebec, & Salmana.

Omnes principes eorum, qui dixerunt:  
hæreditate possideamus sanctuarium  
Dei.

Deus



Deus meus pone illos vt rotam, & sicut  
stipulam ante faciem venti.

Sicut ignis qui comburit syluam, & sicut  
flamma comburens montes.

Ita persequeris illos in tempestate tua, &  
in ira tua turbabis eos.

Imple facies eorum ignominia, & quærent  
nomen tuum DOMINE.

Erubescant & conturbentur in seculum  
seculi, & confundantur & pereant.

Et cognoscant, quia nomen tibi DO-  
MINVS, tu solus altissimus in omni  
terra.

## LXXIII.

In finem, pro torcularibus, filijs  
Choræ, Psalmus.

**Q**VAM dilecta tabernacula tua  
DOMINE virtutum, con-  
cupiscit & deficit anima mea  
in atria DOMINI.

Cor meum & caro mea, exultauerunt in  
Deum viuum.

Etenim passer inuenit sibi domum, &  
turtur nidum sibi, vbi ponat pullos suos.

Altaria tua DOMINE virtutum, rex  
meus & Deus meus.

G §

Beati



## PSALTERIUM

Beati qui habitant in domo tua **DOMINE**, in secula seculorum laudabunt te.

Beatus vir cuius est auxilium abs te, ascensiones in corde suo disposuit, in valle lachrymarum, in loco quem posuit.

Etenim benedictionem dabit legislator, ibunt de virtute in virtutem, videbitur Deus Deorum in Zion.

**DOMINE** Deus virtutum exaudi orationem meam, auribus percipe Deus Iacob.

Protector noster aspice Deus, & respice in faciem Christi tui.

Quia melior est dies vna in atrijs tuis, super millia.

Elegi abiectus esse in domo Dei mei, magis quam habitare in tabernaculis peccatorum.

Quia misericordiam & veritatem diligit Deus, gratiam & gloriam dabit **DOMINVS**.

Non priuabit bonis, eos qui ambulant in innocencia **DOMINE**, virtutum, Beatus homo qui sperat in te.

**LXXIII.**

In



In finem, filijs Choræ, Psalmus.

**B**enedixisti D O M I N E terram tuam,  
am, auertisti captiuitatem Iacob.

Remisisti iniquitatem plebis tuæ, operuisti omnia peccata eorum.

Mitigasti omnem iram tuam, auertisti ab ira indignationis tuæ.

Conuerte nos Deus salutaris noster, & auerte iram tuam a nobis.

Nunquid in æternum irasceris nobis, aut extends iram tuam a generatione in generationem?

Deus tu conuersus viuificabis nos, & plebs tua lætabitur in te.

Ostende nobis D O M I N E misericordiam tuam, & salutare tuum da nobis.

Audiam quid loquatur in me D O M I N V S Deus, quoniam loquetur pacem in plebem suam.

Et super sanctos suos, & in eos qui conuertuntur ad cor.

Veruntamen prope timentes eum salutare ipsius, vt inhabitet gloria in terra nostra.

Misericordia & veritas obuiauerunt sibi, iustitia & pax osculatæ sunt.



PSALTERIUM

Veritas de terra orta est, & iustitia de celo prospexit.

Etenim DOMINVS dabit benignitatem, & terra nostra dabit fructum suum.

Iustitia ante eum ambulabit, & ponet in via gressus suos.

LXXXV.

Oratio ipsi David.

**I**Nclina DOMINE aurem tuam, & exaudi me, quoniam inops & pauper sum ego.

Custodi animam meam, quoniam sanctus sum, saluum fac seruum tuum Deus meus sperantem in te.

Miserere mei DOMINE, quoniam ad te clamaui tota die, lætifica animam serui tui, quoniam ad te DOMINE animam meam leuaui.

Quoniam tu DOMINE suavis & mitis, & multæ misericordiæ omnibus inuocantibus te.

Auribus percipe DOMINE orationem meam, & intende voci deprecationis meæ.

In die tribulationis meæ clamaui ad te, quia exaudisti me,

Non



Non est similis tui in dijs DOMINE, &  
non est secundum opera tua.

Omnes gentes quascunq; fecisti, venient  
& adorabunt coram te DOMINE,  
& glorificabunt nomen tuum.

Quoniam magnus es tu, & faciens mira-  
bilia, tu es Deus solus.

Deduc me DOMINE in via tua, &  
ingrediar in virtute tua, lætetur cor  
meum vt timeat nomen tuum.

Confitebor tibi DOMINE Deus meus  
in toto corde meo, & glorificabo no-  
men tuum in æternum.

Quia misericordia tua magna est super  
me, & eruisti animam meam ex infer-  
no inferiori.

Deus iniqui insurrexerunt super me, &  
Synagoga potentium quæsierunt ani-  
mam meam, & non proposuerunt te in  
conspectu suo.

Et tu DOMINE Deus miserator & mi-  
sericors patiens & multæ misericordiæ  
& verax.

Respice in me & miserere mei, da impe-  
rium tuum puero tuo, & saluum fac fi-  
lium ancillæ tuæ.

Fac mecum signum in bono, vt vide-  
ant qui oderunt me, & confundan-  
tur, quoniam tu DOMINE adiuuisti



PSALTERIUM.  
me, & consolatus es me.

LXXXVI.

Psalmus cantici filijs  
Choræ.

**F**undamenta eius in montibus sanctis, diligit DOMINVS portas Zion super omnia tabernacula Iacob.

Gloriosa dicta sunt de te, ciuitas Dei.  
Memor ero Raab, & Babylonis scientium me.

Ecce alienigenæ, & Tyrus, & populus Æthiopum, hi fuerunt illic.

Nunquid Zion dicet, homo & homo natus est in ea? & ipse fundauit eam altissimus.

DOMINVS narrabit in scripturis populorum et principum, horum qui fuerunt in ea.

Sicut lætantium omnium habitatio est in te.

LXXXVII.

Canti



Canticum Psalmi filijs Choræ in  
finem, pro Maheleth ad responden-  
dum, intellectus Heman  
Ezrahitæ.

**D**OMINE Deus salutis meæ, in  
die clamaui & nocte coram te.  
Intret in conspectu tuo oratio  
mea, inclina aurem tuam ad precem  
meam.

Quia repleta est malis anima meæ,  
& vita mea inferno appropinqua-  
uit.

Æstimatus sum cum descendentibus in  
lacum, factus sum sicut homo sine adiu-  
torio, inter mortuos liber.

Sicut vulnerati dormientes in se-  
pulchris, quorum non es memor  
amplius, & ipsi de manu tua repulsi  
sunt.

Posuerunt me in laeu inferiori, in tene-  
brosis & in vmbra mortis.

Super me confirmatus est furor tuus,  
& omnes fluctus tuos induxisti super  
me.

Longe fecisti notos meos a me, posuerunt  
me abominationem sibi.

Traditus sum & non egrediebar, ocu-  
li



## PSALTERIUM

li mei languerunt præ inopia.  
Clamaui ad te DOMINE, tota die ex-  
pandi ad te manus meas.  
Nunquid mortuis facies mirabilia, aut  
medici suscitabunt, & confitebuntur  
tibi?  
Nunquid narrabit aliquis in sepulchro  
misericordiam tuam? & veritatem tu-  
am in perditione?  
Nunquid cognoscentur in tenebris mira-  
bilia tua, & iustitia tua in terra obli-  
uionis?  
Et ego ad te DOMINE clamaui, & ma-  
ne oratio mea præueniet te.  
Ut quid DOMINE repellis orationem  
meam? Auertis faciem tuam a me.  
Pauper sum ego, & in laboribus a iuuen-  
tute mea, exaltatus autem, humiliatus  
sum & conturbatus.  
In me transierunt iræ tuæ, & terrores tui  
conturbauerunt me.  
Circumdederunt me sicut aqua tota die,  
circumdederunt me simul.  
Elongasti a me amicum & proximum, &  
notos meos a miseria,

LXXXVIII.

Intellectus Ethan Ezrahitæ.

Miseri-



**M**isericordias DOMINI in æternum cantabo.

In generatione & generationem, annuntiabo veritatem tuam in ore meo. Quoniam dixisti, in æternum misericordia ædificabitur, in cœlis præparabitur veritas tua in eis.

Disposui testamentum electis meis, iuravi David seruo meo, usque in æternum præparabo semen tuum.

Et ædificabo in generatione & generationem sedem tuam.

Confitebuntur cœli mirabilia tua DOMINE, etenim veritatem tuam in Ecclesia sanctorum.

Quoniam quis in nubibus æquabitur DOMINO? Similis erit Deo in filiis Dei.

Deus qui glorificatur in concilio sanctorum, magnus & terribilis super omnes qui in circuitu eius sunt.

DOMINE Deus virtutum quis similis tibi? Potens es DOMINE, & veritas tua in circuitu tuo.

Tu dominaris potestati Maris, motum autem fluctuum eius tu mitigas.

Tu humiliasti sicut vulneratum superbum, in brachio virtutis tuæ dispersisti inimicos tuos.



## PSALTERIUM

Tui sunt coeli & tua est terra, orbem terræ & plenitudinem eius tu fundasti, Aquilonem & Mare tu creasti.

Thabor & Hermon in nomine tuo exultabunt, tuum brachium cum potentia.

Firmetur manus tua, & exaltetur dextera tua, iustitia & iudicium præparatio sedis tuæ.

Misericordia & veritas præcedent faciem tuam, Beatus populus qui scit iubilationem.

DOMINE in lumine vultus tui ambulabunt, & in nomine tuo exultabunt tota die, & in iustitia tua exultabuntur.

Quoniam gloria virtutis eorum tu es, & in beneplacito tuo exaltabitur cornu nostrum.

Quia DOMINI est assumptio nostra, & sancti Israel regis nostri.

Tunc locutus es in visione sanctis tuis, & dixisti, posui adiutorium in potente, & exaltaui electum de plebe mea.

Inueni David seruum meum, oleo sancto meo unxi eum.

Manus enim mea auxiliabitur ei, & brachium meum confortabit eum.

Nihil



Nihil proficiet inimicus in eo, & filius  
iniquitatis non apponet nocere ei.

Et concidam a facie ipsius inimicos eius,  
& odientes eum in fugam conuer-  
tam.

Et veritas mea & misericordia mea cum  
ipso, & in nomine meo exaltabitur cor-  
nu eius.

Et ponam in mari manum eius, & in flu-  
minibus dexteram eius.

Ipsē inuocabit me, pater meus es tu, De-  
us meus & susceptor salutis meæ.

Et ego primogenitum ponam illum, ex-  
celsum præ regibus terræ.

In æternum seruabo illi misericordiam  
meam, & testamentum meum fidele  
ipso.

Et ponam in seculum seculi semen eius, &  
thronum eius sicut dies cœli.

Si autem dereliquerint filij eius legem me-  
am, & in iudicijs meis non ambulaue-  
rint.

Si iustitias meas prophanauerint, & man-  
data mea non custodierint.

Visitabo in virga iniquitates eorum, &  
in verberibus peccata eorum.

Misericordiam autem meam non disper-  
gam ab eo, neque nocebo in veritate  
mea.

Necq;



## PSALTERIUM

Nec prophanabo testamentum meum,  
& quæ procedunt de labijs meis non  
faciam irrita.

Semel iuravi in sancto meo, si David  
mentiar, semen eius in æternum manebit.

Et thronus eius sicut Sol in conspectu  
meo, & sicut Luna perfecta in æternum,  
& testis in coelo fidelis.

Tu vero repulisti & despexisti, distulisti  
Christum tuum.

Auertisti testamentum serui tui, prophana-  
stisti in terra sanctuarium eius.

Destruxisti omnes sepes eius, posuisti fir-  
mamentum eius formidinem.

Diripuerunt eum omnes transeuntes vi-  
am, factus est opprobrium vicinis suis.

Exaltasti dexteram deprimentium eum,  
lætificasti omnes inimicos eius.

Auertisti adiutorium gladij eius, & non es  
auxiliatus ei in bello.

Destruxisti eum ab emundatione, & se-  
dem eius in terra collisisti.

Minorasti Dies temporis eius, perfudisti  
eum confusione.

Vsquequo DOMINE auertes in finem?  
Exardescet sicut ignis ira tua?

Memorare quæ mea substantia, nun-  
quid



quid enim vane constituisti omnes filios hominum?

Quis est homo qui viuet & non videbit mortem, Eruct animam suam de manu inferni?

Vbi sunt misericordiae tuae antiquae DOMINE, sicut iurasti David in veritate tua?

Memor esto DOMINE opprobrii seruatorum tuorum, quod continui in sinu meo multarum gentium.

Quod exprobrauerunt inimici tui DOMINE, quod exprobrauerunt commutationem Christi tui.

Benedictus DOMINVS in aeternum, fiat fiat.

## LXXXIX.

Oratio Moysi hominis Dei.

**D**OMINE refugium factus es nobis a generatione in generationem.

Priusquam montes fierent aut formaretur terra & orbis, a seculo & vsq; in seculum tu es Deus.

Ne auertas hominem in humilitatem, & dixisti, conuertimini filij hominum.

Quoni



## PSALTERIUM

Quoniam mille anni ante oculos tuos,  
tanquam dies hesternæ quæ præte-  
runt.

Et custodia in nocte, quæ pro nihilo ha-  
bentur, eorum anni erunt.

Mane sicut herba transeat, mane floreat  
& transeat, vespere decidat, induret &  
arescat.

Quia defecimus in ira tua, et in furore tuo  
turbati sumus.

Posuisti iniquitates nostras in conspectu  
tuo, seculum nostrum in illuminatione  
vultus tui.

Quoniam omnes dies nostri defecerunt,  
& in ira tua defecimus.

Anni nostri sicut aranea meditabuntur,  
dies annorum nostrorum in ipsis sep-  
tuaginta anni.

Si autem in potentatibus octoginta  
anni, & amplius eorum labor & do-  
lor.

Quoniam superuenit mansuetudo & cor-  
ripiemur.

Quis nouit potestatem iræ tuæ, & præ ti-  
more tuo iram tuam dinumerare?

Dexteram tuam sic notam fac, & eru-  
ditos corde in sapientia.

Conuertere DOMINE vsquequo? &  
deprecabilis esto super seruos tuos.

Reple



Repleti sumus mane misericordia tua, &  
exultauimus & delectati sumus in om-  
nibus diebus nostris.

Lætati sumus pro diebus quibus nos hu-  
miliaſti, annis quibus vidimus mala.

Respice in seruos tuos & in opera tua, &  
dirige filios eorum.

Et sit splendor DOMINI Dei nostri su-  
per nos, & opera manuum noſtrarum  
dirige super nos, & opus manuum no-  
ſtrarum dirige.

X.G.

## Laus Cantici Dauid.

**Q**ui habitat in adiutorio altissimi,  
in protectione Dei cœli com-  
morabitur.

Dicet DOMINO, susceptor meus es tu,  
& refugium meum, Deus meus spera-  
bo in eum.

Quoniam ipse liberauit me de laqueo ve-  
nantium, & a verbo aspero.

Scapulis suis obumbrabit tibi & sub pen-  
nis eius sperabis.

Scuto circumdabit te veritas eius, non  
timebis a timore nocturno.

A sagitta volante in die, a negocio  
peram-



## PSALTERIUM

perambulante in tenebris, ab incurſu  
& dæmonio meridiano.

Cadent a latere tuo mille, & decem milia  
a dextris tuis, ad te autem non ap-  
propinquabit.

Veruntamen oculis tuis considerabis,  
& retributionem peccatorum vide-  
bis.

Quoniam tu es DOMINE spes mea,  
altissimum poſuiſti refugium tuum.

Non accedet ad te malum, & flagellum  
non appropinquabit tabernaculo tuo.

Quoniam Angelis ſuis mandauit de te,  
vt custodiant te in omnibus vijs tu-  
is.

In manibus portabunt te, ne forte offen-  
das ad lapidem pedem tuum.

Super aspidem & Basiliscum ambula-  
bis, & conculcabis leonem & draco-  
nem.

Quoniam in me sperauit, liberabo eum,  
protegam eum, quoniam cognouit no-  
men meum.

Clamauit ad me, & ego exaudiam eum,  
cum ipſo ſum in tribulatione, eripiam  
eum & glorificabo eum.

Longitudine dierum replebo eum, &  
ostendam illi ſalutare meum,

Pſal



## XCI.

Psalmus Cantici in die  
Sabbathi.

**B**onum est confiteri DOMINO, &  
psallere nomini tuo altissime.  
Ad annunciandum mane miseri-  
cordiam tuam, & veritatem tuam per  
noctem.

In decachordo psalterio, cum cantico in  
cythara.

Quia delectasti me DOMINE in factu-  
ra tua, & in operibus manuum tuarum  
exultabo.

Quam magnificata sunt opera tua D O-  
MINE, nimis profundæ factæ sunt cog-  
itationes tuæ.

Vir insipiens non cognosceret, & stultus  
non intelliget hæc.

Cum exorti fuerint peccatores sicut foes-  
num, & apparuerint omnes qui operan-  
tur iniquitatem.

Vt intereant in seculum seculi, Tu au-  
tem altissimus in æternum D O M I-  
N E.

Quoniam ecce inimici tui D O M I N E,  
quoniam ecce inimici tui peribunt, &  
dispergentur omnes qui operantur ini-  
quitatem.

Ec



PSALTERIUM

Et exaltabitur sicut unicornis cornu me-  
um, & senectus mea in misericordia  
vberis.

Et despexit oculus meus inimicos meos,  
& insurgentibus in me malignantibus,  
audiet auris mea.

Iustus vt palma florebit, sicut cedrus Li-  
bani multiplicabitur.

Plantati in domo DOMINI, in atrijs  
domus Dei nostri florebut.

Adhuc multiplicabuntur in senecta vbe-  
ri, & bene patientes erunt vt annun-  
cient.

Quoniam rectus DOMINVS Deus  
noster, & non est iniquitas in eo.

XCII.

Laus cantici David, in die ante  
Sabbathum, quando fundata  
est terra.

**D**OMINVS regnavit decorem in-  
dutus est, indutus est DOMI-  
NVS fortitudinem & præcin-  
xit se.

Etenim firmavit orbem terræ, qui non  
commouebitur.

Parata sedes tua Deus ex tunc a seculo tu-  
es.

Eleua-



DAVIDIS.

84

Eleuauerunt flumina DOMINE, eleuauerunt flumina vocem suam.

Eleuauerunt flumina fluctus suos, a vocibus aquarum multarum.

Mirabiles elationes maris, mirabilis in altis DOMINVS.

Testimonia tua credibilia facta sunt nimis, domum tuam decet sanctitudo DOMINE in longitudine dierum.

XCIII.

Psalms David, quarta  
Sabbathi.

**D**Eus vltionum DOMINVS, Deus vltionum libere egit.

Exaltare qui iudicas terram, redde retributionem superbis,

Vsquequo peccatores DOMINE, vsquequo peccatores gloriabuntur?

Effabuntur & loquentur iniquitatem, loquentur omnes qui operantur iniustitiam.

Populum tuum DOMINE humiliauerunt, & hæreditatem tuam vexauerunt.

Viduam & aduenam interfecerunt, & pupillos occiderunt.

Et



## PSALTERIUM

Et dixerunt, non videbit DOMINVS,  
nec intelliget Deus Iacob.

Intelligite insipientes in populo, & stulti  
aliquando sapite.

Qui plantauit aurem non audiet? aut qui  
finxit oculum, non considerat?

Qui corripit gentes, non arguet? qui do-  
cet hominem scientiam?

DOMINVS scit cogitationes homi-  
num, quoniam vanæ sunt.

Beatus homo quem tu erudieris DOMI-  
NE, & de lege tua docueris eum.

Vt mitiges ei a diebus malis, donec fo-  
diatur peccatori fouea.

Quia non repellet DOMINVS plebem  
suam & hæreditatem suam non dere-  
linquet.

Quoadusq; iustitia conuertatur in iudi-  
cium, & qui iuxta illam, omnes qui re-  
cto sunt corde.

Quis consurget mihi aduersus malignan-  
tes? Aut quis stabit mecum aduersus  
operantes iniquitatem?

Nisi quia DOMINVS adiuuit me, pau-  
lominus habitasset in inferno anima  
mea.

Si dicebam, motus est pes meus, miseri-  
cordia tua DOMINE adiuuabat  
me.

Secun-



Secundum multitudinem dolorum meo-  
rum in corde meo, consolationes tuæ  
lætificauerunt animam meam.

Nunquid adhæret tibi sedes iniquitatis,  
qui fingis laborem in præcepto?

Captabunt in animam iusti, et sanguinem  
innocentem condemnabunt.

Et factus est mihi DOMINVS in refu-  
gium, & Deus meus in adiutorium spes  
meæ.

Et reddet illis iniquitatem ipsorum, & in  
malitia eorum disperdet eos, disperdet  
illos DOMINVS Deus noster.

## XCIIII.

## Laus cantici ipsi David.

**V**enite exultemus DOMINO, iu-  
bilemus Deo salutari nostro.

Præoccupemus faciem eius in con-  
fessione, & in Psalmis iubilemus  
ei.

Quoniam Deus magnus DOMINVS,  
& rex magnus super omnes Deos.

Quia in manu eius sunt omnes fines ter-  
ræ, & altitudines montium ipsius  
sunt.

H

Quo



## PSALTERIUM

Quoniam ipsius est Mare & ipse fecit illud, & siccam manus eius formaerunt.

Venite, adoremus & procidamus coram eo & ploremus ante DOMINUM qui fecit nos, quia ipse est DOMINUS Deus noster.

Et nos populus pascuæ eius, & oves manus eius.

Hodie si vocem eius audieritis, nolite obdurare corda vestra.

Sicut in irritatione, secundum diem tentationis in deserto.

Vbi tentauerunt me patres vestri, probauerunt me & viderunt opera mea.

Quadraginta annis offensus fui generationi illi, & dixi semper, hi errant corde.

Et isti non cognouerunt vias meas, vt iuravi in ira mea, si introibunt in requiem meam.

XCV.

Canticum David, quando domus ædificabatur post captiuitatem.

Canta



**C**antate DOMINO canticum nouum, cantate DOMINO omnis terra.

Cantate DOMINO & benedicite nomini eius, annunciate de die in diem salutare eius.

Annunciate inter gentes gloriam eius, in omnibus populis mirabilia eius.

Quoniam magnus DOMINVS & laudabilis nimis, terribilis est super omnes Deos.

Quoniam omnes dii gentium dæmonia, DOMINVS autem cælos fecit.

Confessio & pulchritudo in conspectu eius, sanctimonia & magnificentia in sanctificatione eius.

Afferte DOMINO patriæ gentium, afferte DOMINO gloriam & honorem, afferte DOMINO gloriam nomini eius.

Tollite hostias & introite in atria eius, adorate DOMINVM in atrio sancto eius.

Commoueatur a facie eius vniuersa terra, dicite in gentibus quia DOMINVS regnavit.

Etenim correxit orbem terræ qui non commouebitur, iudicabit populos in æquitate.



## PSALTERIUM

Lætentur cœli & exultet terra, commo-  
ueatur Mare & plenitudo eius, gau-  
debunt campi & omnia quæ in eis  
sunt.

Tunc exultabunt omnia ligna sylvarum  
a facie DOMINI quia venit, quo-  
niam venit iudicare terram.

Iudicabit orbem terræ in æquitate, &  
populos in veritate sua.

### XCVI.

Ipsi David, quando terra ei  
restituta est.

**D**OMINVS regnavit, exultet terra,  
lætentur insulæ multæ.  
Nubes & caligo in circuitu eius,  
iustitia & iudicium correctio sedis  
eius.

Ignis ante ipsum præcedet, & inflamma-  
bit in circuitu inimicos eius.

Alluxerunt fulgura eius orbi terræ, vidit  
& commota est terra.

Montes sicut cera fluxerunt a facie DO-  
MINI, a facie DOMINI omnis terra.

Annunciauerunt cœli iustitiam eius, &  
viderunt omnes populi gloriam eius.

Confun-



Confundantur omnes qui adorant scul-  
ptilia, & qui gloriantur in simulachris  
suis.

Adorate eum omnes Angeli eius, audiuit  
& lætata est Zion.

Et exultauerunt filiaë Iudæ, propter iudi-  
cia tua DOMINE.

Quoniam tu DOMINVS altissimus  
super omnem terram, nimis exaltatus es  
super omnes Deos.

Qui diligitis DOMINVM odite ma-  
lum, custodit DOMINVS animas san-  
ctorum suorum, de manu peccatoris li-  
berabit eos.

Lux orta est iusto, & rectis corde læti-  
tia.

Lætamini iusti in DOMINO, & confi-  
temini memoriæ sanctificationis eius.

## XCVII.

## Psalmus ipsi David.

**C**Antate DOMINO canticum no-  
uum, quia mirabilia fecit.  
Saluabit sibi dextera eius, & bra-  
chium sanctum eius.

Notum fecit DOMINVS salutare su-  
um, in conspectu gentium reuelauit iu-  
stitiam suam.

H 3

Reco



## PSALTERIUM

Recordatus est misericordiae suae Iacob,  
& veritatis suae domui Israel.

Viderunt omnes termini terrae, salutare  
Dei nostri.

Iubilate DOMINO omnis terra, canta-  
te & exultate & psallite.

Psallite DOMINO in cythara, in cytha-  
ra & voce Psalmi, in tubis ductilibus,  
& voce tubae cornae.

Iubilate in conspectu regis DOMINI,  
moueatur mare & plenitudo eius, orbis  
terrarum, & qui habitant in eo.

Flumina plaudent manu, simul montes  
exultabunt a conspectu DOMINI,  
quoniam venit iudicare terram.

Iudicabit orbem terrarum in iustitia, &  
populos in aequitate.

## XCVIII.

### Psalmus David.

**D**OMINVS regnavit, irascantur  
populi, qui sedet super Cheru-  
bim, moueatur terra.

DOMINVS in Zion magnus, & excel-  
sus super omnes populos.

Confiteantur nomini tuo magno, quo-  
niam



niam terribile & sanctum est, & honor  
regis iudicium diligit.

Tu parasti directiones, iudicium & iusti-  
tiam in Iacob tu fecisti.

Exultate DOMINVM Deum nostrum,  
& adorate scabellum pedum eius, quo-  
niam sanctum est.

Moyfes & Aaron in sacerdotibus eius,  
& Samuel inter eos qui inuocant no-  
men eius.

Inuocabant DOMINVM & ipse exau-  
diebat eos, in columna nubis loqueba-  
tur ad eos.

Custodiebant testimonia eius, & præcep-  
tum quod dedit illis.

DOMINE Deus noster, tu exaudie-  
bas eos, Deus tu propitius fuisti eis, &  
vltiscens in omnes adinventiones eo-  
rum.

Exaltate DOMINVM Deum nostrum,  
& adorate in monte sancto eius, quoni-  
am sanctus DOMINVS Deus noster.

## XCIX.

## Psalmus in confessione.

**I**ubilate Deo omnis terra, seruite DO-  
MINO in lætitia.

H 4

Intro



## PSALTERIVM

Introite in conspectu eius in exultatione.

Scitote quoniam DOMINVS ipse est Deus: ipse fecit nos & non ipsi nos.

Populus eius, & oves pascuæ eius introite portas eius in confessione, atria eius in hymnis, confitemini illi.

Laudate nomen eius, quoniam suavis est DOMINVS, in æternum misericordia eius, & vsq; in generationem & generationem veritas eius.

C.

Psalms ipsi David.

**M**isericordiam & iudicium cantabo tibi DOMINE.

**P**sallam, & intelligam in via immaculata quando venies ad me.

**P**erambulabam in innocentia cordis mei, in medio domus meæ.

**N**on proponebant ante oculos meos rem iniustam, facientes prævaricationes odiui.

**N**on adhæsit mihi cor prauum, declinantem a me malignum non cognoscebam.

**D**etrahentem secreto proximo suo, hunc persequabar.

Super



Superbo oculo & insatiabili corde, cum  
hoc non edebam,

Oculi mei ad fideles terræ, vt sedeant me  
cum, ambulans in via immaculata,  
hic mihi ministrabat.

Non habitabit in medio domus meæ qui  
facit superbiam, qui loquitur iniqua,  
non direxit in conspectu oculorum me  
orum.

In matutino interficiebam omnes pecca  
tores terræ, vt disperderem de ciuitate  
DOMINI omnes operantes iniqui  
tatem.

## CI.

Oratio pauperis cum anxius  
fuerit, & coram DOMINO  
effuderit precem  
suam.

**D**OMINE exaudi orationem me  
am, & clamor meus ad te veni  
at.

Non auertas faciem tuam a me, in qua  
cunq; die tribulor, inclina ad me aurem  
tuam.

In quacunq; die inuocauero te, velociter  
exaudi me,

H 5

Quia



## PSALTERIUM

Quia defecerunt sicut fumus dies mei,  
& ossa mea sicut cremium aruerunt.

Percussus sum vt foenum, & aruit cor meum,  
quia oblitus sum comedere panem meum.

A voce gemitus mei, adhæsit os meum  
carni meæ.

Similis factus sum Pellicano solitudinis,  
factus sum sicut Nycticorax in domicilio.

Vigilavi, & factus sum sicut passer solitarius  
in tecto.

Tota die exprobrabant mihi inimici mei,  
& qui laudabant me aduersum me iurabant.

Quia cinerem tanquam panem manducabam  
& potum meum cum fletu miscabam.

A facie iræ indignationis tuæ, quia eleuans  
alluisti me.

Dies mei sicut vmbra declinauerunt, &  
ego sicut foenum arui.

Tu autem D O M I N E in æternum permanes,  
et memoriale tuum in generatione  
& generationem.

Tu exurgens misereberis Zion, quia tempus  
miserendi eius, quia venit tempus.

Quos



Quoniam placuerunt seruis tuis lapides eius, & terræ eius miserebuntur.

Et timebunt gentes nomen tuum D O M I N E, & omnes reges terræ gloriam tuam.

Quia ædificauit DOMINVS ZION, & videbitur in gloria sua.

Respexit in orationem humilium, & non spreuit precem eorum.

Scribantur hæc in generatione altera, & populus qui creabitur laudabit D O M I N V M.

Quia prospexit de excelsis sancto suo, DOMINVS de coelo in terram aspexit.

Vt audiret gemitus compeditorum, vt solueret filios interemptorum.

Vt annuncient in Sion nomen D O M I N I, & laudem eius in Hierusalem.

In conueniendis populos in vnum, & reges vt seruiant D O M I N O.

Respondit ei via virtutis suæ, paucitatem dierum meorum nuncia mihi.

Ne reuoces me in dimidio dierum meorum, in generatione & generationem anni tui.

Initio tu D O M I N E terram fundasti, & opera manuum tuarum sunt cæli.



## PSALTERIUM

Ipsi peribunt, tu autem permanes, & omnes sicut vestimentum veterascent.

Et sicut opertorium mutabis eos, & mutabuntur, tu autem idem ipse es, & anni tui non deficient.

Filij seruorum tuorum habitabunt, & semen eorum in seculum dirigetur.

### CII.

#### Psalmus ipsi David.

**B**enedic anima mea DOMINO, & omnia quæ intra me sunt nomini sancto eius.

Benedic anima mea DOMINO, & noli obliuisci omnes retributiones eius.

Qui propiciatur omnibus iniquitatibus tuis, qui sanat omnes infirmitates tuas.

Qui redimit de interitu vitam tuam, qui coronat te in misericordia & miserationibus.

Qui replet in bonis desiderium tuum, renouabitur vt aquilæ iuuentus tua.

Faciens misericordias DOMINVS, & iudicium omnibus iniuriam patientibus.

Notas



Notas fecit vias suas Moyſi, filijs Iſrael  
voluntares ſuas.

Miferator & miſericors **DOMINVS**,  
longanimis & multum miſericors.

Non in perpetuum irasceatur, neq; in æter-  
num comminabitur.

Non ſecundum peccata noſtra fecit nobis,  
neq; ſecundum iniquitates noſtras re-  
tribuit nobis.

Quoniam ſecundum altitudinem cœli a  
terra: corroborauit miſericordiam ſu-  
am ſuper timentes ſe.

Quantum diſtat ortus ab occidente,  
longe fecit a nobis iniquitates no-  
ſtras.

Quomodo miſeretur pater filiorum, miſer-  
tus eſt **DOMINVS** timentibus ſe,  
quoniam ipſe cognouit ſigmentum no-  
ſtrum.

Recordatus eſt quoniam puluis ſumus, ho-  
mo ſicut fœnum dies eius, tanquam flos  
agri ſic effloreat.

Quoniam ſpiritus pertransibit in illo, &  
non ſubiſtet, & non cognoscat amplius  
locum ſuum.

Miſericordia autem **DOMINI** ab æter-  
no & uſq; in æternum, ſuper timentes  
eum.

Et iuſtitia illius in filios filiorum, his  
qui



## PSALTERIUM

qui seruent testamentum eius.  
Et memores sunt mandatorum ipsius ad  
faciendum ea.

**DOMINVS** in caelo parauit sedem  
suam, & regnum ipsius omnibus domi-  
nabitur.

Benedicite **DOMINO** omnes angeli  
eius potentes virtute, facientes verbum  
illius, ad audiendam vocem sermonum  
eius.

Benedicite **DOMINO** omnes virtutes  
eius, ministri eius qui facitis volunta-  
tem eius.

Benedicite **DOMINO** omnia opera eius,  
in omni loco dominationis eius, bene-  
dic anima mea **DOMINO**.

### CIII.

#### Psalms ipsi David.

**B**enedic anima mea **DOMINO**,  
**DOMINE** Deus meus magni-  
ficatus es vehementer.

Confessionem & decorem induisti, ami-  
ctus lumine sicut vestimento.

Extendens caelum sicut pellem, qui tegis  
aquis superiora eius.

Qui ponis nubem ascensum tuum, qui am-  
bulas super pennas ventorum.

Qui



Qui facis angelos tuos spiritus, & ministros tuos ignem vrentem.

Qui fundasti terram super stabilitatem suam, non inclinabitur in seculum seculi.

Abyssus sicut vestimentum amictus eius, super montes stabunt aquæ.

Ab increpatione tua fugient, a voce tonitru tui formidabunt.

Ascendunt montes & descendunt campi, in locum quem fundasti eis.

Terminum posuisti quem non transgredientur, neque conuertentur operire terram.

Qui emittis fontes in conuallibus, inter medium montium pertransibunt aquæ.

Potabunt omnes bestię agri, expectabunt onagri in siti sua.

Super ea volucres cœli habitabunt, de medio petrarum dabunt voces.

Rigans montes de superioribus suis, de fructu operum tuorum satiabitur terra.

Producens fœnum iumentis, & herbam seruituti hominum.

Vt educas panem de terra, & vinum lætificet cor hominis.

Vt



## PSALTERIUM

Vt exhilaret faciem in oleo, & panis cor  
hominis confirmet.

Saturabuntur ligna campi, & cedri libani  
quas plantauit, illic passeris nidifi-  
cabunt.

Herodij domus dux est eorum, montes  
excelsi ceruis, petra refugium herina-  
ceis.

Fecit Lunam in tempore, sol cognouit  
occasum suum.

Posuisti tenebras & facta est nox, in ip-  
sa pertransibunt omnes bestiae syluae.

Catuli Leonum rugientes vt rapiant, &  
quarant a Deo escam sibi.

Ortus est sol & congregati sunt, & in cu-  
bilibus suis collabuntur.

Exibit homo ad opus suum, & ad ope-  
rationem suam vsq; ad vesperam.

Quam magnificata sunt opera tua D O-  
MINE, omnia in sapientia fecisti, im-  
pleta est terra possessione tua.

Hoc mare magnum & spaciosum mani-  
bus, illic reptilia quorum non est nume-  
rus.

Animalia pusilla cum magnis, illic na-  
ues pertransibunt.

Draco iste quem formasti ad illudendum  
ei, omnia a te expectant vt des illis  
escam in tempore.

Dan.



Dante te illis colligent, aperiente te ma-  
num tuam omnia replebuntur bonita-  
te.

Auertente autem te faciem turbabuntur,  
auferes spiritum eorum & deficient, &  
in puluerem suum reuertentur.

Emittes spiritum tuum & creabuntur, &  
renouabis faciem terræ.

Sit gloria DOMINI in seculum, lætabi-  
tur DOMINVS in operibus suis.

Qui respicit terram & facit eam tremere:  
Qui tangit montes & fumigant.

Cantabo DOMINO in vita mea, psal-  
lam Deo meo quam diu sum.

Iucundum sit ei eloquium meum, ego ve-  
ro delectabor in DOMINO.

Deficiant peccatores a terra & iniqui ita  
vt non sint, Benedic anima mea DO-  
MINO.

## CIIII.

## Alleluia.

**C**onfitemini DOMINO & inuoca-  
te nomen eius, annunciate inter  
gentes opera eius.

Cantate ei & psallite ei, narrate omnia  
mirabilia eius, laudamini in nomine  
sancto eius.

Læte



## PSALTERIUM

Lætetur cor quærentium DOMINUM  
quærite DOMINUM & confirma-  
mini, quærite faciem eius semper.  
Memento mirabilium eius quæ fecit, pro-  
digia eius & iudicia oris eius.  
Semen Abraham serui eius, filij Iacob ele-  
cti eius.  
Ipse DOMINVS Deus noster, in vniuer-  
sa terra iudicia eius.  
Memor fuit in seculum testamenti sui, ver-  
bi quod mandauit in mille generatio-  
nes.  
Quod disposuit ad Abraham, & iuramen-  
ti sui ad Isaac.  
Et statuit illud Iacob in preceptum, &  
Israel in testamentum æternum.  
Dicens tibi dabo terram Canaan, funicu-  
lum hæreditatis vestræ.  
Cum essent numero breui, paucissimi &  
incolæ eius.  
Et pertransierunt de gente in gentem, &  
de regno ad populum alterum.  
Non reliquit hominem nocere eis, & cor-  
ripuit pro eis reges.  
Nolite tangere Christos meos, & in Pro-  
phetis meis nolite malignari.  
Et vocauit famem super terram, & omne  
firmamentum panis contriuit.

Misit



Misit ante eos virum, in seruum venun-  
datus est Ioseph.

Humiliauerunt in compedibus pedes eius,  
ferrum pertransijt animam eius, donec  
veniret verbum eius.

Eloquium DOMINI inflammavit eum,  
misit Rex & soluit eum, princeps po-  
pulorum & dimisit eum.

Constituit eum DOMINVM domus  
suae, & principem omnis possessionis  
suae.

Vt erudiret principes eius sicut semet-  
ipsum, & senes eius prudentiam doce-  
ret.

Et intrauit Israel in Ægyptum, & Iacob  
accola fuit in terra Cham.

Et auxit populum suum Vehementer, &  
firmauit eum super inimicos eius.

Conuertit cor eorum vt odirent popu-  
lum eius, & dolum facerent in seruos  
eius.

Misit Moysen seruum suum, Aaron quem  
elegit ipsum.

Posuit in eis verba signorum suorum, &  
prodigiorum in terra Cham.

Misit tenebras & obscuravit, & non ex-  
acerbavit sermones suos.

Conuertit aquas eorum in sanguinem, &  
occidit pisces eorum.

Edidit



PSALTERIUM

Edidit terra eorum ranas, in penetralibus  
regum ipsorum.

Dixit & venit cynomyia & cinifes, in  
omnibus finibus eorum.

Posuit pluuias eorum grandinem, ig-  
nem comburentem in terra ipso-  
rum.

Et percussit vineas eorum & ficulneas  
eorum, & contriuit lignum finium eo-  
rum.

Dixit, & venit locusta & Bruchus, cuius  
non erat numerus.

Et comedit omne fœnum in terra eorum,  
& comedit omnem fructum terræ eo-  
rum.

Et percussit omne primogenitum in ter-  
ra eorum, primitias omnis laboris eo-  
rum.

Et eduxit eos cum argento & auro, &  
non erat in tribubus eorum infir-  
mus.

Lætata est Ægyptus in profectioe eo-  
rum, quia incubuit timor eorum super  
eos.

Expandit nubem in protectionem eo-  
rum, & ignem vt luceret eis per no-  
ctem.

Petierunt & venit coturnix, & pane cœ-  
li saturauit eos.

Diru



Dirupit petram & fluxerunt aquæ, abie-  
runt in sicco flumina.

Quoniam memor fuit verbi sancti sui,  
quod habuit ad Abraham puerum su-  
um.

Et eduxit populum suum in exultatione  
& electos suos in lætitia.

Et dedit illis regiones gentium, & labo-  
res populorum possederunt.

Et custodiant iustificationes eius, & le-  
gem eius requirant.

## C V.

## Alleluia Alleluia.

**C**onfitemini DOMINO quoniam  
bonus, quoniam in seculum mise-  
ricordia eius.

Quis loquetur potentias DOMINI? au-  
ditas faciet omnes laudes eius?

Beati qui custodiunt iudicium, & faciunt  
iustitiam in omnitempore.

Memento nostri DOMINE in benepla-  
cito populi tui, visita nos in salutari  
tuo.

Ad videndum in bonitate electorum tu-  
orum, ad lætandum in læticia gentis  
tuæ, vt lauderis cum hæreditate tua.

Pecca



## PSALTERIUM

Peccauimus cum patribus nostris, iniuste  
egimus, iniquitatem fecimus.

Patres nostri in Ægypto non intellexerunt  
mirabilia tua, non fuerunt memo-  
res multitudinis misericordiae tuae.

Et irritauerunt ascendentes in Mare ru-  
brum.

Et saluauit eos propter nomen suum, vt  
notam faceret potentiam suam.

Et increpuit Mare rubrum, & exiccatura  
est, & deduxit eos in abyssis sicut in  
deserto.

Et saluauit eos de manu odientium, & re-  
demit eos de manu inimici.

Et operuit aqua tribulantes eos, vnus ex  
eis non remansit.

Et crediderunt verbis eius, & laudauerunt  
laudem eius.

Cito fecerunt, obliti sunt operum eius, &  
non sustinuerunt consilium eius.

Et concupierunt concupiscentiam in de-  
serto, & tentauerunt Deum in inaquo-  
so.

Et dedit eis petitionem ipsorum, & misit  
saturitatem in animas eorum.

Et irritauerunt Moysen in castris, Aaron  
sanctum DOMINI.

Aperta



Aperta est terra & deglutiuit Dathan, & operuit super congregationem Abyron.

Et exarsit ignis in Synagoga eorum, flamma combussit peccatores.

Et fecerunt vitulum in Oreb, & adorauerunt sculptile.

Et mutauerunt gloriam suam in similitudinem vituli comedentis fœnum.

Obliti sunt Deum qui saluauit eos, qui fecit magnalia in Ægypto, mirabilia in terra Cham, terribilia in Maribus rubro.

Et dixit vt disperderet eos, si non Moyses electus eius stetisset in confectione in conspectu eius.

Vt auerteret iram eius ne disperderet eos, & pro nihilo habuerunt terram desiderabilem.

Non crediderunt verbo eius, & murmurerunt in tabernaculis suis, non exaudierunt vocem DOMINI.

Et eleuauit manū suam super eos, vt prosterneret eos in deserto.

Et vt deiceret semen eorum in nationibus, & dispergeret eos in regionibus.

Et initiati sunt Beelphegor, & comederunt.



## PSALTERIUM

derunt sacrificia mortuorum.

Et irritauerunt eum in adinventionibus suis, & multiplicata est in eis ruina.

Et stetit Phinees & placuit, & cessauit quassatio.

Et reputatum est ei in iustitiam, in generationem & generationem usque in sempiternum.

Et irritauerunt eum ad aquas contradictionis, & vexatus est Moyles propter eos, quia exacerbauerunt spiritum eius.

Et distinxit in labijs suis, non disperdiderunt gentes quas dixit DOMINVS illis.

Et commixti sunt inter gentes, & didicerunt opera eorum, & seruerunt sculptilibus eorum, & factum est illis in scandalum.

Et immolauerunt filios suos, & filias suas demonijs.

Et effuderunt sanguinem innocentem, sanguinem filiorum suorum & filiarum suarum, quas sacrificauerunt sculptilibus Canaan.

Et infecta est terra in sanguinibus, & contaminata est in operibus eorum, & fornicati sunt in adinventionibus suis.

Et



DAVIDIS.

97

Et iratus est furore DOMINVS in populum suum, & abominatus est hæreditatem suam.

Et tradidit eos in manus gentium, & dominati sunt eorum qui oderunt eos.

Et tribulauerunt eos inimici eorum, & humiliati sunt sub manibus eorum, sæpe liberauit eos.

Ipsi autem exacerbauerunt eum in consilio suo, & humiliati sunt in iniquitatibus suis.

Et vidit cum tribularentur, et audiuit orationem eorum.

Et memor fuit testamenti sui, & pœnituit eum secundum multitudinem misericordiae suae.

Et dedit eos in misericordias, in conspectu omnium qui cœperant eos.

Saluos fac nos DOMINE Deus noster, & congrega nos de nationibus.

Vt confiteamur nomini sancto tuo, & gloriemur in laude tua.

Benedictus DOMINVS Deus Israel a seculo & vsq; in seculum, & dicet omnis populus, fiat, fiat.

CVI.

Alleluia.

I

Contra



## PSALTERIUM

**C**onfitemini DOMINO quoniam bonus, quoniam in seculum misericordia eius.

Dicant qui redempti sunt a DOMINO, quos redemit de manu inimici, & de regionibus congregauit eos.

A solis ortu & occasu, ab Aquilone & Marti.

Errauerunt in solitudine in aquoso, viam ciuitatis habitaculi non inuenerunt.

Esurientes & sitientes, anima eorum in ipsis defecit.

Et clamauerunt ad DOMINUM cum tribularentur, & de necessitatibus eorum eripuit eos.

Et deduxit eos in viam rectam, vt irent in ciuitatem habitationis.

Confiteantur DOMINO misericordiae eius, & mirabilia eius filijs hominum.

Quia satiauit animam inanem, & animam esurentem satiauit bonis.

Sedentes in tenebris & umbra mortis, vinctos in mendicitate & ferro.

Quia exacerbauerunt eloquia Dei, et consilium altissimi irritauerunt.

Et humiliatum est in laboribus cor eorum, & infirmati sunt, nec fuit qui adiuuaret.

Et



Et clamauerunt ad DOMINVM cum  
tribularentur, & de necessitatibus eo-  
rum liberauit eos.

Et eduxit eos de tenebris & vmbra mor-  
tis, & vincula eorum dirupit.

Confiteantur DOMINO misericor-  
diæ eius, & mirabilia eius filijs homi-  
num.

Quia contriuit portas æreas, & vectes fer-  
reos confregit.

Suscepit eos de via iniquitatis eorum,  
propter iniustitias enim suas humiliati  
sunt.

Omniem escam abominata est anima eo-  
rum, & appropinquauerunt vsq; ad por-  
tas mortis.

Et clamauerunt ad DOMINVM cum  
tribularentur, & de necessitatibus eo-  
rum liberauit eos.

Misit verbum suum & sanauit eos, &  
eripuit eos de interitionibus eo-  
rum.

Confiteantur DOMINO misericor-  
diæ eius, & mirabilia eius filijs homi-  
num.

Et sacrificent sacrificium laudis, & an-  
nuncient opera eius in exultatio-  
ne.

Qui descendunt Mare in nauibus fa-  
cientes



## PSALTERIUM

cientes operationem in aquis multis.

Ipsi viderunt opera DOMINI, & mirabilia eius in profundo.

Dixit & stetit spiritus procellæ & exaltati sunt fluctus eius.

Ascendunt vsq; ad coelos, & descendunt vsq; ad abyssos, anima eorum in malis tabescebat.

Turbati sunt & moti sunt sicut ebrius, & omnis sapientia eorum deuorata est.

Et clamauerunt ad DOMINUM cum tribularentur, & de necessitatibus eorum eduxit eos.

Et statuit procellam eius in auram, & siluerunt fluctus eius.

Et lætati sunt quia siluerunt, & deduxit eos in portum voluntatis eorum.

Confiteantur DOMINO misericordiae eius, & mirabilia eius filijs hominum.

Et exaltent eum in Ecclesia plebis, & in cathedra seniorum laudent eum.

Posuit flumina in desertum, & exitus aquarum in sitim.

Terram fructiferam in falsuginem, a malitia inhabitantium in ea.

Posuit desertum in stagna aquarum, & terram



terram sine aqua in exitus aquarum.

Et collocavit illic esurientes, & constituerunt ciuitatem habitationis.

Et seminauerunt agros & plantauerunt vineas, & fecerunt fructum natiuitatis.

Et benedixi eis & multiplicati sunt nimis, & iumenta eorum non minorauit.

Et pauci facti sunt, & vexati sunt, a tribulatione malorum & dolore.

Effusa est contentio super principes eorum, & errare fecit eos in inuio & non in via.

Et audiuit pauperem de inopia, & posuit sicut oues familias.

Videbunt recti & lætabuntur, & omnis iniquitas oppilabit os suum.

Quis sapiens & custodiet hæc, & intelliget misericordias DOMINI?

## CVII.

## Canticum Psalmi ipsi Dauid.

**P**aratum cor meum Deus, paratum cor meum, cantabo & psallam in gloria mea,

I §

Exur



## PSALTERIUM

Exurge psalterium & cythara, exurgam  
diluculo.

Confitebor tibi in populis DOMINE,  
& psallam tibi in nationibus.

Quia magna est super coelos misericordia  
tua, & vsq; ad nubes veritas tua.

Exaltare super coelos Deus, & super om-  
nem terram gloria tua, vt liberentur di-  
lecti tui.

Saluum fac dextera tua, & exaudi me,  
Deus locutus est in sancto suo.

Exultabo & diuidam Sichimam, & con-  
uallem tabernaculorum dimetiar.

Meus est Galaad & meus est Ma-  
nasses, & Ephraim fortitudo capitis  
mei.

Iuda rex meus, Moab lebes spei meae.

In Idumaeam extendam calceamentum  
meum, mihi alienigenae amici facti  
sunt.

Quis deducet me in ciuitatem muni-  
tam? Quis deducet me vsque in Idu-  
maeam?

Nonne tu Deus qui repulisti nos? Et  
non exhibis Deus in virtutibus no-  
stris?

Da nobis auxilium de tribulatione, quia  
vana salus hominis.

In



In Deo faciemus virtutem, & ipse ad nihilum deducet inimicos nostros.

## CVIII.

In finem, Psalmus David.

**D**Eus laudem meam ne tacueris, quia os peccatoris & os dolosi super me apertum est.

Locuti sunt aduersum me lingua dolosa, & sermonibus odij circumdederunt me, & expugnauerunt me gratis.

Pro eo vt me diligerent detrahebant mihi, ego autem orabam.

Et posuerunt aduersum me mala pro bonis, & odium pro dilectione mea.

Constituere super eum peccatorem, & diabolus stet a dextris eius.

Cum iudicatur exeat condemnatus, & oratio eius fiat in peccatum.

Fiant dies eius pauci, & Episcopatum eius accipiat alter.

Fiant filij eius orphani, & vxor eius vidua.

Nurantes transferantur filij eius & mendicent, & eijciantur de habitationibus suis.

Scrutetur foenerator omnem substantiam  
I 4 tiam



## PSALTERIUM

clam eius, & diripiant alieni labores eius.

Non sit illi adiutor, nec sit qui misereatur pupillis eius.

Fiant nati eius in interitum, in generatione vna deleatur nomen eius.

In memoriam redeat iniquitas patrum eius in conspectu DOMINI, & peccatum matris eius non deleatur.

Fiant contra DOMINVM semper & dispereat de terra memoria eorum, pro eo quod non est recordatus facere misericordiam.

Et persecutus est hominem inopem & mendicum, & compunctum corde mortificare.

Et dilexit maledictionem & veniet ei, & noluit benedictionem, et elongabitur ab eo.

Et induit maledictionem sicut vestimentum, & intrauit sicut aqua in interiora eius, & sicut oleum in ossibus eius.

Fiat ei sicut vestimento quo operitur, & sicut zona qua semper præcingitur.

Hoc opus eorum qui detrahunt mihi apud DOMINVM, & qui loquuntur mala aduersus animam meam.

Et tu DOMINE, DOMINE. fac mecum.



cum propter nomen tuum, quia suavis  
est misericordia tua.

Libera me quia egenus et pauper ego sum,  
& cor meum conturbatum est intra  
me.

Sicut umbra cum declinat ablatus sum, &  
excussus sum sicut locustæ.

Genua mea infirmata sunt a ieiunio, &  
caro mea immutata est propter ole-  
um.

Et ego factus sum opprobrium illis, vide-  
runt me & mouerunt capita sua.

Adiuua me DOMINE Deus meus, sal-  
uum me fac secundum misericordiam  
tuam.

Et sciant quia manus tua hæc, & tu D O-  
MINE fecisti eam.

Maledicent illi & tu benedices, qui in-  
surgunt in me confundantur, seruus au-  
tem tuus lætabitur.

Induantur qui detrahunt mihi pudore, &  
operiantur sicut diploide confusione  
sua.

Confitebar DOMINO nimis in ore  
meo, & in medio multorum laudabo  
eum.

Quia astitit a dextris pauperis, vt saluam  
faceret a persequentibus animam me-  
am.



PSALTERIUM

CIX.

Psalmus David.

**D**ixit DOMINVS DOMINO  
meo, sede a dextris meis.  
Donec ponam inimicos tuos, sca-  
bellum pedum tuorum.

Virgam virtutis tuæ emittet DOMI-  
NVS ex Sion, dominare in medio ini-  
micorum tuorum.

Tecum principium in die virtutis tuæ, in  
splendoribus sanctorum ex vtero ante  
luciferum genui te.

Iuravit DOMINVS & non pœnitebit  
eum, Tu es sacerdos in æternum secun-  
dum ordinem Melchisedech.

DOMINVS a dextris tuis, confregit in  
die iræ suæ reges.

Iudicabit in nationibus, implebit ruinas,  
conquassabit capita in terra multorum.

De torrente in via bibet, propterea exal-  
tabit caput.

CX.

Alleluia.

**C**onfitebor tibi DOMINE in toto  
corde meo, in consilio iustorum  
& congregatione.

Magna



Magna opera DOMINI, exquisita in  
omnes voluntates eius.

Confessio & magnificentia opus eius, &  
iustitia eius manet in seculum seculi.

Memoriam fecit mirabiliū suorum mise-  
ricors & miserator DOMINVS,  
escam dedit timentibus se.

Memor erit in seculum testamenti sui, vir-  
tutem operum suorum annuntiabit po-  
pulo suo.

Vt det illis hæreditatem gentium, opera  
manuum eius veritas & iudicium.

Fidelia omnia mandata eius, confirmata  
in seculum seculi, facta in veritate &  
æquitate.

Redemptionem misit DOMINVS po-  
pulo suo, mandavit in æternum testa-  
mentum suum.

Sanctum & terribile nomen eius, initium  
sapientiæ timor DOMINI.

Intellectus bonus omnibus facientibus  
eum, laudatio eius manet in seculum se-  
culi.

CXL.

Alleluia.

I 6

Reuer



PSALTERIUM

Halleluia, Reuersionis, Aggæi,  
& Zachariæ,

**B**EATUS VIR QUI TIMET DOMINUM  
in mandatis eius volet nimis.  
Potens in terra erit semen eius, &  
generatio rectorum benedicetur.  
Gloriæ & diuitiæ in domo eius, iustitia  
eius manet in seculum seculi.  
Exortum est in tenebris lumen rectis, mi-  
sericors & miserator & iustus.  
Iucundus homo qui miseretur & commo-  
dat, disponet sermones suos in iudicio,  
quia in æternum non commouebitur.  
In memoria æterna erit iustus, ab auditio-  
ne mala non timebit.  
Paratum cor eius sperare in DOMINO,  
confirmatum est cor eius, non commo-  
uebitur, donec despiciat inimicos su-  
os.  
Dispersit, dedit pauperibus, iusticia eius  
manet in seculum seculi, cornu eius ex-  
altabitur in gloria.  
Peccator videbit & irascetur, dentibus  
suis fremet & tabescet, desiderium pec-  
catorum peribit.

CXII.

Alle



## Alleluia.

**L**AVdate pueri DOMINVM, lau-  
date nomen DOMINI.

Sit nomen DOMINI benedictum  
ex hoc nunc & vsq; in seculum.

A solis ortu vsq; ad occasum, laudabile  
nomen DOMINI.

Excelsus super omnes gentes DOMI-  
NVS, & super coelos gloria eius.

Quis sicut DOMINVS Deus noster qui  
in altis habitat, & humilia respicit in  
coelo & in terra?

Suscitans a terra inopem, & de stercore  
erigens pauperem.

Vt collocet eum cum principibus, cum  
principibus populi sui.

Qui habitare facit sterilem in domo, ma-  
trem filiorum lætantem.

## CXIII.

## Alleluia.

**I**N exitu Israel de Ægypto, domus Ia-  
cob de populo barbaro.

Facta est Iudæa sanctificatio eius, Isra-  
el potestas eius.

Mare vidit & fugit, Iordanis conuersus  
est retrorsum.



## PSALTERIUM

Montes exultauerunt vt arietes, & colles  
sicut agni ouium.

Quid est tibi Mare quod fugisti, & tu  
Iordanis, quia conuersus es retror-  
sum.

Montes exultastis sicut arietes, & colles  
sicut agni ouium.

A facie DOMINI mota est terra, a facie  
Dei Iacob.

Qui conuertit petram in stagna aquarum,  
& rupem in fontes aquarum.

Non nobis DOMINE non nobis, sed no-  
mini tuo da gloriam.

Super misericordia tua & veritate tua, ne  
quando dicant gentes, vbi est Deus eo-  
rum?

Deus autem noster in caelo, omnia quae-  
cunq; voluit fecit.

Simulachra gentium argentum & aurum,  
opera manuum hominum.

Os habent & non loquentur, oculos ha-  
bent & non videbunt.

Aures habent & non audient, nares ha-  
bent & non odorabunt.

Manus habent & non palpabunt, pedes  
habent, & non ambulabunt, non cla-  
mabunt in gutture suo.

Similes illis fiant qui faciunt ea, & omnes  
qui confidunt in eis.

Domus



Domus Israel speravit in DOMINO,  
adiutor eorum & protector eorum  
est.

Domus Aaron speravit in DOMINO,  
adiutor eorum & protector eorum  
est.

Qui timent DOMINVM sperauerunt in  
DOMINO, adiutor eorum & pro-  
tector eorum est.

DOMINVS memor fuit nostri, & be-  
nedixit nobis.

Benedixit domui Israel, benedixit domui  
Aaron,

Benedixit omnibus qui timent DOMI-  
NVM, pusillis cum maioribus.

Adjiciat DOMINVS super vos, super  
vos & super filios vestros.

Benedictis vos a DOMINO, qui fecit  
coelum & terram.

Coelum coeli DOMINO, terram autem  
dedit filiis hominum.

Non mortui laudabunt te DOMINE,  
neque omnes qui descendunt in infer-  
num.

Sed nos qui viuimus benedicimus DO-  
MINO, ex hoc nunc & vsq; in secu-  
lum.

CXIII.

Alle



PSALTERIUM

Alleluia.

**D**ilexi quoniam exaudiet **DOMI-**  
**NVS** vocem orationis meae.

Quia inclinavit aurem suam mihi,  
& in diebus meis invocabo.

Circumdederunt me dolores mortis, &  
pericula inferni inuenerunt me.

Tribulationem & dolorem inueni, & no-  
men **DOMINI** inuocaui.

**DOMINE** libera animam meam,  
misericors **DOMINVS** & iustus, &  
Deus noster miseretur.

Custodiens paruulos **DOMINVS**, hu-  
miliatus sum & liberauit me.

Conuertere anima mea in requiem tuam,  
quia **DOMINVS** benefecit tibi.

Quia eripuit animam meam de morte,  
oculos meos a lachrymis, pedes meos a  
lapsu.

Placebo **DOMINO**, in regione uiuo-  
rum.

CXV.

Alleluia.

**C**redidi propter quod locutus sum,  
ego autem humiliatus sum nimis.  
Ego



Ego dixi in excessu meo, omnis homo mendax.

Quid retribuam DOMINO, pro omnibus quæ retribuit mihi?

Calicem salutaris accipiam, & nomen DOMINI inuocabo.

Vota mea DOMINO reddam coram omni populo eius, preciosa in conspectu DOMINI mors sanctorum eius.

O DOMINE quia ego seruus tuus, ego seruus tuus & filius ancillæ tuæ.

Dirupisti vincula mea, tibi sacrificabo hostiam laudis, & nomen DOMINI inuocabo.

Vota mea DOMINO reddam in conspectu omnis populi eius, in atrijs domus DOMINI, in medio tui Hierusalem.

## CXVI.

## Alleluia.

**L**Audate DOMINVM omnes gentes, laudate eum omnes populi.

Quoniam confirmata est super nos misericordia eius & veritas DOMINI manet in æternum.

Alle



PSALTERIUM

CXVII.

Alleluia.

**C**onfitemini DOMINO quoniam  
bonus, quoniam in seculum mise-  
ricordia eius.

Dicat nunc Israel, quoniam bonus, quo-  
niam in seculum misericordia eius.

Dicat nunc domus Aaron, quoniam in  
seculum misericordia eius.

Dicant nunc qui timent DOMINUM,  
quoniam in seculum misericordia eius.

De tribulatione inuocaui DOMINUM,  
& exaudiuit me in latitudine DOMI-  
NVS.

DOMINVS mihi adiutor, non timeo  
bo quid faciat mihi homo.

DOMINVS mihi adiutor, & ego de-  
spiciam inimicos meos.

Bonum est confidere in DOMINO,  
quam confidere in homine.

Bonum est sperare in DOMINO, quam  
sperare in principibus.

Omnes gentes circuierunt me, & in no-  
mine DOMINI quia vltus sum in  
eos.

Circumdantes circumdederunt me, &  
in



In nomine DOMINI quia ultus sum  
in eos.

Circumdederunt me sicut apes, & exar-  
serunt sicut ignis in spinis, & in nomi-  
ne DOMINI, quia ultus sum in  
eos.

Impulsus euerfus sum vt caderem, & DO-  
MINVS suscepit me.

Fortitudo mea & laus mea DOMINVS,  
& factus est mihi in salutem.

Vox exultationis & salutis in tabernacu-  
lis iustorum.

Dextera DOMINI fecit virtutem, dexte-  
ra DOMINI exaltauit me, dextera  
DOMINI fecit virtutem.

Non moriar sed viuam, & narrabo opera  
DOMINI.

Castigans castigauit me DOMINVS,  
& morti non tradidit me.

Aperite mihi portas iustitiæ, ingressus  
in eas confitebor DOMINO, hæc  
porta DOMINI, iusti intrabunt in  
eam.

Confitebor tibi, quoniam exaudisti me,  
& factus es mihi in salutem.

Lapidem quem reprobauerunt ædifican-  
tes, hic factus est in caput anguli.

A DOMINO factum est istud, & est  
mirabile in oculis nostris.

Hæc



PSALTERIVM

Hæc est dies quam fecit DOMINVS,  
exultemus & lætemur in ea.

O DOMINE saluum me fac, O DO-  
MINE bene prosperare, Benedictus  
qui venit in nomine DOMINI.

Benediximus vobis de domo DOMI-  
NI, Deus DOMINVS, & illuxit  
nobis.

Constituite diem solennem in condensis,  
vsq; ad cornu altaris.

Deus meus es tu, & confitebor tibi, Deus  
meus es tu, & exaltabo te.

Confitebor tibi, quoniam exaudisti me,  
& factus es mihi in salutem.

Confitemini DOMINO, quoniam bo-  
nus, quoniam in seculum misericordia  
eius.

CXVIII.

Alleluia. Aleph.

**B**Eati immaculati in via, quiambu-  
lant in lege DOMINI.

Beati qui scrutantur testimonia  
eius, in toto corde exquirunt eum.

Non enim qui operantur iniquitatem, in  
vjs eius ambulauerunt.

Tu mandasti mandata tua custodiri ni-  
mis.

Vti



Vtinam dirigantur. viæ meæ, ad custodi-  
endas iustificationes tuas.

Tunc non confundar, cum perspexero in  
omnibus mandatis tuis.

Confitebor tibi in directione cordis, in  
eo quod didici iudicia iustitiæ tuæ.

Iustificationes tuas custodiam, non me de-  
relinquas viquequaquæ.

## Beth.

**I**N quo corrigit adulescentior viam su-  
am, in custodiendo sermones tu-  
os.

In corde meo exquisiui te, ne repellas me  
mandatis tuis.

In corde meo abscondi eloquia tua, vt non  
peccem tibi.

Benedictus es DOMINE, doce me iusti-  
ficationes tuas.

In labijs meis, pronunciaui omnia iudi-  
cia oris tui.

In via testimoniorum tuorum delectatus  
sum, sicut in omnibus diuitijs.

In mandatis tuis exercebor, & considera-  
bo vias tuas.

In iustificationibus tuis meditabor, non  
obliuiscar sermones tuos.

Ginck.



PSALTERIUM

Gimel.

**R**etribue seruo tuo, viuifica me, & custodiam sermones tuos.

**R**euela oculos meos, & considerabo mirabilia de lege tua.

Incola ego sum in terra, non abscondas a me mandata tua.

Concupiuit anima mea desiderare iustificationes tuas in omni tempore.

Increpasti superbos, maledicti qui declinant a mandatis tuis.

Aufer a me opprobrium & contemptum, quia testimonia tua exquisiui.

Etenim sederunt principes & aduersum me loquebantur, seruus autem tuus exercebatur in iustificationibus tuis.

Nam & testimonia tua meditatio mea est, & consilium meum iustificationes tuæ.

Daleth.

**A**dhæsit pavimento anima mea, viuifica me secundum verbum tuum.

Vias meas enunciaui & exaudisti me, doce me iustificationes tuas.

Viam iustificationum tuarum instrue me.



me, & exercebor in mirabilibus tuis.  
 Dormitauit anima mea præ tædio, con-  
 firma me in verbis tuis.

Viam iniquitatis amoue a me, & de lege  
 tua miserere mei.

Viam veritatis elegi, iudicia tua non sum  
 oblitus.

Adhæsi testimonijs tuis DOMINE, noli  
 me confundere.

Viam mandatorum tuorum cucurri, cum  
 dilatasti cor meum.

## Heth.

**L**Egem pone mihi DOMINE viam  
 iustificationum tuarum, et exqui-  
 ram eam semper.

Da mihi intellectum & scrutabor legem  
 tuam, & custodiam illam in toto corde  
 meo.

Deduc me in semita mandatorum tuo-  
 rum, quia ipsam volui.

Inclina cor meum in testimonia tua, &  
 non in auariciam.

Auerte oculos meos ne videant vanita-  
 tem, in via tua viuifica me.

Statue seruo tuo eloquium tuum, in timo-  
 re tuo.

Amputa opprobrium meum quod  
 suscipie



## PSALTERIUM

susplicatus sum, quia iudicia tua iucunda.

Ecce concupiui mandata tua, in æquitate tua viuifica me.

Vau.

**E**T veniat super me misericordia tua DOMINE, salutare tuum secundum eloquium tuum.

Et respondebo exprobrantibus mihi verbum, quia speravi in sermonibus tuis.

Et ne auferes de ore tuo verbum veritatis vsquequaq̃, quia in iudicijs tuis super speravi.

Et custodiam legem tuam semper, in seculum, & in seculum seculi.

Et ambulabam in latitudine, quia mandata tua exquisiui.

Et loquebar in testimonijs tuis in conspectu regum, & non confundebar.

Et meditabar in mandatis tuis, quæ dilexi.

Et leuaui manus meas ad mandata tua quæ dilexi, & exercebor in iustificationibus tuis.

Zain.

Me



**M**emor esto verbi tui seruo tuo, in  
quo mihi spem dedisti.

**H**æc me consolata est in humili-  
tate mea, quia eloquium tuum viuifica-  
uit me,

Superbi inique agebant vsquequaq̃, a le-  
ge autem tua non declinaui.

Memor fui iudiciorum tuorum a seculo  
DOMINE, & consolatus sum.

Defectio tenuit me, pro peccatoribus de-  
relinquentibus legem tuam.

Cantabiles mihi erant iustificationes tuæ,  
in loco peregrinationis meæ.

Memor fui nocte nominis tui DOMINE,  
Et custodiui legem tuam.

Hæc facta est mihi, quia iustificationes tu-  
as exquisiui.

## Heth.

**P**ortio mea DOMINE, dixi custodi-  
re legem tuam.

Deprecatus sum faciem tuam in to-  
to corde meo, miserere mei secundum  
eloquium tuum.

Cogitauī vias meas, & conuertī pedes  
meos in testimonia tua.

Paratus sum & non sum turbatus, vt cu-  
stodiam mandata tua.

K

Funes



## PSALTERIUM

Funes peccatorum circumplexi sunt me,  
& legem tuam non sum oblitus.

Media nocte surgebam ad confiten-  
dum tibi, super iudicia iustificationis  
tuæ.

Particeps ego sum omnium timentiu-  
um te, & custodientium mandata  
tua.

Misericordia tua DOMINE plena est  
terra, iustificationes tuas doce me.

Theth.

**B**onitatem fecisti cum seruo tuo  
DOMINE, secundum verbum  
tuum.

Bonitatem & disciplinam & scienti-  
am doce me, quia mandatis tuis credi-  
di.

Priusquam humiliarer ego deliqui, Pro-  
pterea eloquium tuum custodiui.

Bonus es tu, & in bonitate tua doce me  
iustificationes tuas.

Multiplicata est super me iniquitas super-  
borum, ego autem in toto corde meo  
scrutabor mandata tua.

Coagulatum est sicut lac cor eorum, ego  
vero legem tuam meditatus sum.

Bonum.



Bonum mihi quia humiliasti me, vt discam iustificationes tuas.

Bonum mihi lex oris tui super millia auri & argenti.

Ioth,

**M**ANUS tuæ fecerunt me, & plasmauerunt me, da mihi intellectum vt discam mandata tua.

Qui timent te, videbunt me & lætabuntur, quia in verba tua supersperaui.

Cognoui DOMINE quia æquitas iudicia tua, & in veritate tua humiliasti me.

Fiat misericordia tua vt consoletur me, secundum eloquium tuum seruo tuo.

Veniant mihi miserationes tuæ & viuum, quia lex tua meditatio mea est.

Confundantur superbi quia iniuste iniquitatem fecerunt in me, ego autem exercebor in mandatis tuis.

Conuertantur mihi timentes te, & qui nouerunt testimoniis tua.

Fiat cor meum immaculatum in iustificationibus tuis, vt non confundar.



# PSALTERIUM

Caph.

**D**efecit in salutare tuum anima mea,  
& in verbum tuum super spera-  
ui.

Defecerunt oculi mei in eloquium tuum,  
dicentes, quando consolaberis me?

Quia factus sum sicut vter in pruina, iusti-  
ficationes tuas non sum oblitus.

Quot sunt dies serui tui, quando facies de  
persequentibus me iudicium?

Narrauerunt mihi iniqui fabulationes, sed  
non vt lex tua.

Omnia mandata tua veritas, iniqui perse-  
cuti sunt me, adiuua me.

Paulo minus consummauerunt me in ter-  
ra, ego autem non dereliqui mandata  
tua.

Secundum misericordiam tuam viuifica  
me, & custodiam testimonia oris tui.

Lamech.

**I**N æternum DOMINE verbum tuum  
permanet in coelo.

In generatione & generationem ve-  
ritas tua, fundasti terram & perma-  
net.

Ordina



Ordinatione tua perseuerat dies, quoniam  
omnia seruiunt tibi.

Nisi quod lex tua meditatio mea est, tunc  
forte periissem in humilitate mea.

In æternum non obliuiscar iustificationes  
tuas, quia in ipsis uiuificasti me.

Tuus sum ego, saluum me fac, quoniam  
iustificationes tuas exquisiui.

Me expectauerunt peccatores, ut perde-  
rent me, testimonia tua intellexi.

Omnis consummationis vidi finem, latum  
mandatum tuum nimis.

## Mem.

**Q**uomodo dilexi legem tuam DO-  
MINE, tota die meditatio mea  
est.

Super inimicos meos prudentem me fe-  
cisti mandato tuo, quia in æternum mi-  
hi est.

Super omnes docentes me intellexi, quia  
testimonia tua meditatio mea est.

Super senes intellexi, quia mandata tua  
quæsiui.

Ab omni via mala prohibui pedes meos,  
ut custodiam verba tua.

A iudicijs tuis non declinaui, quia tu le-  
gem docuisti mihi.

K 3

Quam



## PSALTERIUM

Quam dulcía faucibus meis eloquia tua,  
super mel ori meo.

A mandatis tuis intellexi, propterea odi  
ui omnem viam iniquitatis.

Nun.

**L** Verna pedibus meis verbum tuum,  
& lumen semitis meis.

**I**uravi & statui custodire iudicia iusticiæ tuæ.

Humiliatus sum vsquequaq; DOMINE,  
viuifica me secundum verbum tuum.

Voluntaria oris mei beneplacita fac  
DOMINE, & iudicia tua doce me.

Anima mea in manibus meis semper, &  
legem tuam non sum oblitus.

Posuerunt peccatores laqueum mihi, &  
de mandatis tuis non erravi.

Hereditate acquisiui testimonia tua in  
æternum, quia exultatio cordis mei  
sunt.

Inclinaui cor meum ad faciendas iustifi-  
cationes tuas in æternum, propter re-  
tributionem.

Samech,

**L** Niquos odio habui, & legem tuam  
dilexi.

Adiutor



Adiutor & susceptor meus es tu, & in  
verbum tuum supersperaui.

Declinate a me maligni, & scrutabor  
mandata Dei mei.

Suscipe me secundum eloquium tuum &  
viuam, & non confundas me ab expe-  
ctatione mea.

Adiuua me & saluus ero, & meditabor in  
iustificationibus tuis semper.

Spreuisti omnes discedentes a iudicijs tu-  
is, quia iniusta cogitatio eorum est.

Præuaricantes reputaui omnes pecca-  
tores terræ, ideo dilexi testimonia  
tua.

Confige timore tuo carnes meas, a iudi-  
cijs enim tuis timui.

## Ain.

**F**eci iudicium & iusticiam, non tra-  
das me calumniantibus me.

Suscipe seruum tuum in bonum,  
non calumnientur me superbi.

Oculi mei defecerunt in salutare tuum, &  
in eloquium iusticiæ tuæ.

Fac cum seruo tuo secundum misericor-  
diam tuam, & iustificationes tuas do-  
ce me.



## PSALTERIUM

Seruus tuus sum ego, da mihi intellectum,  
vt sciam testimonia tua.

Tempus faciendi DOMINE, dissipauerunt legem tuam.

Ideo dilexi mandata tua, super aurum & topazion.

Propterea ad omnia mandata tua dirigebar, omnem viam iniquam odio habui.

Phe.

**M**irabilia testimonia tua DOMINE, ideo scrutata est ea anima mea.

Declaratio sermonum tuorum illuminat, & intellectum dat paruulis.

Os meum aperui, & attraxi spiritum, quia mandata tua desiderabam.

Aspice in me & miserere mei, secundum iudicium diligentium nomen tuum.

Gressus meos dirige secundum eloquium tuum, & non dominetur mei omnis iniustitia.

Redime me a calumnijs hominum, vt custodiam mandata tua.

Faciem tuam illumina super seruum tuum, & doce me iustificationes tuas.

Exitus



Exitus aquarum deduxerunt oculi mei,  
quia non custodierunt legem tuam.

## Sade.

**I**ustus es DOMINE, & rectum iudicium tuum.

Mandasti iustitiam, testimonia tua, & veritatem tuam nimis.

Tabescere me fecit zelus meus, quia oblitia sunt verba tua inimici mei.

Ignitum eloquium tuum vehementer, & seruus tuus dilexit illud.

Adolescentulus sum ego & contemptus, iustificationes tuas non sum oblitus.

Iustitia tua iustitia in æternum, & lex tua veritas.

Tribulatio & angustia inuenerunt me, mandata tua meditatio mea est.

Æquitas testimonia tua in æternum, intellectum da mihi & viam.

## Kuph.

**C**lamaui in toto corde meo, exaudi me DOMINE, iustificationes tuas requiram.

Clamaui ad te, saluum me fac, vt custodiam mandata tua.



## PSALTERIUM

Præueni in maturitate & clamaui, quia  
in verba tua supersperaui.

Præuenerunt oculi mei ad te diluculo, ut  
meditarer eloquia tua.

Vocem meam audi secundum misericor-  
diam tuam DOMINE, & secundum  
iudicium tuum viuifica me.

Appropinquauerunt persequentes me  
inique, a lege autem tua longe facti  
sunt.

Prope es tu DOMINE, & omnes viæ  
tuæ veritas.

Initio cognoui de testimonijs tuis, quia  
in æternum fundasti ea.

### Res.

**V**ide humilitatem meam & eripe  
me, quia legem tuam non sum  
oblitus.

Iudica iudicium meum, & redime me,  
propter eloquium tuum viuifica me.

Longe a peccatoribus salus, quia iustifi-  
cationes tuas non exquisierunt.

Misericordiæ tuæ multæ DOMINE, se-  
cundum iudicium tuum viuifica me.

Multi qui persequuntur me & tribulant  
me, a testimonijs tuis non declinaui.

Vidi.



Vidi præuaricantes & tabescebam, quia  
eloquia tua non custodierunt.

Vidi quoniam mandata tua dilexi DO-  
MINE, in misericordia tua viuifica  
me.

Principium verborum tuorum veritas, in  
æternam omnia iudicia iustitiæ tuæ.

## Schin.

**P** Rincipes persecuti sunt me gratis, &  
a verbis tuis formidauit cor me-  
um.

Lætabor ego super eloquia tua, sicut qui  
inuenit spolia multa.

Iniquitatem odio habui & abominatus  
sum, legem autem tuam dilexi.

Septies in die laudem dixi tibi, super iu-  
dicium iustitiæ tuæ.

Pax multa diligentibus legem tuam, &  
non est illis scandalum.

Expectabam salutare tuum DOMINE,  
& mandata tua dilexi.

Custodiuit anima mea testimonia tua, &  
dilexit ea vehementer.

Seruauit mandata tua & testimonia tua,  
quia omnes viæ meæ in conspectu  
tuo.



# PSALTERIUM

Thau.

**A** Propinquet deprecatio mea in  
conspetu tuo DOMINE, iuxta  
eloquium tuum da mihi intel-  
lectum.

Intret postulatio mea in conspectu tuo,  
secundum eloquium tuum eripe me.

Eructabunt labia mea hymnum cum do-  
cueris me iustificationes tuas.

Pronunciabit lingua mea eloquium tuum,  
quia omnia mandata tua æquitas.

Fiat manus tua vt saluet me, quoniam  
mandata tua elegi.

Concupiui salutare tuum DOMINE,  
& lex tua meditatio mea est.

Viuet anima mea & laudabit te, & iudi-  
cia tua adiuuabunt me.

Erraui sicut ouis quæ perijt, quære ser-  
uum tuum DOMINE, quia manda-  
ta tua non sum oblitus.

CXIX.

Canticum graduum.

**A**D DOMINUM cum tribularer  
clamaui, & exaudiuit me.  
DOMINE libera animam me-  
am



am a labijs iniquis, & a lingua dolo-  
sa.

Quid detur tibi aut quid apponatur tibi,  
ad linguam dolosam?

Sagittæ potentis acutæ, cum carbonibus  
desolatorijs.

Hei mihi quia incolatus meus prolonga-  
tus est, habitavi cum habitantibus Ce-  
dar, multum incola fuit anima mea.

Cum his qui oderunt pacem eram pacifi-  
cus, cum loquebar illis impugnabant  
me gratis.

CXX. CXX

Canticum graduum.

**L**euavi oculos meos in montes, vnde  
veniet auxilium mihi.

**L**Auxilium meum a DOMINO, qui  
fecit coelum & terram.

Non det in commotionem pedem tuum,  
neq; dormitet qui custodit te.

Ecce non dormitabit neq; dormiet, qui  
custodit Israel.

DOMINVS custodit te, DOMINVS  
protectio tua super manum dexteram  
tuam.



## PSALTERIUM

Per diem Sol non uret te, neque Luna per  
noctem.

DOMINVS custodit te ab omni malo,  
custodiat animam tuam DOMINVS.

DOMINVS custodiat introitum tuum  
& exitum tuum, ex hoc nunc & usque in  
seculum.

### CXXI.

#### Canticum graduum.

**L**ætatus sum in his quæ dicta sunt  
mihi, in domum DOMINI ibi-  
mus.

Stantes erant pedes nostri, in atrijs tuis  
Hierusalem.

Hierusalem quæ ædificatur vt, ciuitas, cu-  
ius participatio eius in idipsum.

Illuc enim ascenderunt tribus, tribus DO-  
MINI testimonium Israel, ad confiten-  
dum nomini DOMINI.

Quia illic sederunt sedes in iudicio, sedes  
super domum Dauid.

Rogate quæ ad pacem sunt Hierusalem,  
& abundantia diligentibus te.

Fiat pax in virtute tua & abundantia in  
turribus tuis.

Propter fratres meos & proximos meos,  
loquebar pacem de te.

Prop



Propter nomen DOMINI Dei nostri,  
quæsiui bona tibi.

## CXXII.

## Canticum graduum.

**A**D te leuaui oculos meos, qui ha-  
bitas in caelis.  
Ecce sicut oculi seruorum, in mani-  
bus dominorum suorum.

Sicut oculi ancillæ in manibus Dominae  
suae, ita oculi nostri ad DOMINVM  
Deum nostrum, donec misereatur no-  
stri.

Miserere nostri DOMINE miserere no-  
stri, quia multum repleti sumus despectio-  
ne.

Quia multum repleta est anima nostra,  
opprobrium abundantibus, & despe-  
ctio superbis.

## CXXIII.

## Canticum graduum.

**N**isi quia DOMINVS erat in no-  
bis, dicat nunc Israel, Nisi quia  
DOMINVS erat in nobis.

Cum exurgerent homines in nos, forte vi-  
ues deglutissent nos.

Cum



## PSALTERIUM

Cum irascetur furor eorum in nos, forsitan  
aqua absorbuisset nos.

Torrentem pertransiuit anima nostra, for-  
sitan pertransisset anima nostra aquam  
intollerabilem.

Benedictus DOMINVS qui non dedit  
nos in captionem dentibus eorum.

Anima nostra sicut passer erepta est, de  
laqueo venantium.

Laqueus contritus est, & nos liberati su-  
mus.

Adiutorium nostrum in nomine DO-  
MINI, qui fecit coelum & terram.

### CXXIII.

#### Canticum graduum.

**Q**ui confidunt in DOMINO sicut  
mons Sion, non commouebi-  
tur in æternum, qui habitat in  
Hierusalem.

Montes in circuitu eius, & DOMINVS  
in circuitu populi sui, ex hoc nunc &  
vsq; in seculum.

Quia non relinquet DOMINVS vir-  
gam peccatorum super sortem iusto-  
rum, vt non extendant iusti ad iniqui-  
tatem manus suas.

Bene,



Benefac DOMINE, bonis & rectis corde.

Declinantes autem in obligationes adducet DOMINVS cum operantibus: iniquitatem, Pax super Israel.

## CXXV.

## Canticum graduum.

**I**N conuertendo DOMINVS captiuitatem Sion, facti sumus sicut consolati.

Tunc repletum est gaudio os nostrum, & lingua nostra exultatione.

Tunc dicent inter gentes, magnificauit DOMINVS facere cum eis.

Magnificauit DOMINVS facere nobiscum, facti sumus lætantes.

Conuerte DOMINE captiuitatem nostram, sicut torrens in austro.

Qui seminant in lachrymis, in exultatione metent.

Euntes ibant & flebant, mittentes semina sua.

Venientes autem venient cum exultatione, portantes manipulos suos.

## CXXVI.

Canti.



PSALTERIUM  
Canticum graduum  
Salomonis.

**N**isi DOMINVS ædificauerit  
domum, inuanum laborauerunt  
qui ædificant eam.

Nisi DOMINVS custodierit ciuitatem,  
frustra uigilat qui custodit eam.

Vanum est uobis ante lucem surgere, sur-  
gite postquam sederitis qui manduca-  
tis panem doloris.

Cum dederit dilectis suis somnum, ecce  
hæreditas DOMINI, filij merces  
fructus ventris.

Sicut sagittæ in manu potentis, ita filij  
excussorum.

Beatus uir qui impleuit desiderium suum  
ex ipsis, non confundetur cum loquetur  
inimicis suis in porta.

CXXVII.  
Canticum graduum.

**B**Eati omnes qui timent DOMI-  
NVM, qui ambulant in uis eius.  
Labores manuum tuarum quia  
manducabis, beatus es & bene tibi  
erit.

Uxor tua sicut uitis abundans, in lateri-  
bus domus tuæ.

Filij



Filij tui sicut nouellæ oliuarum, in circui-  
tu mensæ tuæ.

Ecce sic benedicetur homo, qui timet  
DOMINVM.

Benedicat tibi DOMINVS ex Sion,  
& videas bona Hierusalem omnibus  
diebus vitæ tuæ.

Et videas filios filiorum tuorum, pacem  
super Israel.

## CXXVIII.

## Canticum graduum.

**S**æpe expugnauerunt me a iuuentute  
mea, dicat nunc Israel.

**S**æpe expugnauerunt me a iuuentute  
mea, etenim non potuerunt mihi.

Supra dorsum meum fabricauerunt pec-  
catores, prolongauerunt iniquitatem  
suam.

DOMINVS iustus concidet ceruices  
peccatorum, confundantur & conuer-  
tantur retrorsum omnes qui oderunt  
Sion.

Fiant sicut foenum tectorum, quod prius  
quam euellatur, exaruit.

De quo non impleuit manum suam qui  
metit, & sinum suum qui manipulos  
colligit.

Et



PSALTERIUM

Et non dixerunt qui præteribant, benedictio DOMINI super vos, benediximus vobis in nomine DOMINI.

CXXIX.

Canticum graduum.

**D**E profundis clamaui ad te DOMINE, DOMINE exaudi vocem meam.

Fiant aures tuæ intendentes, in vocem deprecationis meæ.

Si iniquitates obseruaueris DOMINE, DOMINE quis sustinebit?

Quia apud te propitiatio est, & propter legem tuam sustinui te DOMINE.

Sustinuit anima mea in verbo eius, sperauit anima mea in DOMINO.

A custodia matutina usque ad noctem, speret Israel in DOMINO.

Quia apud DOMINUM misericordia, & copiosa apud eum redemptio.

Et ipse redimet Israel ex omnibus iniquitatibus eius.

CXXX.

Canticum graduum.

DOMI



**D**OMINE non est exaltatum cor  
meum, neq; elati sunt oculi mei.  
Neq; ambulauit in magnis neq; in  
mirabilibus super me.  
Si non humiliter sentiebam, sed exaltaui  
animam meam.  
Sicut ablactatus est super matre sua, ita  
retributio in anima mea.  
Speret Israel in DOMINO, ex hoc nunc  
& vsq; in seculum.

## CXXXI.

## Canticum graduum.

**M**emento DOMINE, Dauid, &  
omnis mansuetudinis eius.  
Sicut iurauit DOMINO, votum  
voui Deo Iacob.  
Si introiero in tabernaculum domus meæ,  
si ascendero in lectum strati mei.  
Si dederò somnum oculis meis, & pal-  
pebris meis dormitationem.  
Et requiem temporibus meis, donec in-  
ueniam locum DOMINO, taberna-  
culum Deo Iacob.  
Ecce audiuius eam in Ephrata, inueni-  
mus eam in campis syluæ.

Introi



## PSALTERIUM

Introibimus in tabernaculum eius, adorabimus in loco ubi steterunt pedes eius.

Surge **DOMINE** in requiem tuam, tu & arca sanctificationis tuæ.

Sacerdotes tui induantur iustitia, & sancti tui exultent.

Propter David seruum tuum, non auertas faciem Christi tui.

Iuravit **DOMINVS** David veritatem & non frustrabitur eum, de fructu ventris tui ponam super sedem tuam.

Si custodierint filij tui testamentum meum, & testimonia mea hæc hæc docebo eos.

Et filij eorum usque in seculum, sedebunt super sedem tuam.

Quoniam elegit **DOMINVS** Sion, elegit eam in habitationem sibi.

Hæc requies mea in seculum seculi, hic habitabo quoniam elegi eam.

Viduam eius benedicens benedicam, pauperes eius saturabo panibus.

Sacerdotes eius induam salutari, & sancti eius exultatione exultabunt.

Huc producam cornu David, paravi lucernam Christo meo.

Inimicos eius induam confusione, super ipsum autem efflorescit sanctificatio mea.

Can.



DAVIDIS.

120

CXXXII.

Canticum graduum.

**E**cce quam bonum & quam iucundum habitare fratres in vnum.  
Sicut unguentum in capite, quod descendit in barbam, barbam Aaron.  
Quod descendit in oram vestimenti eius, sicut ros Hermon qui descendit in montem Sion.  
Quoniam illic mandavit **DOMINVS** benedictionem, & vitam vsq; in seculum.

CXXXIII.

Canticum graduum.

**E**cce nunc benedicite **DOMINO**, omnes serui **DOMINI**.  
Qui statis in domo **DOMINI**, in atrijs domus Dei nostri.  
In noctibus extollite manus vestras in sancta, & benedicite **DOMINO**.  
Benedicite **DOMINVS** ex Sion, qui fecit coelum & terram.

CXXXIII.

Alle



PSALTERIUM

Alleluia,

**L**audate nomen DOMINI, laudate  
serui DOMINVM.

**L**Qui statis in domo DOMINI, in  
atrijs domus Dei nostri.

Laudate DOMINVM, quia bonus  
DOMINVS, psallite nomini eius,  
quoniam suaue est.

Quoniam Iacob elegit sibi DOMINVS  
Israel in possessionem sibi.

Quia ego cognoui quod magnus est DO-  
MINVS, & Deus noster præ omnibus  
dijs.

Omnia quæcunq; voluit DOMINVS  
fecit in cælo & in terra, in Mari & in  
omnibus abyssis.

Educens nobis ab extremo terræ, & ful-  
gura in pluuiam fecit.

Qui producit ventos de thesauris suis, qui  
percussit primogenita Ægypti ab ho-  
mine vsq; ad pecus.

Emisit signa & prodigia in medio tui  
Ægypte, in Pharaonem & in omnes  
seruos eius.

Qui percussit gentes multas, & occidit re-  
ges fortes.

Seon regem Amorrhæorum, & Og regem  
Basan & omnia regna Chanaan.

Et



DAVIDIS.

121

Et dedit terram eorum hæreditatem, hæ-  
reditatem Israel populo tuo.

DOMINE nomen tuum in æternum,  
DOMINE memoriale tuum in ge-  
neratione & generationem.

Quia iudicabit DOMINVS populum  
suum, & in seruis suis deprecabitur.

Simulachra gentium argentum & au-  
rum, opera manuum hominum.

Os habent & non loquentur, oculos ha-  
bent & non videbunt.

Aures habent & non audient, neq; enim  
est spiritus in ore ipsorum.

Similes illis fiant qui faciunt ea, & om-  
nes qui confidunt in eis.

Domus Israel benedicite DOMINO,  
domus Aaron benedicite DOMINO.

Domus Leui benedicite DOMINO,  
qui timetis DOMINVM benedi-  
cite DOMINO.

Benedictus DOMINVS ex Sion, qui ha-  
bitat in Hierusalem.

CXXXV.

Alleluia.

CONFITEMINI DOMINO quoniam  
bonus, quoniam in seculum mi-  
sericordia eius.

L

Confite



PSALTERIUM

157  
Confitemini Deo Deorum, quoniam.  
Confitemini DOMINO Dominorum,  
quoniam.

Qui fecit mirabilia magna solus, quoniam.

Qui fecit coelos in intellectu, quoniam.

Qui firmavit terram super aquas, quoniam.

Qui fecit Luminaria magna, quoniam.

Solem in potestatem diei, quoniam in æternum misericordia eius.

Lunam & stellas in potestatem noctis, quoniam.

Qui percussit Ægyptum cum primogenitis eorum, quoniam.

Qui eduxit Israel de medio eorum, quoniam.

In manu potenti & brachio excelso, quoniam.

Qui diuisit mare rubrum in diuisiones, quoniam in æternum misericordia eius.

Et eduxit Israel per medium eius, quoniam.

Et excussit Pharaonem & virtutem eius in mari rubro, quoniam.

Qui traduxit populum suum per desertum, quoniam in seculum misericordia eius.

Qui



Qui percussit reges magnos, quoniam.  
 Et occidit reges fortes, quoniam.  
 Seon regem Amorrhæorum, quoniam.  
 Et Og regem Basan, quoniam.  
 Et dedit terram eorum hæreditatem, quo-  
 niam.

Hæreditatem Israel seruo tuo, quoniam.  
 Quia in humilitate nostra memor fuit no-  
 stri, quoniam in seculum misericordia  
 eius.

Et redemit nos ab inimicis nostris, quo-  
 niam.

Qui dat escam omni carni, quoniam.

Confitemini Deo cæli, quoniam.

Confitemini D O M I N O dominorum,  
 quoniam in æternum misericordia eius  
 est.

## CXXXVI.

Psalmus David propter  
 Hieremiam.

**S**Vper flumina Babylonis illic sedimus  
 & fleuimus, dum recordaremur tui  
 Sion.

In salicibus in medio eius, suspendimus  
 organa nostra.

L 2

Quia



## PSALTERIVM

Quia illic interrogauerunt nos, qui capti-  
uos duxerunt nos, verba cantionum.

Et qui abduxerunt nos, hymnum cantate  
nobis de canticis Sion.

Quomodo cantabimus canticum DO-  
MINI, in terra aliena?

Si oblitus fuero tui Hierusalem, obliuioni  
detur dextera mea.

Adhæreat lingua mea faucibus meis, si  
non meminero tui.

Si non proposuero Hierusalem, in principi-  
pio læticiæ meæ.

Memor esto DOMINE filiorum Edom,  
in die Hierusalem.

Qui dicunt exinanite, exinanite usque ad  
fundamentum in ea.

Filia Babylonis misera, beatus qui retri-  
buet tibi retributionem tuam, quam  
retribuisti nobis.

Beatus qui tenebit, & allidet paruulos  
tuos ad petram.

## CXXXVII.

Psalmus ipsi David.

**C**onfitebor tibi DOMINE in toto  
corde meo, quoniam audisti  
omnia verba oris mei.

In



In conspectu angelorum psallam tibi,  
adorabo ad templum sanctum tuum, &  
confitebor nomini tuo.

Super misericordia tua & veritate tua,  
quoniam magnificasti super omne no-  
men sanctum tuum.

In quacuncq; die inuocauero te exaudi  
me, multiplicabis in anima mea virtu-  
tem.

Confiteantur tibi DOMINE omnes  
reges terræ, quia audierunt omnia ver-  
ba oris tui.

Et cantet in vijs DOMINI, quoniam  
magna est gloria DOMINI.

Quoniam excelsus DOMINVS &  
humilia respicit, & alta a longe cogno-  
scit.

Si ambulauero in medio tribulationis vi-  
uificabis me, & super iram inimico-  
rum meorum extendisti manum tuam,  
& saluum me fecit dextera tua.

DOMINVS retribuet pro me, DOMI-  
NE misericordia tua in seculum, &  
opera manuum tuarum ne despicias.

CXXXVIII.

In finem, Psalmus David.

L 3

DOMI



PSALTERIUM

**D**OMINE probasti me & cognouisti me, tu cognouisti sessionem meam & resurrectionem meam.

Intellexisti cogitationes meas de longe, semitam meam & funiculum meum inuestigasti.

Et omnes vias meas praeuidisti, quia non est sermo in lingua mea.

Ecce **D**OMINE tu cognouisti omnia nouissima & antiqua, tu formasti me, & posuisti super me manum tuam.

Mirabilis facta est scientia tua ex me, confortata est, & non potero ad eam.

Quo ibo a spiritu tuo, & quo a facie tua fugiam?

Si ascendero in caelum tu illic es, si descendero in infernum ades.

Si sumpsero pennas meas diluculo, & habitauero in extremis maris.

Etenim illuc manus tua deducet me, & tenebit me dextera tua.

Et dixi, forsitan tenebrae conculcabunt me, & nox illuminatio mea in delictis meis.

Quia tenebrae non obscurabuntur a te, & nox sicut dies illuminabitur, sicut tenebrae eius, ita & lumen eius;

Quia



Quia tu possedisti renes meos, suscepisti  
me de utero matris meæ.

Confitebor tibi, quia terribiliter magni-  
ficatus es, mirabilia opera tua, & ani-  
ma mea cognoscet nimis.

Non est occultatum os meum a te quod  
fecisti in occulto, & substantia mea in  
inferioribus terræ.

Imperfectum meum viderunt oculi tui,  
& in libro tuo omnes scribentur, dies  
formabuntur & nemo in eis.

Mihi autem nimis honorificati sunt ami-  
ci tui Deus, nimis confortatus est prin-  
cipatus eorum.

Dinumerabo eos & super arenam multi-  
plicabuntur, exurrexi & adhuc sum te-  
cum.

Si occideris Deus peccatores, viri sangui-  
num declinate a me.

Quia dicitis in cogitatione, accipient in  
vanitate ciuitates suas.

Nonne qui oderunt te DOMINE ode-  
ram, & super inimicos tuos tabesce-  
bam?

Perfecto odio od eram illos, inimici facti  
sunt mihi.

Proba me Deus & scito cor meum, in-  
terroga me & cognosce semitas me-  
as.



PSALTERIUM

Et vide si via iniquitatis in me est, & deduc me in via æterna.

CXXXIX.

In finem, Psalmus David.

**E**ripe me DOMINE ab homine malo, a viro iniquo eripe me, Qui cogitauerunt iniquitates in corde, tota die constituebant prælia.

Acuerunt linguas suas sicut serpentes venenum aspidum sub labijs eorum.

Custodi me DOMINE de manu peccatoris, & ab hominibus iniquis eripe me.

Qui cogitauerunt supplantare gressus meos, absconderunt superbi laqueum mihi.

Et funes extenderunt in laqueum, iuxta iter scandalum posuerunt mihi.

Dixi DOMINO, Deus meus es tu, exaudi DOMINE vocem deprecationis meæ.

DOMINE Deus virtus salutis meæ, obumbrasti super caput meum in die belli.

Ne tradas me DOMINE a desiderio meo peccatori, cogitauerunt contra me,



DAVIDIS.

125

me, ne derelinquas me, ne forte exal-  
tentur.

Caput circuitus eorum, labor labiorum  
ipforum operiet eos,

Cadent super eos carbones, in ignem de-  
ijciet eos, in miserijs non subsistent.

Vir linguosus non dirigetur in terra,  
virum iniustum mala capient in inte-  
ritu.

Cognoui quia faciet DOMINVS iudi-  
cium inopis, & vindictam pauperum.

Veruntamen iusti confitebuntur no-  
mini tuo, & habitabunt recti cum  
vultu tuo.

CXL.

Psalmus David.

**D**OMINE clamaui ad te exaudi me,  
intende voci meæ cum clama-  
uero ad te.

Dirigatur oratio mea sicut incensum in  
conspectu tuo, eleuatio manuum mea-  
rum sacrificium vespertinum.

Pone DOMINE custodiam ori meo,  
& ostium circumstantiæ labijs meis.

Non declines cor meum in verba ma-  
litiæ,

L 5

litia,



## PSALTERIUM

licia, ad excusandas excusationes in peccatis.

Cum hominibus operantibus iniquitatem, & non communicabo cum electis eorum.

Corripiet me iustus in misericordia & increpabit me, oleum autem peccatoris non impinguet caput meum.

Quoniam adhuc & oratio mea in beneplacitis eorum, absorpti sunt iuncti petrae iudices eorum.

Audient verba mea quoniam potuerunt sicut crassitudo terrae erupta est super terram.

Dissipata sunt ossa nostra secus infernum, quia ad te DOMINE, DOMINE oculi mei, in te speravi non auferas animam meam.

Custodi me a laqueo quem statuerunt mihi, & a scandalis operantium iniquitatem.

Cadent in reticulo eius peccatores, singulariter sum ego donec transeam.

## CXLI.

Intellectus David, cum esset in spelunca Oratio.

Vocet



**V**oce mea ad DOMINUM clamaui, voce mea ad DOMINUM deprecatus sum.

Effundo in conspectu eius orationem meam, et tribulationem meam ante ipsum pronuntio.

In deficiendo ex me spiritum meum, & tu cognouisti semitas meas.

In via hac qua ambulabam, absconderunt laqueum mihi.

Considerabam ad dexteram & videbam, & non erat qui cognosceret me.

Perijt fuga a me, & non est qui requirat animam meam.

Clamaui ad te DOMINE, dixi: tu es spes mea, portio mea in terra uiuentium.

Intende ad deprecationem meam, quia humilitatus sum nimis.

Libera me a persequentibus me, quia confortati sunt super me.

Educ de custodia animam meam, ad confitendum nomini tuo, me expectant iusti donec retribuas mihi.

## CXLII.

Psalmus David, quando persequabatur eum filius suus Absolon.



## PSALTERIUM

**D**OMINE exaudi orationem meam,  
auribus percipe obsecrationem meam  
in veritate tua, exaudi me in tua iusticia.

Et non intres in iudicium cum seruo tuo,  
quia non iustificabitur in conspectu  
tuo omnis viuens.

Quia persecutus est inimicus animam  
meam, humiliavit in terra vitam meam.

Collocavit me in obscuris sicut mortuos  
seculi, & anxius est super me spiritus  
meus, in me turbatum est cor meum.

Memor fui dierum antiquorum, meditatatus  
sum in omnibus operibus tuis,  
in factis manuum tuarum meditabar.

Expandi manus meas ad te, anima mea  
sicut terra sine aqua tibi.

Velociter exaudi me **DOMINE**, defecit  
spiritus meus.

Non auertas faciem tuam a me, & similis  
ero descendentibus in lacum.

Auditam fac mihi mane misericordiam  
tuam, quia in te speravi.

Notam fac mihi viam in qua ambulem,  
quia ad te leuavi animam meam.

Eripe me de inimicis meis **DOMINE**,  
ad



ad te confugi, doce me facere voluntatem tuam, quia Deus meus es tu.

Spiritus tuus bonus deducet me in terram rectam, propter nomen tuum  
DOMINE viuificabis me in quiete tua.

Educes de tribulatione animam meam,  
& in misericordia tua disperdes omnes inimicos meos.

Et perdes omnes qui tribulant animam meam, quoniam ego seruus tuus sum.

## CXLIII.

Dauid aduersus Goliath.

**B**enedictus DOMINVS Deus meus, qui docet manus meas ad praelium, & digitos meos ad bellum.

Misericordia mea & refugium meum, susceptor meus & liberator meus.

Protector meus & in ipso speravi, qui subdit populum meum sub me.

DOMINE quid est homo quia innotuisti ei, aut filius hominis quia reputas eum?

Homo vanitati similis factus est, dies eius sicut ymbra praetereunt.



## PSALTERIUM

DOMINE inclina cœlos tuos & descende,  
de, tange montes & fumigabunt.

Fulgura coruscationem & dissipabis eos,  
emitte sagittas tuas, & conturbabis  
eos.

Emitte manum tuam de alto, eripe me &  
libera me de aquis multis, de manu filio-  
rum alienorum.

Quorum os locutum est vanitatem, &  
dextera eorum dextera iniquitatis.

Deus canticum nouum cantabo tibi,  
in psalterio decachordo psallam ti-  
bi.

Qui das salutem Regibus, qui redemisti  
Dauid seruum tuum, de gladio malig-  
no eripe me.

Et erue me de manu filiorum alienorum,  
quorum os locutum est vanitatem,  
& dextera eorum dextera iniquita-  
tis.

Quorum filij ficus nouellæ plantationes,  
in iuuentute sua.

Filiæ eorum compositæ, circumornatæ vt  
similitudo Templi.

Promptuaria eorum plena, eructantia ex  
hoc in illed.

Oues eorum foetosæ abundantes in egres-  
sibus suis, Boues eorum crassæ.

Non



Non est ruina macerix, neq; transitus,  
neq; clamor in plateis eorum.

Beatum dixerunt populum cui hæc sunt.  
beatus populus cuius. DOMINVS.  
Deus eius.

## CXLIII.

## Laudatio ipsi David.

**E**xaltabo te Deus meus rex, & be-  
nedicam nomini tuo in seculum,  
& in seculum seculi.

Beth. Per singulos dies benedicam tibi,  
& laudabo nomen tuum in seculum,  
& in seculum seculi.

Gimel. Magnus DOMINVS & lauda-  
bilis nimis, & magnitudinis eius non  
est finis.

Daleth. Generatio & generatio lauda-  
bit opera tua, & potentiam tuam pro-  
nunciabunt.

He. Magnificentiam gloriæ sanctitatis  
tuæ loquentur, & mirabilia tua narra-  
bunt.

Vau. Et virtutem terribilium tuorum  
dicent, & magnitudinem tuam narra-  
bunt.

Zain. Memoriam abundantix suavi-  
tatis.



## PSALTERIVM

tatis tuæ eructabunt, & iusticia tua  
exultabunt.

Heth. Miserator & misericors DOMI-  
NVS, patiens & multum misericors.

Thet. Suavis DOMINVS vniuersis, &  
miserationes eius super omnia opera  
eius.

Iod. Confiteantur tibi D O M I N E om-  
nia opera tua, & sancti tui benedicant  
tibi.

Caph. Gloriam regni tui dicent, & po-  
tentiam tuam loquentur.

Lameh. Vt notam faciant filiis homi-  
num potentiam tuam, & gloriam ma-  
gnificentiae regni tui.

Mem. Regnum tuum regnum omnium  
seculorum, & dominatio tua in omni  
generatione & generatione.

Nun. Fidelis DOMINVS in omnibus  
verbis suis & sanctus in omnibus ope-  
ribus suis.

Samech. Alleuat DOMINVS omnes  
qui corruunt, & erigit omnes elisos.

Ain. Oculi omnium in te sperant D O-  
M I N E, & tu das escam illorum in  
tempore oportuno.

Phe. Aperis tu manum tuam, & imples  
omne animal benedictione.

Zade. Iustus DOMINVS in omnibus  
vjs



vñs suis, & sanctus in omnibus operi-  
bus suis.

Kuph. Prope est DOMINVS omnibus  
inuocantibus eum, omnibus inuocan-  
tibus eum in veritate.

Res. Voluntatem timentium se faciet, &  
deprecationem eorum exaudiet, & sal-  
uos faciet eos.

Schin. Custodit DOMINVS omnes  
diligentes se, & omnes peccatores dis-  
perdet.

Thau. Laudationem DOMINI loque-  
tur os meum, & benedicat omnis ca-  
ro nomini sancto eius in seculum, & in  
seculum seculi.

## CXLV.

Alleluia. Aggæi &  
Zachariæ.

**L**auda anima mea DOMINVM,  
laudabo DOMINVM in vi-  
ta mea, psallam Deo meo quam-  
diu fuero.

Nolite confidere in principibus, in filijs  
hominum in quibus non est salus.

Exibit spiritus eius & reuertetur in  
terram



## PSALTERIUM

terram suam, in illa die peribunt omnes cogitationes eorum.

Beatus cuius Deus Iacob adiutor eius, spes eius in DOMINO Deo ipsius, qui fecit coelum & terram, Mare, & omnia quæ in eius sunt.

Qui custodit veritatem in seculum, facit iudicium iniuriam patientibus dat escam esurientibus.

DOMINVS soluit compeditos, DOMINVS illuminat cæcos.

DOMINVS erigit elisos, DOMINVS diligit iustos.

DOMINVS custodit aduenas, pupillum & viduam suscipiet, & vias peccatorum disperdet.

Regnabit DOMINVS in secula, Deus tuus Sion, in generatione & generationem.

CXLVI.

Alleluia.

**L** Audate DOMINVM, quoniam bonus est Psalmus Deo nostro, sit iucunda decoraq; laudatio.

Ædificans Hierusalem DOMINVS, dispersiones Israelis congregabit,

Qui



DAVIDIS.

HO

Qui sanat contritos corde, & alligat contritiones eorum.

Qui numerat multitudinem stellarum, & omnibus eis nomina vocat.

Magnus DOMINVS noster & magna virtus eius, & sapientiæ eius non est numerus.

Suscipiens mansuetos DOMINVS, humilians autem peccatores vsq; ad terram.

Præcinite DOMINO in confessione, Psallite Deo nostro in Cythara.

Qui operit cœlum nubibus, & parat terræ pluuiam.

Qui producit in montibus fœnum, & herbam seruituti hominum.

Qui dat iumentis escam ipsorum, & pulis coruorum inuocantibus eum.

Non in fortitudine equi voluntatem habebit, nec in tibijs viri beneplacitum erit ei.

Beneplacitum est DOMINO super timentes eum, & in eis qui sperant super misericordia eius.

CXLVII.

Alleluia. Aggæi & Zachariæ.

Lauda



PSALTERIVM

**L**auda Hierusalem DOMINVM,  
lauda Deum tuum Sion.

**Q**uoniam confortauit seras por-  
tarum tuarum, benedixit filijs tuis in  
te.

Qui posuit fines tuos pacem, & adipe  
frumenti satiat te.

Qui emittit eloquium suum terræ, veloci-  
ter currit sermo eius.

Qui dat niuem sicut lanam, nebulam si-  
cut cinerem spargit.

Mittit crySTALLUM suam sicut buccellas,  
ante faciem frigoris eius quis sustine-  
bit?

Emittet verbum suum, & liquefaciet ea,  
habitat spiritus eius & fluent aquæ.

Qui annunciat verbum suum Iacob, iusti-  
cia & iudicia sua Israel.

Non fecit taliter omni nationi, & iudicia  
sua non manifestauit eis.

CXLVIII.

Alleluia. Aggai &  
Zachariæ.

**L**audate DOMINVM de coelis,  
laudate eum in excelsis.

**L**audate eum omnes angeli eius,  
lauda-



laudate eum omnes virtutes eius.

Laudate eum sol & luna, laudate eum  
omnes stellæ & lumen.

Laudate eum coeli coelorum, & aquæ  
quæ super coelos sunt laudent nomen  
DOMINI.

Quia ipse dixit & facta sunt, ipse manda-  
uit & creata sunt.

Statuit ea in seculum & in seculum se-  
culi, præceptum posuit, & non præte-  
ribit.

Laudate DOMINVM de terra dracones  
& omnes abyssi.

Ignis, grando, nix, glacies, spiritus procel-  
larum, quæ faciunt verbum eius.

Montes & omnes colles, ligna fructifera  
& omnes cedri.

Bestiæ & vniuersa pecora, serpentes &  
volucres pennatæ.

Reges terræ & omnes populi, principes  
& omnes iudices terræ.

Iuuenes & virgines, senes cum iuniori-  
bus laudent nomen DOMINI, quia  
exaltatum est nomen eius solius.

Confessio eius super coelum & terram, &  
exaltauit cornu populi sui.

Hymnus omnibus sanctis eius, filijs  
Israel populo appropinquanti sibi.

Alle-



PSALTERIUM

CXLIX.

Alleluia.

**C**Antate DOMINO canticum nouum, laus eius in Ecclesia sanctorum,

Lædetur Israel in eo qui fecit eum, & filia Sion exultent in rege suo.

Laudent nomen eius in choro, in tympano & psalterio spallent ei.

Quia beneplacitum est DOMINO in populo suo, & exaltabit mansuetos in salutem.

Exultabunt sancti in gloria ut lætabuntur in cubilibus suis.

Exultationes Dei in gutture eorum, & gladij ancipites in manibus eorum.

Ad faciendam vindictam in nationibus, increpationes in populis.

Ad alligandos reges eorum in compedibus, & nobiles eorum in manicis ferreis.

Vt faciant in eis iudicium conscriptum, gloria hæc est omnibus sanctis eius.

CL.

Alleluia.

Lauda



**L**audate DOMINUM in sanctis  
eius, laudate eum in firmamento  
virtutis eius.

Laudate eum in virtutibus eius, laudate  
eum secundum multitudinem magnitu-  
dinis eius.

Laudate eum in sono tubæ, laudate eum  
in psalterio & cythara.

Laudate eum in tympano & choro, lau-  
date eum in chordis & organo.

Laudate eum in cymbalis bene sonanti-  
bus, laudate eum in cymbalis subila-  
tionis.

Omnis spiritus laudat DOMINUM.

Explicit Psalterium.



*SINIS Psalterium ALII.*



SEQVNTVR

**A L I I P S A L =**

**M I S I V E C A N T I C A**

**EX SACRIS LITERIS,**

in Ecclesijs cantari solita,

Canticum Mose,

Exodi

15.

**Tunc cecinit Moses & filij Israel**

carmen hoc **DOMINO,**

**& dixerunt,**

**C**Antemus **DOMINO**, gloriose  
enim magnificatus est, equum &  
ascensorem deiecit in mare.

Fortitudo mea et laus mea **DOMINVS,**  
& factus est mihi in salutem.

Iste Deus meus & glorificabo eum, De-  
us patris mei & exaltabo eum.

**DOMINVS** quasi vir pugnator, omni-  
potens nomen eius, currus Pharao-  
nis & exercitum eius proiecit in ma-  
re.

Electi principes eius submersi sunt in  
mari rubro, abyssi operuerunt eos,  
descen-



descenderunt in profundum quasi lapis.

Dextera tua DOMINE magnificata est in fortitudine, dextera tua DOMINE percussit inimicum, & in multitudine gloriæ tuæ deposuisti aduersarios meos.

Misisti iram tuam, quæ deuorauit eos sicut stipulam, & in spiritu furoris tui congregatæ sunt aquæ.

Stetit unda fluens, congregatæ sunt Abyssi in medio Mari.

Dixit inimicus: persequar & comprehendam, diuidam spolia, implebitur anima mea.

Euaginabo gladium meum, interficies eos manus mea.

Flauit spiritus tuus & operuit eos mare, submersi sunt, quasi plumbum in aquis uehementibus.

Quis similis tui in fortibus DOMINE? quis similis tui, magnificus in sanctitate, Terribilis atq; laudabilis factens mirabilia?

Extendisti manum tuam, & deuorauit eos terra.

Dux fuisti in misericordia tua populo quem redemisti.

M

Et



## CANTICA.

Et portasti eum in fortitudine tua, ad habitaculum sanctum tuum.

Ascenderunt populi & irati sunt, dolores obtinuerunt habitatores Philistinim.

Tunc conturbati sunt principes Edom, robustus Moab obtinuit tremor, obriguerunt omnes habitatores Canaan.

Irruat super eos formido & pavor in magnitudine brachij tui.

Fiant immobiles quasi lapis, donec pertranseat populus tuus DOMINE, donec pertranseat populus iste quem possedisti.

Introduces eos & plantabis in monte hereditatis tue, firmissimo habitaculo tuo, quod operatus es DOMINE.

Sanctuarium tuum DOMINE, quod firmaverunt manus tue, DOMINVS regnabit in æternum & Ultra.

Ingressus est enim eques Pharao cum curribus & equitibus eius in Mare, & eduxit super eos DOMINVS aquas Maris.

Filij autem Israel ambulauerunt per siccum in medio eius.

Canti.



Canticum Mose, Deut. 32. Locu-  
tus est Moses audiente vniuerso cœtu  
Israel, verba carminis huius  
& ad finem vsq; com-  
pleuit.

**A**udite cœli quæ loquor, audiat ter-  
ra verba oris mei.  
Concresecat vt pluuia doctrina  
mea, fluat vt ros eloquium meum.  
Quasi imber super herbam, & quasi stil-  
la super gramina, quia nomen **DO-**  
**MINI** inuocabo.  
Date magnificentiam Deo nostro, Dei  
perfecta sunt opera, & omnes viæ eius  
iudicia,  
Deus fidelis & absq; vlla iniquitate, iu-  
stus & rectus.  
Peccauerunt ei, & non filij eius in sordib-  
us.  
Generatio praua atq; peruersa, hæcine  
reddis **DOMINO** popule stulte & in-  
sipienti?  
Nunquid non ipse est pater tuus, qui pos-  
sedit te & fecit & creauit te?  
Memento dierum antiquorum, cogita ge-  
nerationes singulas.

M 2'

Inter-



## CANTICA.

Interroga patrem tuum, & annuntiabit  
tibi, maiores tuos, & dicent tibi.

Quando diuidebat altissimus gentes,  
quando separabat filios Adam.

Constituit terminos populorum, iuxta  
numerum filiorum Israel.

Pars autem **DOMINI** populus eius,  
Iacob funiculus hereditatis eius.

Inuenit eum in terra deserta, in loco hor-  
roris & vastæ solitudinis.

Circumduxit eum & docuit, & custodi-  
uit quasi pupillam oculi sui.

Sicut aquila prouocans ad volandum pul-  
los suos, & super eos volitans.

Expandit alas suas & assumpsit eum, atq;  
portauit in humeris suis.

**DOMINVS** solus dux eius fuit, & non  
erat cum eo Deus alienus.

Constituit eum super excelsam terram, vt  
comederet fructus agrorum.

Vt sugeret mel de petra, oleumq; de saxo  
durissimo.

Butyrum de armento, & lac de ouibus,  
cum adipe agnorum & arietum filio-  
rum Basan.

Et hircos cum medulla tritici, & sangui-  
nem vuzæ biberent meracissimum.

Incrassatus est dilectus & recalcitrauit  
incrassatus, impinguatus, dilatatus.

Dere



Dereliquit Deum factorem suum, & recessit a Deo salutari suo.

Prouocauerunt eum in dijs alienis, & in abominationibus ad iracundiam concitauerunt.

Immolauerunt dæmonijs & non Deo, dijs quos ignorabant.

Noui recentescq; venerunt, quos non coluerunt patres eorum.

Deum qui te genuit dereliquisti, & oblitus es DOMINI creatoris tui.

Vidit DOMINVS & ad iracundiam concitatus est, quia prouocauerunt eum filij sui & filiaë.

Et ait, abscondam faciem meam ab eis, & considerabo nouissima eorum.

Generatio enim peruersa est, & infideles filij.

Ipsi me prouocauerunt in eo, qui non erat Deus, & irritauerunt in vanitatibus suis.

Et ego prouocabo eos in eo qui non est populus, & in gente stulta irritabo illos.

Ignis succensus est in furore meo, & ardebit vsq; ad inferni nouissima.

Deuorabitq; terram cum gramine suo, & montium fundamenta comburet.



## CANTICA,

Congregabo super eos mala, & sagittas  
meas complebo in eis.

Consumentur fame, & deuorabunt eos  
aues morfu amarissimo.

Dentes bestiarum immittam in eos, cum  
furore trahentium super terram atq[ue]  
serpentium.

Foris uastabit eos gladius & intus pa-  
uor, iuuenem simul ac virginem, lactan-  
tem cum homine sene.

Et dixi, Vbi nam sunt? Cessare faciam  
ex hominibus memoriam eorum.

Sed propter iram inimicorum distuli, ne  
forte superbirent hostes eorum.

Et dicerent: Manus nostra excelsa, &  
non DOMINVS fecit hæc omnia.

Gens absq[ue] consilio est & sine prudentia,  
utinam saperent & intelligerent, ac no-  
uissima prouiderent.

Quomodo persequebatur vnus mille, &  
duo fugarent decem millia.

Nonne ideo, quia Deus suus vendidit eos,  
& DOMINVS conclusit illos.

Non enim est Deus noster vt dij eorum,  
& inimici nostri sunt iudices.

De vinea Sodomorum vinea eorum, & de  
suburbanis Gomorrhæ.

Vua eorum vua fellis, & botrus amarissi-  
mus.

Fel



Fel Draconum vinum eorum, & venenum aspidum insanabile.

Nonne hæc condita sunt apud me, & signata in thesauris meis?

Mea est ultio, & ego retribuam eis in tempore, vt labatur pes eorum.

Iuxta est dies perditionis, & adesse festinant tempora.

Iudicabit DOMINVS populum suum, & in seruis suis miserebitur.

Videbit quod infirmata sit manus, & clausi quoq; defecerunt, residuiq; consumpti sunt.

Et dicet, vbi sunt dii eorum, in quibus habebant fiduciam?

De quorum victimis comedebant adipem, & bibebant vinum libaminum.

Surgant & opitulentur vobis, & in necessitate vos protegant.

Videte quod ego sim solus, & non sit alius Deus præter me.

Ego occidam & ego viuere faciam, percutiam, & ego sanabo, & non est qui de manu mea possit eruere.

Leuabo ad cælum manum meam, & dicam, viuo ego in æternum.

Si acuero vt fulgor gladium meum, & arripuerit iudicium manus mea.



## CANTICA.

Reddam ultionem hostibus meis, & his  
qui oderunt me retribuam.

Inebriabo sagittas meas sanguine, & gla-  
dius meus deuorabit carnes.

De cruore occisorum, & de captiuitate  
nudati inimicorum capitis.

Laudate gentes populum eius, quia san-  
guinem seruatorum suorum vlciscetur.

Et vindictam retribuet in hostes eorum,  
& propitius erit terræ populi sui.

Canticum Annæ, 1. Regum 2.  
& orauit Hanna,  
& ait.

**E**xultauit cor meum in DOMI-  
NO, & exaltatum est cornu me-  
um in Deo meo.

Dilatatum est os meum super inimi-  
cos meos, quia lætata sum in salutari  
tuo.

Non est sanctus vt est DOMINVS, neq;  
enim est alius extra te, & non est for-  
tis sicut Deus noster.

Nolite multiplicare loqui sublimia, glo-  
riantes.

Recedant vetera de ore uestro, quia  
Deus scientiarum DOMINVS est, &  
ipsi



CANTICA.

107

Ipſi præparantur cogitationes.  
Arcus fortium ſuperatus eſt, & infirmi  
accincti ſunt robore.  
Repleti prius pro panibus ſe locauerunt,  
& famelici ſaturati ſunt.  
Donec ſterilis peperit plurimos, & quæ  
multos habebat filios infirmata eſt.  
DOMINVS mortificat & viuificat,  
deducit ad inferos & reducit.  
DOMINVS pauperem facit & ditat,  
humiliat & ſubleuat.  
Suscitat de puluere egenum, & de ſterco-  
re erigit pauperem.  
Vt ſedeat cum principibus, & ſolium  
gloriæ teneat.  
DOMINI enim ſunt cardines terræ, &  
poſuit ſuper eos orbem.  
Pedes ſanctorum tuorum ſeruabit, &  
impij in tenebris conticeſcent, quia  
non in fortitudine ſua roborabitur  
vir.  
DOMINVM formidabunt aduerſarij  
eius, & ſuper ipſos in coelis tonabit.  
DOMINVS iudicabit fines terræ, &  
dabit imperium regi ſuo, & ſublima-  
bit cornu Chriſti ſui.

Canticum Eſaiæ 12. Et  
dices in die illa.

M 5

Cono



## CANTICA.

**C**onfitebor tibi DOMINE, quoniam iratus es mihi, conuersus est furor tuus, & consolatus es me.

Ecce Deus saluator meus, fiducialiter agam & non timebo.

Quia fortitudo mea & laus mea DOMINVS, & factus est mihi in salutem.

Haurietis aquas in gaudio de fontibus saluatoris, & dicetis in illa die.

Confitemini DOMINO, & inuocate nomen eius.

Notas facite in populis adinventiones eius, mementote quoniam excelsum est nomen eius.

Cantate DOMINO, quoniam magnifice fecit, annunciate hoc in vniuersa terra.

Exulta & lauda habitatio Sion, quia magnus in medio tui sanctus Israel.

Canticum. Ezechiae, Esaiae 38.

Scriptura Ezechiae Regis Iuda postquam aegrotasset & conualluisset de infirmitate sua.

**E**go dixi in dimidio dierum meorum, Vadam ad portas inferi. Quae



Quæsiui residuum annorum meorum, Dixi non videbo DOMINVM Deum in terra viventium.

Non aspiciam hominem ultra, & habitatorem quietis.

Generatio mea ablata est, & conuoluta est a me, quasi tabernacula pastorum.

Præcisa est velut a texente vita mea, dum adhuc ordiret succidit me, de manu usq; ad vesperam finies me.

Sperabam usq; ad mane, quasi Leo sic contriuit omnia ossa mea.

De manu usq; ad vesperam finies me, sicut pullus Hirundinis sic clamabo, meditabor vt columba.

Attenuati sunt oculi mei, suspicientes in excelsum.

DOMINE vim patior, sponde pro me, quid dicam aut quid respondebit mihi, cum ipse fecerit?

Recogitabo tibi omnes annos meos, in amaritudine animæ meæ.

DOMINE si sic viuitur, & in talibus vita spiritui mei, corripies me, & viuificabis me, ecce in pace amaritudo mea amarissima.

Tu autem eruisti animam meam vt non periret, proiecisti post tergum tuum omnia peccata mea.

M 6

Quia



## CANTICA.

Quia non infernus confitebitur tibi, neque mors laudabit te, non expectabunt, qui descendunt in lacum, veritatem tuam.

Viuens viuens ipse confitebitur tibi, sicut & ego hodie, Pater filijs notam faciet veritatem tuam.

DOMINE saluum me fac, & psalmos nostros cantabimus cunctis diebus vitæ nostræ in domo DOMINI.

Canticum Abacuk, Abacuk 3.  
Oratio Habacuk Prophetæ, pro ignorantijs.

DOMINE audiui auditionem tuam, & timui.

DOMINE opus tuum, in medio annorum viuifica illud.

In medio annorum notum facies, cum iratus fueris, misericordiæ recordaberis.

Deus ab austro veniet, & sanctus de monte Pharan.

Operuit coelos gloria eius, & laudis eius plena est terra.

Splendor eius vt lux erit, cornua in manibus eius.

Ibi



Ibi abscondita est fortitudo eius, ante faciem eius ibit mors.

Et egredietur diabolus ante pedes eius, stetit & mensus est terram.

Aspexit & dissoluit gentes, & contriti sunt montes seculi.

Incuruati sunt colles mundi, & ab itineribus æternitatis eius.

Pro iniquitate vidi tentoria Æthiopiæ, turbabuntur pelles terræ Madian.

Nunquid in fluminibus iratus es DOMINE, aua in fluminibus furor tuus, vel in Mari indignatio tua.

Quia ascendisti super equos tuos, & quadrigæ tuæ saluatio.

Suscitans suscitabis arcum tuum, iuramenta tribubus quæ locutus es.

Fluuios scindes terræ, viderunt te & doluerunt montes, gurges aquarum transiit.

Dedit abyssus vocem suam, altitudo manus suas leuauit.

Sol & luna steterunt in habitaculo suo, in luce sagittarum tuarum ibunt, in splendore fulgurantis hastæ tuæ.

In fremitu conculcabis terram, & in furore obstupescies gentes.

Egressus es in salutem populi tui, in salutem



## CANTICA.

lutem cum Christo tuo.  
Percussisti caput de domo impij, denuda-  
sti fundamenta eius vsq; ad collum.  
Maledixisti sceptris eius, capiti bellato-  
rum eius, venientibus, vt turbo ad dis-  
pergendum me.  
Exultatio eorum, sicut eius qui deuorat  
pauperem in abscondito.  
Viam fecisti in mari equis tuis, in luto  
aquarum multarum.  
Audiui & conturbatus est venter meus, a  
voce contremuerunt labia mea.  
Ingrediatur putredo in ossibus meis, &  
subter me scateat.  
Vt requiescam in die tribulationis, &  
ascendam ad populum accinctum no-  
strum.  
Ficus enim non florebit, & non erit ger-  
men in vineis.  
Mentietur opus Oliuæ, & arua non affe-  
rent cibum.  
Abscindetur de ouili pecus, & non erit  
armentum in præsepibus.  
Ego autem in DOMINO gaudebo, &  
exultabo in Deo Iesu meo.  
Deus DOMINVS fortitudo mea, &  
ponet pedes meos quasi ceruorum.  
Et super excelsa mea deducet me victor,  
in Psalmis canentem.

Can.



Canticum trium puerorum, Da  
 niel, 3. Tunc hi tres quasi vno ore lau-  
 dabant & glorificabant &  
 benedicebant Deum,  
 in fornace di-  
 centes.

**B**enedicite omnia opera DOMINI  
 DOMINO, laudate & super ex-  
 ultate eum in secula.

Benedicite Angeli DOMINI D O M I-  
 N O, benedicite cœli DOMINO.

Benedicite aquæ omnes quæ super cœles-  
 sunt D O M I N O, benedicite omnes  
 virtutes DOMINI D O M I N O,

Benedicite Sol & Luna D O M I N O,  
 benedicite Stellæ cœli DOMINO.

Benedicite omnis imber & ros D O-  
 M I N O, benedicite omnis spiritus  
 Dei D O M I N O,

Benedicite ignis & æstas DOMINO,  
 benedicite frigus & æstas DOMINO,

Benedicite rores & pruina DOMINO,  
 benedicite gelu & frigus D O M I-  
 N O.

Benedicite glacies & nives D O M I N O,  
 benedicite noctes & dies D O M I N O.

Bene



## CANTICA.

Benedicite lux & tenebræ DOMINO,  
benedicite fulgura & nubes DOMI-  
NO.

Benedicat terra DOMINVM, laudet  
& superexaltet eum in secula.

Benedicite montes & colles DOMI-  
NO, benedicite vniuersa germinantia  
in terra DOMINO.

Benedicite fontes DOMINO, benedi-  
cite maria & flumina DOMINO.

Benedicite cete, & omnia quæ mouen-  
tur in aquis DOMINO, benedicite  
omnes volucres cœli DOMINO.

Benedicite omnes bestia & pecora DO-  
MINO, benedicite filij hominum  
DOMINO.

Benedicat Israel DOMINVM, laudet  
& superexaltet eum in secula.

Benedicite sacerdotes DOMINI DO-  
MINO, benedicite serui DOMINI  
DOMINO.

Benedicite spiritus & animæ iustorum  
DOMINO, benedicite sancti & hu-  
miles corde DOMINO.

Benedicite Annania, Azaria, Misahel  
DOMINO, laudate & superexaltate  
eum in secula.

Benedicamus patrem & filium cum san-  
cto Spiritu, laudemus & superexalte-  
mus eum in secula, Be



Benedictus es **DOMINE** in firmamento  
coeli, laudabilis & gloriosus & su-  
perexaltatus in secula.

Canticum Mariæ virginis Lucae  
primo. Et ait Maria.

**M**agnificat anima mea **DOMI-**  
**NVM.**

Et exultavit spiritus meus, in Deo  
salutari meo.

Quia respexit humilitatem ancillæ suæ,  
ecce enim ex hoc beatam me dicent  
omnes generationes.

Quia fecit mihi magna qui potens est, &  
sanctum nomen eius.

Et misericordia eius a progenie in proge-  
nies, timentibus eum.

Fecit potentiam in brachio suo, dispersit  
superbos mente cordis sui.

Deposuit potentes de sede, & exaltauit  
humiles.

Esurientes impleuit bonis, & diuites di-  
misit inanes.

Suscepit Israel puerum suum, recordatus  
misericordiæ suæ.

Sicut locutus est ad patres nostros, Abra-  
ham & semini eius in secula.

Gloria patri & filio, & Spiritui sancto.

Sicut



## CANTICA.

Sicut erat in principio & nunc & semper,  
& in secula seculorum, Amen.

Canticum Zachariæ Lucae 1. Et  
Zacharias pater Iohannis repletus  
est Spiritu sancto, & prophetauit di-  
cens.

**B**enedictus DOMINVS Deus Isra-  
el, quia visitavit & fecit redem-  
ptionem plebis suæ.  
Et erexit cornu salutis nobis, in domo  
Dauid pueri sui.  
Sicut locutus est per os sanctorum, qui a  
seculo sunt Prophetarum eius.  
Salutem ex inimicis nostris, & de manu  
omnium qui oderunt nos.  
Ad faciendam misericordiam cum patri-  
bus nostris, & memorari testamenti  
sui sancti.  
Iurandum quod iuravit ad Abraham  
patrem nostrum, daturum se nobis.  
Vt sine timore de manu inimicorum no-  
strorum liberati, seruiamus illi.  
In sanctitate & iustitia coram ipso, om-  
nibus diebus nostris.  
Et tu puer Propheta altissimi vocabe-  
ris,



ris, præibis enim ante faciem DOMI-  
NI parare vias eius.

Ad dandam scientiam salutis plebi eius, in  
remissionem peccatorum eorum.

Per viscera misericordiae Dei nostri, in  
quibus visitauit nos oriens ex alto.

Illuminare his qui in tenebris & in um-  
bra mortis sedent, ad dirigendos pedes  
nostros in viam pacis.

Gloria patri & filio, & Spiritui sancto.

Sicut erat in principio & nunc & semper,  
& in secula seculorum, Amen.

Canticum Simeonis, Lucae 2. Si-  
meon accepit puerum Iesum in vlnas  
suas, & benedixit Deum,  
& dixit.

**N**unc dimittis seruum tuum DO-  
MINE, secundum verbum tu-  
um in pace.

Quia viderunt oculi mei, salutare tu-  
um.

Quod paraasti ante faciem omnium popu-  
lorum.

Lumen ad reuelationem gentium, & glo-  
riam plebis tuae Israel.

Gloria



## CANTICA.

Gloria patri & filio, &c,  
Sicut erat in principio & nunc & semper, &c.

### Canticum sanctorum, Ambrosij & Augustini.

**T**E Deum laudamus, te DOMINUM confitemur.

Te æternum patrem omnis terra veneratur.

Tibi omnes Angeli, tibi cœli & vniuersæ potestates,

Tibi Cherubin & Seraphim, incessabili voce proclamant,

Sanctus, Sanctus, Sanctus DOMINVS Deus sabaoth.

Pleni sunt cœli & terra, maiestatis gloriæ tuæ.

Te gloriosus, Apostolorum chorus,

Te Prophetarum, laudabilis numerus,

Te Martyrum candidatus, laudat exercitus.

Te per orbem terrarum, sancta confiteatur Ecclesia.

Patrem immensæ maiestatis

Venerandum tuum verum & vnicum filium.

Sanctum quoque paraclitum spiritum.

Tu



Tu rex gloriae Christe.

Tu patris sempiternus es filius.

Tu ad liberandum suscepturus hominem,  
non horruisti virginis uterum.

Tu deuicto mortis aculeo, aperuisti cre-  
dentibus regna caelorum.

Tu ad dexteram Dei sedes, in gloria pa-  
tris.

Iudex crederis esse venturus.

Te ergo quaesumus famulis tuis subueni,  
quos precioso sanguine redemisti.

Aeterna fac cum sanctis tuis gloria mu-  
nerari.

Saluum fac populum tuum **DOMINE**,  
& benedic haereditati tuae.

Et rege eos, & extolle illos usque in aeter-  
num.

Per singulos dies benedicimus te.

Et laudamus nomen tuum in seculum, &  
in seculum seculi.

Dignare **DOMINE** die isto, sine pecca-  
to nos custodire.

Miserere nostri **DOMINE**, miserere  
nostri.

Fiat misericordia tua **DOMINE** su-  
per nos, quemadmodum sperauimus in  
te.

In te **DOMINE** speraui, non confundar  
in aeternum.

Sym.



CANTICA.  
Symbolum Athanasij  
Episcopi.

**Q**uicumque vult saluus esse, ante  
omnia opus est vt teneat ca-  
tholicam fidem.

Quam nisi quisque integram inuiolatamque  
seruauerit, absque dubio in æternum pe-  
ribit.

Fides autem catholica hæc est, vt vnum  
Deum in Trinitate, & trinitatem in  
vnitate veneremur.

Necque confundentes personas, necque sub-  
stantiam separantes.

Alia est enim persona Patris, alia Filij, alia  
Spiritus sancti.

Sed Patris & Filij & Spiritus sancti vna  
est diuinitas, æqualis gloria, coæterna  
maiestas.

Qualis pater, talis filius, talis Spiritus  
sanctus.

Increatus pater, increatus filius, increatus  
spiritus sanctus.

Immensus pater, immensus filius, immen-  
sus spiritus sanctus.

Æternus pater, æternus filius, æternus spi-  
ritus sanctus.

Et tamen non tres æterni, sed vnus æter-  
nus.

Sicut.



Sicut non tres increati, nec tres immen-  
si, sed vnus increatus & vnus immen-  
sus,

Similiter omnipotens pater, omni-  
potens filius, omnipotens spiritus san-  
ctus.

Et tamen non tres omnipotentes, sed vnus  
omnipotens.

Ita Deus Pater, Deus Filius, Deus Spiri-  
tus sanctus.

Et tamen non tres Dñj, sed vnus est De-  
us.

Ita DOMINVS Pater, DOMINVS FI-  
lius, DOMINVS Spiritus sanctus.

Et tamen non tres DOMINI, sed vnus  
est DOMINVS.

Quia sicut singulatim vnamquandq; per-  
sonam Deum aut DOMINVM con-  
fiteri christiana veritate compelli-  
mur.

Ita tres Deos aut Dominos dicere ca-  
tholica religione prohibemur.

Pater a nullo est factus, nec creatus, nec  
genitus.

Filius a Patre solo est, non factus, nec cre-  
atus, sed genitus.

Spiritus sanctus a Patre & Filio, non fa-  
ctus, nec creatus, nec genitus sed pro-  
cedens.

Vnus.



## CANTICA.

Vnus ergo pater, non tres patres, vnus filius, non tres filij, vnus spiritus sanctus, non tres spiritus sancti.

Et in hac trinitate nihil prius aut posterius, nihil maius aut minus.

Sed totæ tres personæ coæternæ sibi sunt & coæquales.

Ita vt per omnia, sicut iam supra dictum est, & trinitas in vnitatem & vnitas in trinitate veneranda sit.

Qui vult ergo saluus esse, ita de trinitate sentiat.

Sed necessarium est ad æternam salutem, vt incarnationem quoque DOMINI nostri Iesu Christi fideliter credat.

Est ergo fides recta, vt credamus & confiteamur, quia DOMINVS noster Iesus Christus Dei filius, Deus & homo est.

Deus est ex substantia patris, ante secula genitus, & homo ex substantia matris in seculo natus.

Perfectus Deus, perfectus homo, ex anima rationali & humana carne subsistens.

Æqualis patri secundum diuinitatem, minor patri secundum humanitatem.

Qui



Qui licet Deus sit & homo, non duo tamen, sed vnus est Christus.

Vnus autem non conuersione diuinitatis in carnem, sed assumptione humanitatis in Deum.

Vnus omnino non confusione substantiæ, sed vnitæte personæ.

Nam sicut anima rationalis & caro vnus est homo, ita Deus & homo vnus est Christus.

Qui passus est pro salute nostra, descendit ad inferos, tertia die resurrexit a mortuis.

Ascendit ad cœlos, sedet ad dexteram Dei patris omnipotentis.

Inde venturus est iudicare viuos & mortuos.

Ad cuius aduentum omnes homines resurgere habent cum corporibus suis.

Et reddaturi sunt, de factis proprijs, rationem.

Et qui bona egerunt ibunt in vitam æternam, qui vero mala in ignem æternum.

Hæc est fides catholica, quam nisi quisq; fideliter firmiterq; crediderit, saluus esse non poterit.



## CANTICA.

Psalmus inuitans nos ad laudandum Deum, ne contempto eius verbo, pereamus nostra infidelitate, vt olim Iudæi in deserto, Secundum aliam translationem, quam solitus est cantari in Ecclesijs.

**V**enite exultemus DOMINO, iubilemus Deo salutari nostro, præoccupemus faciem eius, in confessione, & in psalmis iubilemus ei.

Quoniam Deus magnus DOMINVS & rex magnus super omnes Deos, quoniam non repellet DOMINVS plebem suam, quia in manu eius sunt omnes fines terræ, & altitudines montium ipse conspicit.

Quoniam ipsius est Mare & ipse fecit illud, & aridam fundauerunt manus eius. Venite adoremus & procidamus ante Deum, ploremus coram DOMINO qui fecit nos, quia ipse est DOMINVS Deus noster, nos autem populus eius & oues pascuæ eius.

Hodie si vocem eius audieritis, nolite obdurare corda vestra, sicut in exacerbata



terbatione secundum diem tentatio-  
nis in deserto, vbi tentauerunt me pa-  
tres vestri, probauerunt & viderunt  
opera mea.

Quadraginta annis proximus fui genera-  
tioni huic, & dixi semper, hi errant  
corde, ipsi vero non cognouerunt vias  
meas, quibus iuravi in ira mea, si intro-  
ibunt in requiem meam.

Gloria patri & filio & spiritui sancto.  
Sicut erat in &c.

In Aduentu Domini Hymnus  
Carmen Iambicum dimetrum, Au-  
tor eius S. Ambrosius.

**V**eni redemptor gentium,  
Ostende partum virginis,  
Miretur omne seculum,  
Talis decet partus Deum.

† Non ex virili semine,  
Sed mystico spiramine,  
Verbum Dei factum est caro,  
Fructusq; ventris floruit.

Alius tumescit virginis,  
Claustra pudoris permanent,  
Vexilla virtutum micant,  
Versatur in templo Deus.

† Procedens de thalamo suo,

N 2

Pudo



## H Y M N I.

Pudoris aula regia,  
Geminæ gigas substantiæ,  
Alacris vt currat viam.

Egressus eius a Patre,  
Regressus eius ad Patrem:  
Excursus vsq; ad inferos,  
Rekursus ad sedem Dei.

Æqualis æterno patri,  
Carnis trophæo accingere,  
Infirma nostri corporis,  
Virtute firmans perpetim.

Præsepe iam fulget tuum,  
Lumenq; nox spirat nouum,  
Quod nulla nox interpolet,  
Fideq; iugi luceat.

✠ Gloria tibi Domine,  
Qui natus es de virgine,  
Cum patre & sancto spiritu,  
In sempiterna secula, Amen.

Alius Hymnus ad nocturnum,  
Carmen Iambicum Dimetrum  
Archilochicum.

✠ Verbum supernum prodiens,  
A patre olim exiens,  
Qui natus orbi subuenis,  
Cursu decliui temporis,  
Illumina nunc pectora,  
Tuocq; amore concrema,

Audi



Audito vt præconio,  
 Sint pulsa tandem lubrica.  
 Iudexq; cum post aderis,  
 Rimari facta pectoris,  
 Reddens vicem pro abditiis,  
 Iustisq; regnum pro bonis.  
 Non demum arctemur malis,  
 Pro qualitate criminis,  
 Sed cum beatis compotes,  
 Simus perennes coelibes.

Ad laudes. Iambicum  
 Dimetrum.

**V**ox clara ecce intonat,  
 Obscura quæq; increpat.  
 Pellantur eminus somnia,  
 Ab æthere Christus promicat.  
 Mens iam resurgat torpida,  
 Quæ forde extat saucia.  
 Sidus refulget iam nouum,  
 Vt tollat omne noxium.  
 E sursum agnus mittitur,  
 Laxare gratis debitum.  
 Omnes pro indulgentia,  
 Vocem demus cum lachrymis.  
 Secundo vt cum fulserit,  
 Mundumq; horror cinxerit.  
 Non pro reatu puniat,  
 Sed pius nos tum protegat.

N 3

Ad



H Y M N I.

Ad vesp̄eras Hymnus, Carmen  
Iambicum Archilochicum  
Ambro, autor,

**C**onditor alme syderum,  
Æterna lux credentium,  
Christe redemptor omnium,  
Exaudi preces supplicum.  
Qui condolens interitū,  
Mortis perire seculum,  
Saluasti mundum languidum,  
Donans reis remedium.  
Vergente mundi vespere,  
Vti sponsus de thalamo,  
Egressus honestissima,  
Virginis matris clausula.  
Cuius forti potentia,  
Genua curuantur omnia,  
Cœlestia, terrestria,  
Fatentur nutu subdita.  
Occasum sol custodiens,  
Luna pallorem retinens,  
Gandor in astris relucens,  
Certos obseruat limites.  
Te deprecamur hagię,  
Venture iudex seculi.  
Conserua nos in tempore,  
Hostis a telo perfidi.

Laus



Laus, honor, uirtus, gloria,  
 Deo patri cum filio.  
 Sancto simul paraclete,  
 In sempiterna secula.

In natiuitate Domini, Hymnus,  
 Carmen Iambicum Archilochi-  
 cum, Autor Sedulius.

**A** Solis ortus cardine,  
 Ad usq; terræ limitem,  
 Christum canamus principem,  
 Natum Maria virgine,  
 Beatus autour seculi,  
 Seruile corpus induit,  
 Vt carne carnem liberans,  
 Non perderet quos condidit,  
 Castæ parentis viscera,  
 Cœlestis intrat gratia,  
 Venter puellæ baiulat,  
 Secreta quæ non nouerat.  
 Domus pudici pectoris,  
 Templum repente fit Dei,  
 Intacta nesciens virum,  
 Verbo concepit filium.  
 Enixa est puerpera,  
 Quem Gabriel prædixerat,  
 Quem matris aluo gestiens,  
 Clausus Ioannes senserat.



## H Y M N I.

Fœno iacere pertulit,  
Præsepe non abhorruit,  
Paruoq; lacte passus est,  
Per quem nec ales esurit.  
Gaudet chorus coelestium,  
Et angeli canunt Deo,  
Palamq; fit pastoribus,  
Pastor creator omnium.  
Gloria tibi Domine,  
Qui natus es de virgine,  
Cum Patre & sancto Spiritu,  
In sempiterna secula, Amen.

Aliud carman Trochaicum, Aca-  
talectico & curripidio alternatim  
currens, Autor Prudentius.

**C**Orde natus ex parentis,  
Ante mundi exordium,  
Alpha & o cognominatus,  
Ipse fons & clausula,  
Omnium quæ sunt, fuerunt,  
Quæq; post futura sunt,  
Seculorum seculis.  
O beatus partus ille,  
Virgo cum puerpera,  
Ædedit nostram salutem,  
Foeta sancto Spiritu,  
Et puer redemptor orbis,

Os



Os sacratum protulit,  
 Seculorum seculis,  
 Psallat altitudo coeli,  
 Psallant omnes Angeli,  
 Quicquid est virtutis vsquam,  
 Psallat in laudem Dei:  
 Nulla linguarum filescat,  
 Vox & omnis consonet,  
 Seculorum seculis,  
 Ecce quem vates vetustis,  
 Concinebant seculis,  
 Quem Prophetarum fideles  
 Paginae sponderant,  
 Emicat promissus olim,  
 Cuncta collaudent Deum,  
 Seculorum seculis,  
 Te senes & te iuuentus,  
 Paruulorum te chorus,  
 Turba matrum virginumq;  
 Simples puellulae,  
 Voce concordēs pudicis,  
 Perstrepant concentibus,  
 Seculorum seculis,  
 Tibi Christe sit cum Patre,  
 Hagioq; Pneumate,  
 Hymnus, melos, laus perennis,  
 Gratiarum actio,  
 Honor, virtus, victoria,  
 Regnum aeternaliter.  
 Seculorum seculis, Amen.      N s      In



H Y M N I.

In Epiphania Domini, Hymnus  
Iambicus, Archilochicus, Sedu-  
lius autor.

**H** Erodes hostis impie,  
Christum venire quid times?  
Non arripit mortalia,  
Qui regna dat cœlestia.  
Ibant Magi quam viderant,  
Stellam sequentes præuiam,  
Lumen requirunt lumine,  
Deum fatentur munere.  
Lauacra puri gurgitis,  
Cœlestis agnus attigit,  
Peccata quæ non derulit,  
Nos abluendo sustulit.  
Nouum genus potentia,  
Aquæ rubescunt hydriæ,  
Vinumq; iussa fundere,  
Mutauit vnda originem.  
Gloria tibi Domine,  
Qui apparuisti hodie,  
Cum Patre & sancto Spiritu,  
In sempiterna secula, Amen.

Dominica Septuagesimæ,  
Hymnus,

Hymni



**HYMNOS QVOSDAM**  
 addidi, pios quidem & synceros ex  
 sacra scriptura, sed quorum aliqui non  
 nunquam haud satis respondent carminis  
 integritati, vt vel in Hymno, Conditor  
 alme, &c. statim in principio  
 videre licet.

**Iambicum Dimetrum cum**  
 mane surgis.

**I** Am lucis orto sidere,  
 Deum precemur supplices,  
 Vt in diurnis actibus,  
 Nos seruet a nocentibus.  
 Linguam refrenans temperet,  
 Ne litis horror insonet,  
 Visum fouendo contegat,  
 Ne vanitates hauriat.  
 Sint pura cordis intima,  
 Absistat & vecordia,  
 Carnis terat superbiam,  
 Potus cibiq; parcitas.  
 Vt cum dies abcesserit,  
 Noctemq; fors reduxerit,  
 Mundi per abstinentiam,  
 Ipsi canamus gloriam.

N 6

Deo



## H Y M N I.

Deo patri sit gloria,  
Eiusq; soli filio,  
Cum Spiritu paracleto,  
Nunc & per omne seculum, Amen.

Iambicum Dimetrum, circa nonam horam octauam, quo tempore venit in igne Spiritus sanctus super discipulos in die Pentecostes.

**N**unc sancte nobis Spiritus,  
Unum patri cum filio,  
Dignare promptus ingeri,  
Nostro refusus pectori.  
Os, lingua, mens, sensus, vigor,  
Confessione personent,  
Flammescat igne charitas,  
Accendat ardor proximos.  
Præsta pater pijsime,  
Patriq; compar vnice,  
Cum Spiritu paracleto,  
Nunc & per omne seculum.

Iambicum Dimetrum, in meridie feruente sole, circa vndecimam nonam horam & postea.

Rector



**R**ector potens, verax Deus,  
 Qui temperas rerum vices,  
 Splendore mane instruis,  
 Et ignibus meridiem,  
 Extingue flammam litium,  
 Aufer calorem noxium,  
 Confer salutem corporum,  
 Veramque pacem cordium,  
 Præsta, &c.

Iambicum Dimetrum, circa horam  
 secundam, quando Christus sacra  
 morte expiravit.

**R**erum Deus tenax vigor,  
 Immotus in te permanens,  
 Lucis diurnæ tempora,  
 Successibus determinans,  
 Largire clarum vespere,  
 Quo vita nusquam decidat,  
 Sed præmium mortis sacræ,  
 Perennis instet gloria,  
 Præsta, &c.

Iambicum Dimetrum,  
 cadente Sole.

Ⓛ Lux beata Trinitas,  
 Et principalis vnitas,  
 N 7

Iam



## H Y M N I.

Iam sol recedit igneus,  
Infunde lumen cordibus.  
Te mane laudum carmine,  
Te deprecemur vespere,  
Te nostra supplex gloria,  
Per cuncta laudet secula.  
Deo patri, &c.

### Aliud.

**D**Eus creator omnium,  
Polisq; rector, vestiens  
Diem decoro lumine,  
Noctem soporis gratia,  
Artus solutos vt quies,  
Reddat laboris vsui,  
Mentesq; fessas alleuet,  
Luctusq; soluat anxios.  
Grates peracto iam die,  
Et noctis exortu preces,  
Voti reos vt adiuues,  
Hymnum canentes soluimus.  
Te cordis ima concinant,  
Te vox canora concrepet,  
Te diligat castus amor,  
Te mens adoret sobria.  
Vt cum profunda clauserit,  
Diem caligo noctium,  
Fides tenebras nesciat,  
Et nox fideli luceat.

Dors



Dormire mentem ne sinas,  
 Dormire culpa nouerit,  
 Castos fides refrigerans,  
 Somni vaporem temperet.

Exuta sensu lubrico,  
 Te cordis alta somnient,  
 Ne hostis inuidi dolo,  
 Pavor quietos suscitet.  
 Christum rogemus & patrem,  
 Christi patrisq; Spiritum,  
 Vnum potens per omnia,  
 Foue precantes Trinitas.

## Aliud.

**T**E lucis ante-terminum,  
 Rerum creator poscimus,  
 Vt solita clementia,  
 Sis praesul & custodia.  
 Procul recedant somnia,  
 Et noctium fantasmata,  
 Hostemq; nostrum comprime,  
 Ne polluantur corpora.  
 Praesta pater omnipotens,  
 Per Iesum Christum Dominum,  
 Qui tecum in perpetuum,  
 Regnat cum sancto Spiritu.

## Aliud.

Chri



H Y M N I.

**C**hriste qui lux es & dies,  
Noctis tenebras detegis,  
Lucisq; lumen crederis,  
Lumen beatum prædicans.  
Precamur sancte Domine,  
Defende nos in hac nocte,  
Sit nobis in te requies,  
Quietam noctem tribue.  
Ne grauis somnus irruat,  
Nec hostis nos surripiat,  
Nec caro illi consentiens,  
Nostibi reos statuat.  
Oculi somnum capiant,  
Cor semper ad te vigilet,  
Dextera tua protegat  
Famulos qui te diligunt.  
Defensor noster aspice,  
Insidiantes reprime,  
Guberna tuos famulos,  
Quos sanguine mercatus es.  
Memento nostri Domine,  
In graui isto corpore,  
Qui es defensor animæ,  
Adesto nobis Domine.  
Deo patri sit gloria, &c.

Aliud.

**I**esu redemptor seculi,  
Verbum patris altissimi,

Lux



Lux lucis inuisibilis,  
 Custos tuorum peruigil.  
 Tu fabricator omnium,  
 Discretor atq; temporum,  
 Fessa labore corpora,  
 Noctis quiete recrea.  
 Te deprecamur supplices,  
 Vt nos ab hoste liberares,  
 Ne valeat seducere,  
 Tuo redemptos sanguine.  
 Vt dum graui hoc in corpore,  
 Breui manemus tempore,  
 Sic caro nostra dormiat,  
 Vt mens soporem nesciat.  
 Sit Christe rex piissime,  
 Tibi patriq; gloria,  
 Cum spiritu paracleto,  
 Et nunc & in perpetuum.

Chori Iambicum Prudentij  
 quando incenditur vesperi  
 lumen.

**I**nuentor rutili dux bone luminis,  
 Qui certis vicibus tempora diuidis,  
 Merso sole chaos, ingruit horridum,  
 Lumen redde tuis Christe fidelibus.  
 Quamuis innumero sidere regiam,  
 Lunariq; polum lampade pinxeris,  
 Incussu



## HYMN I.

Incussu silicis lumina nos tamen,  
Monstras saxigeno semine quærere.  
Ne nesciret homo spem sibi luminis,  
In Christo solido corpore conditam,  
Qui dici stabilem se voluit petram,  
Nostris igniculis vnde genus venit.  
Pinguis quos olei rore madentibus,  
Lychnis ac facibus pascimus aridis,  
Quin & fila fauis scirpea floreis,  
Presso melle prius collita fingimus.  
Viua flamma viget ceu caua testula,  
Succum linceolo suggerit ebrio,  
Seu pinus piceam fert alimoniam,  
Seu ceram teretem stupa calens bi-  
bit.  
Splendent ergo tuis muneribus Pater,  
Flammis mobilibus scilicet atria,  
Absentemq; diem lux agit æmula,  
Quam nox cum lacero victa fugit pe-  
plo.  
Per Christum genitum summe pater tu-  
um,  
In quo visibilis stat tibi gloria,  
Quis noster Dominus, quis tuus vni-  
cus,  
Spirat de patrio corde paracletum,  
Per quem splendor, honos, laus, sapien-  
tia,  
Maiestas, bonitas & pietas tua.  
Regnum



Regnum continuat, numine triplici,  
 Texensperpetuis secula seculis.  
 Amen,

Iambicum Dimetrum, de opere  
 uel creatione primæ diei, quæ  
 nunc est Dominica.

**L**ucis creator optime,  
 Lucis dierum proferens,  
 Primordijs lucis nouæ,  
 Mundi parans originem.  
 Qui mane iunctum vesperi,  
 Diem vocari præcipis,  
 Tetrum chaos illabitur,  
 Audi præces cum fletibus.  
 Ne mens grauata crimine,  
 Vitæ sit exul munere,  
 Dum nil perenne cogitat,  
 Seseq; culpis illigat.  
 Cœlorum pulset intimum,  
 Vitale tollat præmium,  
 Vitemus omne noxium,  
 Purgemus omne pessimum.  
 Præsta pater per filium,  
 Præsta per alium Spiritum,  
 Cum his per æuum triplici,  
 Vnus Deus cum numine,

Iambi



H Y M N I.

Iambicum Dimetrum, de  
opere, secundæ diei.

**I**mmense cœli conditor,  
Qui mixta ne confunderes,  
Aquæ fluenta diuidens,  
Cœlum dedisti limitem.  
Firmans locum coelestibus,  
Simulq; terræ riuulis,  
Ut vnda flammâs temperet,  
Terræ solum ne dissipent.  
Infunde nunc pijsime,  
Donum perennis gratiæ,  
Fraudis nouæ ne casibus,  
Nos error atterat vetus.  
Lucem fides inueniat,  
Sic lumints iubar ferat,  
Ut vana cuncta terreat,  
Hanc falsa nulla comprimant.  
Præsta pater pijsime, &c.

Iambicum Dimetrum, de  
opere tertiæ diei.

**T**elluris ingens conditor,  
Mundi solum qui detegens,  
Pulsis aquæ molestijs,  
Terram dedisti immobilem.  
Ut germen aptum proferens,

Fuluis



Fuluis decora floribus,  
 Fœcunda fructu sifteret,  
 Pastumq; gratum redderet.  
 Mentis perustæ vulnera,  
 Munda vigore gratiæ,  
 Ut facta fletu diluat,  
 Motuscq; prauos atterat.  
 Iussis tuis obtemperet,  
 Nullis malis approximet,  
 Bonis repleti gaudeat,  
 Et mortis ictum nesciat.  
 Præsta pater, &c.

Iambicum Dimetrum, de  
 opere quartæ diei.

**C**OEII Deus sanctissime,  
 Qui Lucidum centrum poli,  
 Candore pingis igneo,  
 Augens decoro lumine.  
 Quarto die qui flammeam,  
 Solis rotam constituens,  
 Lunæ ministras ordini,  
 Vagos recursus siderum.  
 Ut noctibus vel lumini,  
 Diremptionis terminum,  
 Primordijs & mensium,  
 Signum dares notissimum.  
 Illumina cor hominum,

Abster



H Y M N I .

Absterge fordes mentium,  
Resolue culpæ vinculum,  
Euerte moles criminum,  
Præsta Pater pijsime, &c.

Iambicum Dimetrum, de  
opere quintæ diei.

**M** Agnæ Deus potentia,  
Qui ex aquis ortum genus,  
Partim remittis gurgiti,  
Partim leuas in aera.  
Demersa limphis imprimens,  
Subuecta coelis irrogans,  
Ut stirpe vna prodita.  
Diuersa rapiant loca.  
Largire cunctis feruulis,  
Quos mundat vnda sanguinis,  
Nescire lapsus criminum,  
Nec ferre mortis tædium,  
Ut culpa nullum deprimat,  
Nullum leuet iactantia,  
Elisa mens ne concidat,  
Elata mens nec corruat.  
Præsta Pater pijsime, &c.

Iambicum Dimetrum, de  
opere Sextæ diei.

Plasma



**P**lasmator hominis Deus,  
 Qui cuncta solus ordinans,  
 Humum iubes producere,  
 Reptantis & feræ genus.  
 Qui magna rerum corpora,  
 Dicto iubentis viuida,  
 Ut seruiant per ordinem,  
 Subdens dedisti homini.  
 Repelle a seruis tuis,  
 Quicquid per immundiciam,  
 Aut moribus se suggerit,  
 Aut actibus se interserit.  
 Da gaudiorum præmia,  
 Da gratiarum munera,  
 Dissolue litis vincula,  
 Astringe pacis fœdera.  
 Præsta pater pijsime, &c.

## Aliud Fortunati.

**A**gnoseat omne seculum,  
 Venisse vitæ præmium,  
 Post hostis asperi iugum,  
 Apparuit redemptio.  
 Esaias quæ cecinit,  
 Completa sunt in virgine,  
 Annunciauit Angelus,  
 Sanctus compleuit Spiritus,  
 Maria ventre concipit,  
 Verbi fidelis semine,

Quem



## HYMNI.

Quem totus orbis non capit,  
Portant puellæ viscera,  
Radix Iesse iam floruit,  
Et virga fructum edidit,  
Fœcunda partum protulit,  
Et virgo mater permanet.  
Præsepi imponi pertulit,  
Qui lucis autor extitit,  
Cum patre cœlos condidit,  
Sub matre pannos induit.  
Legem dedit qui seculo,  
Cuius decem præcepta sunt,  
Dignando factus est homo,  
Sub legis ipse vinculo.  
Adam vetus quod polluit,  
Adam nouus hoc abluit,  
Tumens quod ille deſcit,  
Humillimus hic erigit.  
Iam nata est lux & salus,  
Fugata nox & victa mors,  
Venite gentes credite,  
Deum Maria protulit.  
Cum patre laus sit filio,  
Cum Spiritu paracletø,  
Quo prægnans virgo mater est,  
Manet Deus qui nascitur.

Elegiacum, in die  
Palmarum,

Gloria



**G**loria laus & honor tibi sit rex  
Christe redemptor.  
Cui puerile decus prompsit Osa-  
na psum.

Israel tu Rex, Davidis & inclyta pro-  
les,

Nomine qui in Domini Rex benedicte  
venis.

Coetus in excelsis te laudat coelitus om-  
nis.

Et mortalis homo, cuncta creata si-  
mul.

Plebs Hebræa tibi cum palmis obuia  
venit.

Cum prece, voto, hymnis, assumus ec-  
ce tibi,

Hi placuere tibi placeat deuotio nostra.  
Rex pie, Rex clemens, cui bona cun-  
cta placent.

Hi tibi passuro soluebant munia lau-  
dis,

Nos tibi regnanti pangimus ecce me-  
los.

Trochaicum fortunati, acatalecti-  
co & catalectico alternis incedens,  
de Passione Domini

O

Pange



## H Y M N I.

**P** Ange lingua gloriosi  
Prælium certaminis,  
Et super crucis trophæo,  
Dic triumphum nobilem,  
Qualiter redemptor orbis,  
Immolatus vicerit.

De parentis protoplasti,  
Fraude factor condolens,  
Quando pomi noxialis  
Morsu, in mortem corrumpit,  
Ipse lignum tunc notauit,  
Damna ligni vt solueret.

Hoc opus nostræ salutis  
Ordo depoposcerat,  
Multiformis proditoris,  
Ars vt artem falleret,  
Et medelam ferret inde,  
Hostis vnde læserat.

Quando venit ergo sacri  
Plenitudo temporis,  
Missus est ab arce patris  
Natus orbis conditor.  
Atq; ventre virginali,  
Caro factus prodijt.

Vagit infans inter arcæta  
Conditus præsepia,  
Membra pannis inuoluta  
Virgo mater alligat,  
Et pedes manusq; crura,

Stricta



Stricta cingit fascia.  
 Lustra sex qui iam peracta,  
 Tempus implens corporis,  
 Se volente natus atq; huic,  
 Passioni deditus,  
 Agnus in cruce leuatur,  
 Immolandus stipite.  
 Hic acetum, fel, arundo,  
 Sputa, clavi, lancea,  
 Mite corpus perforatur,  
 Sanguis vnda, profluit,  
 Terra, pontus, astra, mundus,  
 Quo lauantur flumine.  
 Crux fidelis inter omnes,  
 Arbor vna nobilis,  
 Nulla sylua talem profert,  
 Fronde, flore, germine,  
 Dulce lignum, dulces clauos,  
 Dulce pondus sustinet.  
 Flecte ramos arbor alta,  
 Tensa laxa viscera,  
 Et rigor lentescat ille,  
 Quem dedit natiuitas,  
 Quo superni membra regis,  
 Miti tendas stipite,  
 Sola digna tu fuisti,  
 Ferre secli præmium,  
 Atq; portum præparare,  
 Nauta mundo naufrago,

O 2

Quem



H Y M N I.

Quem sacer cruor perunxit,  
Fusus agni corpore.

P R V D E N T I V S.

Vidit anguis immolatam,  
Corporis sacri hostiam,  
Vidit & fellis perusti,  
Mox venenum perdidit,  
Saucius dolore multo,  
Colla fractus sibilat.

Quid tibi prophane serpens,  
Profuit rebus nouis,  
Plasma primum perculisse,  
Versipelli astutia?  
Diluit culpam, recepta  
Forma mortali Deus.

Additum aliunde,

Genitori genitoq;  
Laus & iubilatio,  
Salus, honor, virtus quoq;  
Sit & benedictio,  
Procedenti ab utroq;  
Compar sit laudatio,

Aliud, sed Iambicum Dis  
metrum,

**R** Ex Christe factor omnium,  
Redemptor & credentium,  
Placa



Placare votis supplicum,  
 Te laudibus colentium.  
 Cuius benigna gratia,  
 Crucis per alma vulnera,  
 Virtute soluit ardua,  
 Primi parentis vincula,  
 Qui es creator siderum,  
 Tegmen subisti carneum,  
 Dignatus hanc vilissimam,  
 Pati doloris formulam,  
 Ligatus es vt solueres,  
 Mundi ruentis complices,  
 Per probra tergens crimina,  
 Quæ mundus auxit plurima,  
 Cruci redemptor figeris,  
 Terram sed omnem concutis,  
 Tradis potentem spiritum,  
 Nigrescit atq; seculum.  
 Mox in paternæ gloriæ,  
 Victor resplendens culmine,  
 Tu Spiritus munimine,  
 Defende nos rex optime.

Elegiacum Paschale,  
 Lactanti.

**S** Alue festa dies toto venerabilis  
 æuo.  
 Qua Deus infernum vicit & astra  
 tenet,

O 3

Ecce



## H Y M N I.

Ecce renascentis testatur gratia mundi,  
Omnia cum Domino, dona redisse suo,  
Namq; triumphanti post tristia tartara  
Christo,

Vndiq; fronde nemus, gramina flore  
fauent.

Légitibus inferni oppressis super astra me-  
antem,

Laudant rite Deum, lux, polus, arua,  
fretum.

Qui crucifixus erat Deus ecce per omnia  
regnat,

Dantq; creatori cuncta creata precem.

Christe salus rerum, bone conditor atq;  
redemptor.

Vnica progenies ex deitate patris,

Solue carenatas inferni carceris vmbra,

Et reuoca sursum quicquid ad ima ruit:  
Amen.

## Sapphicum Paschale.

*Resurrexeris*  
**V** Ira sanctorum, decus Angelorum,  
Vita cunctorum pariter pio-  
rum,

Christe qui mortis moriens ministrum  
Exuperasti.

Tu tuo lætos famulos trophæo,

Nunc



Nunc in his serua placidis diebus,  
In quibus sanctum celebratur omnem  
Pascha per orbem.

Pascha quo victor' rediens ab imo,  
Atq; cum multis alijs resurgens,  
Ipse susceptam super alta carnem,  
Astra leuasti.

Nunc in excelsis Dominus refulgens,  
Et supra coelos Deus eleuatus,  
Inde venturus homo iudicatus,  
Denuo iudex.

Corda tu sursum modo nostra tolle,  
Quo patri dexter resides in alto,  
Ne resurgentes facias in ima  
Præcipitari.

Hoc pater tecum, hoc idem sacratus,  
Præstet amborum pie Christe flatus,  
Cum quibus regnas, Deus vnus om-  
ni

Iugiter æuo.

Aliud, Sed Dimetrum  
specie Iambici,

**I**esu nostra redemptio,  
Amor & desiderium,  
Deus creator omnium,  
Homo in fine temporum.

Q 4

Quæ



## H Y M N I.

Quæ te vicit clementia,  
Vt nostra ferres crimina,  
Crudelem mortem patiens,  
Vt nos a morte tolleres.  
Inferni claustra penetrans,  
Tuos captiuos redimens,  
Victor triumpho nobili,  
Ad dexteram patris residens?  
Ipsa te cogat pietas,  
Vt mala nostra superes,  
Parcendo & voti compotes,  
Nos tuo vultu faties,  
Tu esto nostrum gaudium,  
Qui es futurus præmium,  
Sit nostra in te gloria,  
Per cuncta semper secula.  
Gloria tibi Domine,  
Qui surrexit a morte,  
Cum Patre & sancto Spiritu,  
In sempiterna secula.

### Choriambicum, De Ascen- sione Domini.

**F**estum nunc celebre, magnaꝝ gau-  
dia,  
Compellunt animoꝝ carmina pro-  
mere.  
Cum Christus solium scandit ad arduum  
Cœlorum pius arbiter,

Con



Conscendit iubilans lætus ad æthera,  
 Sanctorum populus, prædicat inclytum  
 Concinit pariter angelicus chorus,  
 Victoris boni gloriam.

Quis candens superos vincula vinxerat,  
 Donans terrigenis munera plurima,  
 Districtus rediet arbiter omnium,  
 Qui mitis modo transiit.

Oramus Domine conditor inclyte,  
 Deuotos famulos respice protege,  
 Ne nos liuor edax dæmonis obruat,  
 Demergat vel in inferos.

Vt cum flammivoma nube reuerteris,  
 Occulta hominum pandere iudicans,  
 Ne des supplicia horrida noxijs,  
 Sed iustis bona præmia.

Præsta hoc genitor optime maxime,  
 Hoc tu nate Dei & bone Spiritus,  
 Regnans perpetuo fulgida Trinitas,  
 Per cuncta pie secula.

Iambicum Dimetrum, ad  
 sanctum Spiritum.

**V**eni creator Spiritus,  
 Mentem tuorum visita,  
 Imple superna gratia,  
 Quæ tu creasti pectora,  
 Qui paracletus diceris,

O s

Donum



## H Y M N I.

Donum Dei altissimi,  
Fons viuus, ignis, charitas,  
Et spiritalis vnctio.  
Tu septiformis munere,  
Dexteræ Dei tu digitus,  
Tu rite promissum Patris,  
Sermone ditans guttura,  
Accende lumen sensibus,  
Infunde amorem cordibus,  
Infirma nostri corporis,  
Virtute firmans perpetim.  
Hostem repellas longius,  
Pacemq; dones protinus,  
Ductore sic te præuio,  
Vitemus omne noxium.  
Per te sciamus da patrem,  
Noscamus atq; filium,  
Te vtriusq; Spiritum,  
Credamus omni tempore.  
Sit laus Patri cum filio,  
Sancto simul paracletio,  
Nobisq; mittat filius,  
Charisma sancti Spiritus.

Trochaicum Thomæ Aquinatis,  
acatalectico & catalectico alternatim  
currens de cœna Domini. Vide-  
tur rithmus potius.

Pange



**P** Ange lingua gloriosi,  
 Corporis mysterium,  
 Sanguinisq; preciosi,  
 Quem in mundi precium,  
 Fructus ventris generosi,  
 Rex effudit gentium.

Nobis natus, nobis datus,  
 Ex intacta virgine,  
 Et in mundo conuersatus,  
 Sparso verbi semine,  
 Sui moras incolatus,  
 Miro clausit ordine.

In supremæ nocte cœnæ,  
 Recumbens cum fratribus,  
 Obseruata lege plene,  
 Cibis in legalibus,  
 Cibum turbæ duodenæ,  
 Se dat suis manibus.

Verbum caro panem verum,  
 Verbo carnem efficit,  
 Fitq; sanguis Christi merum,  
 Etsi sensus deficit,  
 Ad firmandum cor syncerum,  
 Sola fides sufficit.

Tantum ergo sacramentum,  
 Veneremur cernui,  
 Et antiquum documentum,  
 Nouo cedat ritui,  
 Præstet fides supplementum,  
 Sensuum defectui.

O 6

Gent'



## H Y M N I.

Genitori genitoꝝ,  
Laus & iubilatio,  
Salus, honor, virtus quoꝝ,  
Sit & benedictio,  
Procedenti ab utroꝝ,  
Compar sit laudatio,

Iambicum Dimetrum, de matre  
Dei, virgine sanctissima.

**F**uit porta Christi peruia,  
Referta, plena gratia,  
Transitꝝ rex & permanet,  
Clausa vt fuit per secula.  
Genus superni luminis,  
Processit aula virginis,  
Sponsus redemptor conditor,  
Sux Gigas Ecclesix.  
Honor matris & gaudium.  
Immensa spes credentium.  
Per atra mortis pocula,  
Resoluit nostra crimina.  
Gloria tibi Domine,  
Qui natus es de virgine,  
Cum patre & sancto spiritu,  
In sempiterna secula.

Aliud, sed Elegiacum,

Virgo



**V**irgo Dei genitrix, quem totus  
non capit orbis,  
In tua se clausit viscera factus ho-  
mo.

Vera fides geniti purgavit crimina mun-  
di,

Et tibi virginitas inuiolata manet.

Gloria magna patri, compar tibi gloria  
Nate,

Flamine cum sancto, gloria magna  
patri.

Iambicum Dimetrum Philip-

pus Melanth. de S. Iohan.

Baptista.

**A** Eterno gratias Patri  
Omnes canant Ecclesiae.  
Quod nuncium verbi sui,  
Iohannem nobis miserit.

Hic mores exui malos  
Iussit, metuq; iudicis  
Mox adfuturi terruit  
Superbas mentes omnium.

Rursusq; perculos metu,  
In spem uitæ certam vocat.  
Et monstrat agnum digito,  
Qui placat vnicus Deum.

Hæc ille firmo pectore

O 7

Docet



## HYMNI.

Docet Christumq; prædicat.  
Venire, cœu solem nouum  
Prodire aurora nunciat.  
Nec Pharisei Spiritum  
Eregerunt ingentem viri,  
Helias alter hic fuit.  
Hypocritas dum arguit,  
Te summe rogamus Pater,  
Vt corda nostra suscites,  
Vt vere possint credere,  
Ioannis testimonio, Amen.

Iambicum Dimetrum, de Maria  
Dei genetrice visitante Elisabeth, Au-  
tore Philippo Melanphone.

**A** Eterne gratias tibi  
Dicamus omnes conditor,  
Quod inter hostes plurimos  
Ecclesiam seruas tamen,  
Vt inter arma gentium,  
Herodes & satellites,  
Interq; tetros dogmatum,  
Furores & deliria,  
Seruas Mariam Virginem,  
Domumq; castæ Elisabeth,  
Quæ prædicant munus tuum,  
Datumq; Christum nunciant.  
Non pontifex, non principes;

Et



Etsi sciunt oracula  
 Vatum, venisse nouerant  
 Salutis autorem nouæ,  
 Sed dulcis hæc Elisabeth  
 Et virginis congressio,  
 Arcana promit cæteris  
 Vere Deum colentibus.  
 Alioq; foetus conditus,  
 Longo sacerdotum agmini,  
 Agnoscit ignotum ducem,  
 Adorat & gestu suo.  
 Hæc prima Synodus fuit,  
 Testata de Christo duce,  
 Postquam statuto tempore,  
 Verbum patris factum est caro.  
 Accensa testimonijs,  
 In corde nostro talibus,  
 Colat fides & inuocet,  
 Christum Mariæ Filium.  
 Opemq; spe firma petat,  
 Missumq; credat a Patre,  
 Vt inuocantes adiuuet,  
 Malisq; cunctis liberet, Amen.

Aliud, Pauli Eberis,

**Q**uam læta perfert nuncia,  
 Dum Galilæis finibus,  
 Relictis cognatam suam.  
 Procul Maria visitat &

Quam



## H Y M N I.

Quanto Mariam gaudio,  
Elisabeth complectitur?  
Quam scit, monente Spiritu,  
Gestare promissum ducem?  
Qui conciliaturus Deo,  
Patri sit humanum genus,  
Lapsu quod olim se graui,  
A conditore auerterat.  
Quem flagitauerant Patres,  
Multis venire seculis.  
Hunc Matris inclusus suæ,  
Aluo Iohannes excipit.  
Et prædicare quem pia,  
Lingua nequit mutus senex,  
Hunc mente adorat, indicans,  
Gestu Dei præsentiam.  
Hanc parua continet casa,  
Ecclesiæ turbam nouæ,  
Quæ prima declarat ratum.  
Verbum Dei, de semine.  
Dum tentat Herodes suum,  
Firmare regnum cœdibus,  
Et helluatur Cayphas,  
Piosq; Doctores necat.  
Perinde nunc Ecclesiam,  
Arctæ tenent angustia,  
Quam turbat aut erroribus,  
Aut cœdibus dirus Draco:  
Hanc tu, carentem robore

Firmisq;



Firmisq; defensoribus,  
Tuere Christe quæsumus,  
Laudes tuas vt prædicet.

De Angelis Sapphicon, Philip  
pi Melanthonis.

**D**icimus grates tibi summe rerum  
Conditor, Gnato tua quod minis  
tros

Flammeos, finxit manus, Angelorum  
Agmina pura.

Qui tuæ lucis radijs vibrantes,  
Te vident lætis oculis, tuasq;  
Hauriunt voces, sapientiæq;  
Fonte fruuntur.

Hos nec ignauum finis esse vulgus,  
Nec per ingentes volitare frustra  
Ætheris tractus, temere nec inter  
Ludere ventos.

Sed iubes Christo comites adesse,  
Et pios coetus hominum tueri,  
Qui tuas leges venerantur, atq;  
Discere curant.

Impiis ardens odijs & ira,  
Nam tuis castris Draco semper infert  
Bella, qui primus scelus, atq; mortem  
Intulit orbi.

Hic domos, vrbes, tua templa, gentes

Et



## H Y M N I.

Et tuæ legis monumenta tota,  
Et bonos mores abolere tentat  
Funditus omnes.

Interim sed nos tegit Angelorum,  
Quæ ducem Christum sequitur, caterua,  
Atq; grassantis reprimit cruenta  
Arma draconis.

Angeli Lothon Sodomæ tuentur,  
Inter infestos Elisæus hostes,  
Angelis cinctus, nihil extimescit  
Bellica signa.

Tutus est inter medios Leones  
Angelis septus Daniel Propheta,  
Sic tegit semper Deus his ministris  
Omnia nostra.

Hoc tuum munus celebramus vna,  
Et tibi noster chorus, Angeliq;  
Gratias dicunt simul accincentes  
Conditor alme.

Et tuo templo vigiles vt addas  
Angelos semper populoq;, gnati  
Qui tui verbum colit, obsecramus  
Pectore toto.

## A M E N.

Sequuntur



SE Q V V N  
 TVR ORATIONES  
 Ecclesiasticæ, per totum annum,  
 quas vulgo Collecias vocant, quæ  
 spirant adhuc Christianam  
 & Catholicam Ec-  
 clesiam.

## DE TEMPORE.

Dominica Prima.  
 Aduentus.

Ver. Vias tuas Domine demonstra  
 mihi,

Et semitas tuas doce me.

**E**Xculta quæsumus Domine poten-  
 tiam tuam & Veni, vt ab immi-  
 nentibus peccatorum nostrorum  
 periculis te mereamur protegente eripi,  
 & te liberante saluari, Qui viuis & reg-  
 nas Deus, &c.

## Dominica Secunda.

Ver. Ex Sion species decoris eius.  
 Deus noster manifeste veniet.

Exculta



## ORATIONES.

**E**Xcita Domine corda nostra ad  
præparandas vnigeniti tui vias, vt  
per eius aduentum purificatis tibi  
mentibus seruiamus. Qui viuís &, &c.

### Dominica Tertia.

**Versus.** Memento nostri Domine in  
beneplacito populi tui.  
Visita nos in salutari tuo.

**A**Vrem tuam quæsumus Domine  
precibus nostris accommoda, &  
mentis nostræ tenebras gratia tuæ  
visitationis illustra. Per Dominum no-  
strum.

**C**ONcede quæsumus omnipotens  
Deus, vt qui sub peccati iugo ex  
vetusta seruitute deprimimur, ex-  
pectati vnigeniti filij tui noua natiuitate  
liberemur. Per eundem Dominum.

### Dominica Quarta.

**Ver.** Nolite timere pusillanimes.  
Deus noster veniet & saluabit nos.

**E**Xcita quæsumus Domine poten-  
tiam tuam & veni, & magna no-  
bis virtute succurre, vt per auxili-  
um gratiæ tuæ, quod nostra peccata  
præpo-



præpediunt, indulgentia tuæ propitiatio-  
nis acceleret. Qui uiuis, &c.

In die natiuitatis Christi.

Versus. Puer natus est nobis.

Et filius datus est nobis.

**D**Eus qui sacratissimam noctem ve-  
ri luminis illustratione fecisti cla-  
rescere, da quæsumus, vt cuius lu-  
cis mysteria in terra cognouimus, eius  
quoq; gaudijs in coelo perfruamur, Qui  
tecum uiuit & regnat Deus &c.

**D**A quæsumus omnipotens Deus, vt  
qui noua incarnati uerbi tui luce  
perfundimur, hoc in nostro resplen-  
deat opere, quod per fidem fulget in  
mente. Per Dominum.

**C**oncede quæsumus omnipotens  
Deus, vt nos vnigeniti tui noua  
per carnem Natiuitas liberet, quos  
sub peccati iugo vetusta seruitus tenet,  
Per Dominum, &c.

Dominica Prima post Nati-  
uitatis Christi.

Ver. Dominus regnauit decorem indu-  
tus est.

Indutus est Dominus fortitudinem &  
præcinxit se.



## ORATIONES.

**O**Mnipotens sempiterne Deus, dirige actus nostros in beneplacito tuo, vt in nomine dilecti filij tui mereamur bonis operibus abundare, per Dominum, & c.

### IN DIE EPIPHANIAE.

Ver. Venient ad te qui detrahebant tibi,

Et adorabunt vestigia pedum tuorum.

**D**Eus illuminator omnium gentium, qui hodierna die vnigenitum tuum gentibus stella duce reuelasti, da populis tuis perpetua pace gaudere, & illud lumen splendidum infunde cordibus nostris, quod trium Magorum mentibus aspirasti. Per Dominum.

### Dominica I. post Epiphaniæ.

Ver. Notum fecit Dominus salutare suum.

In conspectu gentium reuelauit iustitiam suam.

**V**Ora nostra Domine supplicantis populi tui coelesti pietate prosequere, vt ea quæ agenda sunt, videant, & ad implenda quæ viderint, conualescant. Per Dominum.

Domine



## Dominica Secunda,

Ver. Omnis terra adoret te Deus,  
Et psalmum dicat nomini tuo altissime.

**O**Mnipotens sempiterne Deus, qui  
coelestia simul & terrestria mode-  
raris, supplicationes nostras cle-  
menter exaudi, & pacem tuam nostris  
concede temporibus, Per Dominum, &c.

## Dominica Tertia.

Ver. Dominus regnavit, exultet terra,  
Lætentur insulæ multæ.

**O**Mnipotens & æterne Deus, infir-  
mitatem nostram propitius respi-  
ce, atq; ad protegendum nos dex-  
teram tuæ maiestatis extende. Per Do-  
minum nostrum, &c.

## Dominica Quarta,

Ver. Domine exaudi orationem me-  
am, &c.

Et clamor meus ad te veniat.

**D**Eus qui nos in tantis periculis  
constitutos pro humana scis fragi-  
litate non posse subsistere, da nobis  
salutem mentis & corporis, vt ea quæ pro  
peccatis nostris nos affligunt, te adiuuan-  
te vincamus. Per Dominum.

Domine



ORATIONES.  
Dominica Quinta.

Ver. Domine exaudi orationem meam

Et clamor meus ad te veniat.

**F**amiliam tuam quæsumus Domine,  
continua pietate custodi, vt quæ so-  
la spei gratiæ celestis innititur, tua  
semper protectione muniatur. Per.

Dominica Sexta.

Ver. Domine exaudi orationem meam.

Et clamor meus ad te veniat.

**C**onserua populum tuum Deus, &  
tuo nomini fac deuotum, vt diui-  
nis subiectus officijs, & temporalia  
vtiliter, & æterna dona foeliciter perci-  
piat. Per Dominum.

Dominica Septuagesimæ.

Ver. Diligam te Domine virtus mea.  
Dominus firmamentum meum, & refu-  
gium meum, & liberator meus.

**P**reces populi tui quæsumus Domi-  
ne clementer exaudi, vt, qui iuste  
pro peccatis nostris affligimur, pro  
tui nominis gloria misericorditer libere-  
mur. Per Dominum.

Domi



## Dominica Sexagesimæ.

Ver. Exurge Domine adiuua nos,  
Et redime nos propter nomen sanctum  
tuum.

**D**Eus qui conspicias, quia ex nulla  
nostra actione confidimus, concede  
propitius, vt contra omnia mundi pericu-  
la, & diaboli tentationes, tua benignitate  
muniamur. Per Dominum, &c.

## Dominica Quinquagesimæ.

Ver. In te Domine speraui, non confun-  
dar in æternum.

In iustitia tua libera me.

**P**Reces nostras quæsumus Domine  
clementer exaudi, atq; a peccatorum  
vinculis absolutos, ab omni nos ad-  
uersitate custodi. Per Dominum, &c.

Collecta, ad conclusionem  
Comunionis.

**G**Ratias tibi agimus omnipotens  
Deus, quod nos salutari hoc mu-  
nere recreasti, Teq; pro tua mi-  
sericordia rogamus, vt hoc nobis ad  
P cer



## ORATIONES.

certam fiduciam in te, & mutuam inter nos charitatem conducere facias. Per filium tuum Dominum nostrum Iesum Christum, &c.

### Dominica Secunda.

Ver. Ad te Domine leuavi animam meam.

Deus meus in te confido, non erubescam.

**D**Eus qui conspicias omni nos virtute destitui, interius exteriusque custodi, vt ab omnibus aduersitatibus muniamur in corpore, & a prauis cogitationibus mundemur in mente. Per Dominum, &c.

**D**Eus qui delinquentes perire non pateris, donec conuertantur & uiuant, debitam quæsumus peccatis nostris suspende vindictam, & præsta propitius, ne dissimulatio cumulet ultionem, sed tua pro peccatis misericordia semper abundet. Per Dominum.

### Dominica Tertia.

Ver. Ad te leuavi oculos meos,  
Qui habitas, in caelis.

Quæsi



ORATIONES.

170

**Q**uæsumus omnipotens Deus, vota humilium respice, atq; ad defensionem nostram dexteram tuæ maiestatis extende. Per Dominum.

Dominica Quarta.

Ver. Ab oculis meis munda me Domine,

Et ab alienis parce seruo tuo.

**C**oncede quæsumus omnipotens Deus, ut qui ex merito nostræ actionis affligimur, tuæ gratiæ consolatione respiremus, Per.

Dominica Quinta.

Ver. Cæli enarrant gloriam Dei,  
Et opera manuum eius annunciat firmiter  
mentum.

**D**eus qui ineffabilibus mundum renouas sacramentis, præsta quæsumus, ut plebs tua te largiente temporalibus non destituatur auxilijs, & te seruante æternis proficiat institutis, Per Dominum.

Dominica Sexta.

Ver. Domine ne longe facias auxilium tuum a me,

Ad defensionem meam respice.

P 2

Omni



## ORATIONES.

**O**Mnipotens sempiternæ Deus, qui humano generi ad imitandum humanitatis exemplum, saluatorem nostrum carnem sumere, & crucem subire fecisti. Concede propitius, vt patientiæ ipsius habere documenta, & resurrectionis consortia mereamur. Per eundem Dominum, &c.

### Collectam, per Hebdomadam Passionis Domini.

I.

Ver. Iudica Domine nocentes mihi,  
Expugna impugnantes me.

**D**A quæsumus omnipotens Deus, vt qui in tot aduersis ex nostra infirmitate deficimus, intercedente vnigeniti tui passione respiciamus. Per eundem.

II.

Ver. Eripe me de inimicis meis,  
Domine ad te confugi.

**O**Mnipotens æterne Deus, da nobis ita Dominicæ passionis Sacramenta peragere, vt peccatorum nostro



nostrorum indulgentiam percipere mereamur. Per eundem.

## III.

Ver. Domine exaudi orationem meam, &c.

**D**Eus qui pro nobis filium tuum crucis patibulum subire voluisti, ut inimici a nobis expelleres potestatem, concede nobis famulis tuis, ut per eiusdem filij tui passionem a morte perpetua liberemur, Amen.

## IIII.

Ver. Caro mea vere est cibus,  
Et sanguis meus vere est potus.

**D**Eus, qui nobis sub Sacramento mirabili passionis tuæ memoriam reliquisti, tribue quæsumus, ita nos corporis & sanguinis sacra mysteria venerari, ut redemptionis tuæ fructum in nobis iugiter sentiamus. Qui vivis.

## V.

Ver. Proprio filio suo non pepercit  
Deus,

Sed pro nobis omnibus tradidit illum.

P 5

Domine



## ORATIONES.

**D**omine Iesu Christe, qui confixus clavis, & suspensus pro redemptione generis humani proprium sanguinem fudisti, miserere nobis oppressis facinore & sorditatis, & presta vt per sanctissimam passionem & mortem tuam, contra omnes diaboli & peccatorum insidias nos tuearis, qui mortuus es, & resurrexisti, & viuis Deus per omnia secula benedictus.

### VI.

Ver. Dominus conterens bella,  
Dominus nomen illi.

**D**eus qui nos ad celebrandum Paschale Sacramentum vtriusq; testamenti paginis instruis, da nobis intelligere misericordiam tuam, vt ex perceptione presentium numerum firma sit expectatio futurorum, Per Dominum, &c.

## IN DIE PASCHAE.

Ver. In resurrectione tua Christe,  
Coelum & terra laetentur, Alleluia.

Deus



**D**Eus, qui per vnigenitum tuum æternitatis nobis aditum deuicta morte reſerasti, vota nostra quæ præueniendo aspiras, etiam adiuuando proſequere, vt & perfectam libertatem conſequi mereamur, & ad vitam proficiamus æternam. Per Dominum, &c.

**D**Eus qui hodiernum diem gloria Dominicæ reſurrectionis illustras, conſerua in nouæ familiæ tuæ proſenie adoptionis Spiritum quem dediſti, vt mente & corpore renouati, puram tibi exhibeant ſeruitutem. Per Dominum, &c.

Dominica Prima poſt  
Paſcha.

Ver. Paſcha noſtrum immolatus eſt  
Chriſtus,  
Epulemur in azymis ſynceritatis & ve-  
ritatis.

**D**Eus qui Eccleſiam tuam nouo ſem-  
per foetu lætificas, quicq; Paſchale  
Sacramentum in reconciliationis  
humanæ foedere contuliſti, da mentibus  
noſtris, vt quod profeſſione celebramus,  
imitemur affectu, Per Dominum.

P 4

Ver.



## ORATIONES.

### II.

Ver. Confitemini Domino quoniam  
bonus,  
Quoniam in seculum misericordia eius.

**D**Eus qui in filij tui humilitate ia-  
centem mundum erexisti, fidelibus  
tuis perpetuam concede lætitiã,  
vt quos perpetuæ mortis eripuisti. casu-  
bus, gaudijs facias sempiternis perfrui,  
Per Dominum nostrum.

### III.

Ver. Iubilate Deo omnis terra, Alleluia.  
Psalmum dicite nomini eius, Alleluia.

**D**Eus qui errantibus, vt in viam pos-  
sint redire iustitiæ, veritatis tuæ lu-  
men ostendis, da cunctis, qui Chri-  
stiana professione censentur, & illa respu-  
ere quæ huic inimica sunt nomini, & ea  
quæ sunt apta sectari, Per Do.

### IIII.

Ver. Cantate Domino canticum no-  
uum, Alleluia.  
Quia mirabilia fecit, Alleluia.

**D**Eus qui fidelium mentes vnus effi-  
cis voluntatis, da populis tuis id  
amare



amare quod præcipis, id desiderare quod promittis, ut inter mundanas vanitates, ibi nostra fixa sint corda, ubi vera sunt gaudia, Per Dominum.

V.

Ver. Vocem iucunditatis annunciate,  
Alleluia.

Quoniam liberavit Dominus populum suum, Alleluia.

**D**Eus a quo bona cuncta procedunt, largire supplicibus tuis ut cogitemus, te inspirante, quæ recta sunt, & te gubernante eadem sentiamus. Per Dominum, &c.

In die Ascensionis.

Ver. Omnes gentes plaudite manibus,  
Alleluia.

Iubilare Deo in voce exultationis, Alleluia.

**C**oncede quæsumus omnipotens Deus, ut, qui hodierna die unigenitum tuum coelos ascendisse credimus, ipsi quoque mente in coelestibus cohabitemus. Per Dominum, &c.

**D**Eus cuius filius in alta coelorum potenter ascendens, captivitatem

P 5 no



## ORATIONES.

nostram sua duxit virtute captiuam, tribue quæsumus, vt bona quæ suis participibus contulit largiatur & nobis Dominus noster Iesus Christus, Qui tecum, &c.

### Dominica post Ascensionis Domini.

Ver. Dominus illuminatio mea,  
Et salus mea, quem timebo.

**O**Mnipotens sempiterne Deus, fac nos tibi semper & deuotam gerere voluntatem, & maiestati tuæ sincero corde seruire, Per Dominum, &c.

### IN DIE PENTECOSTES.

Ver. Loquebantur varijs linguis  
Apostoli magnalia Dei.

**P**Ræsta quæsumus omnipotens Deus vt claritatis tuæ super nos splendor effulgeat, & lux tuæ lucis corda eorum, qui per gratiam tuam renati sunt, sancti Spiritus illustratione confirmet, Per Dominum.

### IN DIE TRINITATIS.

Ver.



Ver. Benedicamus Patrem & Filium  
cum sancto Spiritu,  
Laudemus & superexaltemus eum in se-  
cula.

**O**Mnipotens sempiterne Deus, qui  
dedisti famulis tuis in confessione  
veræ fidei, æternæ trinitatis glori-  
am agnoscere, & in potentia maiestatis  
adorare vnitatem, quæsumus, vt eiusdem  
fidei firmitate ab omnibus semper mu-  
niamur aduersis, Amen.

Dominica prima post  
Trinitatis.

Ver. Domine in misericordia tua spe-  
raui,

Et exultauit cor meum in salutari tuo,

**D**Eus sperantium fortitudo, adesto  
propitius inuocationibus nostris,  
& quia sine te nihil potest morta-  
lis infirmitas præsta auxilium gratiæ tuæ,  
vt in exequendis mandatis tuis, & volun-  
tate tibi & actione placeamus. Per Do-  
minum nostrum Iesum Christum filium  
tuum, qui tecum viuit & regnat in vnita-  
te Spiritus sancti Deus, Per omnia secula  
seculorum, Amen.

P 6

Ver



## ORATIONES,

### II.

Ver. Diligam te Domine virtus mea,  
Dominus firmamentum meum & refugi-  
um meum.

**S**ancti neminis tui Domine timorem  
pariter & amorem fac nos habere  
perpetuum, quia nunquam tua guber-  
natione destituis, quos in soliditate tuæ  
dilectionis instituis. Per Dominum.

### III.

Ver. Respice in me & miserere mei,  
Quoniam vnicus & pauper sum ego.

**P**rotector noster in te sperantium  
Deus, sine quo nihil est validum, ni-  
hil sanctum, multiplica super nos  
misericordiam tuam, vt te rectore, te du-  
ce, sic transeamus per bona temporalia,  
vt non amittamus æterna. Per Domi-  
num, &c.

### IIII.

Ver. Adiuua nos Deus salutaris no-  
ster,  
Et propter honorem nominis tui Domi-  
ne libera nos.

Da



**D**A nobis quæsumus, vt & mundi  
cursus pacifice nobis tuo ordine  
dirigatur, & Ecclesia tua tranquilla  
deuotione lætetur, Per Dominum.

V.

Ver. Protector noster aspice Deus,  
Et respice super seruos tuos.

**D**Eus, qui diligentibus te bona in-  
uisibilia præparasti, infunde cor-  
dibus nostris tui amoris affectum,  
vt te in omnibus & super omnia diligen-  
tes, promissiones tuas, quæ omne deside-  
rium exuperant, consequamur, Per Do-  
minum, &c.

VI.

Ver. Dominus fortitudo plebis suæ,  
Et protector salutarium Christi sui est.

**D**Eus virtutum, cuius est totum quod  
est optimum, insere pectoribus no-  
stris amorem tui nominis, & præ-  
sta nobis religionis augmentum, vt quæ  
bona sunt, nutrias, ac pietatis studio quæ  
sunt nutrita custodias. Per Dominum,  
&c.

VII.

P 7

Ver.



## ORATIONES.

Ver. Omnes gentes plaudite manibus,  
Iubilate Deo in voce exultationis.

**D**Eus, cuius prouidentia in sui dis-  
positione non fallitur, te supplices  
exoramus vt noxia cuncta submo-  
ueas, & omnia nobis profutura conce-  
das. Per Dominum, &c.

### VIII.

Ver. Suscepimus Deus misericordiam  
tuam.

In medio templi tui.

**L**Argire nobis quaesumus Domine  
semper Spiritum cogitandi quæ re-  
cta sunt, propitius & agendi, vt qui  
sine te esse non possumus, secundum te vi-  
uere valeamus. Per Dominum, &c.

### IX.

Ver. Ecce Deus adiuuat nos,  
Et Dominus susceptor est animæ meæ.

**P**ateant aures misericordiæ tuæ Do-  
mine precibus supplicantium, & vt  
petentibus desiderata concedas, fac  
eos, quæ tibi sunt placita, postulare. Per  
Dominum, &c.

Ver.



## X.

Ver. Dum clamarem ad Dominum,  
Exaudiuit vocem meam.

**D**Eus qui omnipotentiam parcendo  
maxime & miserendo manifestas,  
multiplica super nos gratiam tu-  
am, vt ad tua promissa currentes, cœle-  
stium bonorum facias esse consortes, Per  
Dominum; &c.

## XI.

Ver. Ad te Domine clamaui,  
Deus meus ne sileas nec discedas a me.

**O**Mnipotens sempiterne Deus, qui  
abundantia pietatis tuæ, & meri-  
ta supplicum excedis & vota, ef-  
funde super nos misericordiam tuam, vt  
dimittas quæ conscientia metuit, & ad-  
ijcias quæ oratio non præsumit. Per Do-  
minum.

## XII.

Ver. Benedicam Dominum in omni  
tempore,  
Semper laus eius in ore meo.

Omnia



## ORATIONES.

**O**Mnipotens & misericors Deus, de cuius munere venit, vt tibi a fidelibus tuis digne & laudabiliter seruiatur, tribue quæsumus nobis, vt ad promissiones tuas sine offensione curramus, Per Dominum.

### XIII.

Ver. Deus Deus salutis meæ,  
In die clamaui & nocte coram te.

**O**Mnipotens sempiterne Deus, da nobis fidei, spei, & charitatis augmentum, vt mereamur assequi quod promittis, fac nos amare quod præcipis, Per Dominum, &c.

### XIIII.

Ver. Domine refugium factus es nobis,  
A generatione in generationem.

**C**ustodi quæsumus Domine Ecclesiam tuam propiciatione perpetua, & quia sine te labitur humana mortalitas, tuis semper auxilijs & abstrahatur a noxijs, & ad salutaria dirigatur, Per Dominum, &c.

Ver.



## XV.

Ver. Bonum est confiteri Domino,  
Et psallere nomini tuo altissime.

**E**cclēsiā tuā Domine miseratio  
continuata mundet & muniat, &  
quia sine te non potest salua confi-  
stere, tuo semper munere gubernetur, Per  
Dominum.

## XVI.

Ver. Domine in auxilium meum re-  
spice,  
Confundantur qui quærunť animam me-  
am.

**T**ua Domine quæsumus gratia sem-  
per præueniat & sequatur, ac bonis  
operibus iugiter nos præstet esse in-  
tentos, Per Dominum, &c.

## XVII.

Ver. Iustus es Domine,  
Et rectum iudicium tuum.

**D**A quæsumus Domine populo  
duo diabolica vitare contagia, &  
te so-



ORATIONES.

te solum Deum pura mente sectari, Per  
Dominum, &c.

XVIII.

Ver. Dirigatur oratio mea,  
Sicut incensum in conspectu tuo.

**D**irigat corda nostra quæsumus Do-  
mine tuæ miserationis operatio,  
quia tibi sine te placere non possumus,  
Per Dominum nostrum, &c.

XIX.

Ver. Si ambulauero in medio vmbrae  
mortis,  
Non timebo mala.

**O**Mnipotens & misericors Deus,  
vniuersa nobis aduersantia propi-  
tius exclude, vt mente & cor-  
pore pariter expediti, quæ tua sunt, libe-  
ris mentibus, exequamur. Per Domi-  
num.

XX.

Ver. Oculi omnium in te sperant Do-  
mine,  
Et tu das illis escam in tempore.

Largi-



**L**Argire quæsumus Domine fidelibus tuis indulgentiam placatus & pacem, vt pariter ab omnibus mundemur offensis, & secura tibi mente deseruiatur. Per Dominum, &c.

## XXI.

Ver. In salutari tuo anima mea,  
Et in verbo tuo super speraui.

**F**amiliam tuam quæsumus Domine continua pietate custodi, vt a cunctis aduersitatibus te protegente sic libera, & in omnibus actibus tuo nomine sit deuota. Per, &c.

## XXII.

Ver. Ostende nobis Domine misericordiam tuam,  
Et salutare tuum da nobis.

**D**eus refugium nostrum & virtus, adesto pñs Ecclesie tue precibus, auctor ipse pietatis. & præsta, vt quod fideliter petimus, efficaciter consequamur. Per.

Verò



ORATIONES.

XXIII.

Ver. In Deo laudabimus tota die,  
Et nomini tuo confitebimur tota die.

**E**Xcita quæsumus Domine tuorum  
fidelium voluntates, vt diuini ope-  
ris fructum propensius exequentes,  
pietatis tue remedia maiora percipiant.  
Per Dominum.

XXIIII.

Ver. Si iniquitates obseruaueris Do-  
mine,  
Domine quis sustinebit?

**A**bsolue quæsumus Domine tuorum  
delicta populorum, vt a peccato-  
rum nostrorum nexibus, quæ pro  
nostra fragilitate contraximus, tua beni-  
gnitate liberemur. Per.

XXV.

Ver. Benedixisti Domine terram tu-  
am.  
Auertisti captiuitatem Iacob,  
Omni



**O**mnipotens sempiternae Deus, qui per gratiam tuam corporibus mederis & mentibus, maiestatem tuam supplices exoramus, ut unigeniti filij tui meritis placatus, & praesentia nobis subsidia tribuas & futura. Per eundem, &c.

## ORATIONES DE SANCTIS.

In die natalitio Iohannis  
Baptistae.

Ver. Fuit homo missus a Deo,  
Cui nomen erat Iohannes.

**P**raesta quaesumus omnipotens Deus, ut familia tua per viam salutis incedat, & beati Iohannis praecursoris tui hortamenta sectando ad eum quem praedixit secura perueniat. Per Dominum.

In die



ORATIONES.

In die Petri & Pauli.

Ver. In omnem terram exiuit sonus  
eorum.

Et in fines orbis terræ verba eorum.

**D**Eus qui Ecclesiam tuam Aposto-  
li tui Petri fide & nomine conse-  
crasti, quicq; illi beatum Paulum  
ad prædicandum gentibus gloriam tu-  
am sociare dignatus es, concede vt om-  
nes qui Apostolorum tuorum memori-  
am agimus, spirituali remuneratione dis-  
semur. Per.

In die Magdalena.

Ver. Dimissa sunt ei peccata multa,  
Quoniam dilexit multum.

**L**Argire nobis clementissime Deus,  
vt sicut Maria Magdalena, Domi-  
num nostrum Iesum Christum su-  
per omnia diligendo, suorum obtinuit  
veniam peccatorum, ita nos quoq; apud  
tuam misericordiam perpetuam impetre-  
mus beatitudinem. Per.

kn



## In die S. Laurentij.

Ver. Gloria & honore coronasti eum  
Domine,  
Et constituisti eum super opera manuum  
tuarum.

**D**A nobis quæsumus omnipotens De-  
us, vitiorum nostrorum flammam  
extinguere, qui beato Laurentio  
tribuisti tormentorum suorum incendia  
superare, Per Dominum.

## Assumptionis Mariæ.

Ver. Ave Maria gratia plena

**V**Eneranda nos Domine beatæ  
Mariæ festiuitas lætificet, quæ  
mortem subiit temporalem, nec  
tamen mortis nexibus deprimi potuit,  
quæ filium tuum de se genuit incarna-  
tum, & credidit saluatorem. Per Do-  
minum, &c.

De sancto Bartholo-  
mæo.

Ver. Nimis honorati sunt amici tui  
Deus,

Omni



## ORATIONES.

**O**Mnipotens sempiternus Deus, qui  
vnius diei venerandam sanctamq;  
læticiam in beati Apostoli tui Bar-  
tholomæi festiuitate tribuisti, da Ecclesiæ  
tuæ quæsumus, & amare quod cre-  
didit, & prædicare quod docuit, Per Do-  
minum, &c.

### Natiuitatis Mariæ.

Ver. Aue Maria.

**F**Amulis tuis Domine cœlestis gra-  
tiæ munus impartire, vt quibus  
beatæ Mariæ virginis partus salu-  
tis extitit exordium, natiuitatis eius vo-  
tîua solennitas pacis tribuat incremen-  
tum. Per.

### In die sancti Michaelis.

Ver. Benedicite Domino omnes An-  
geli eius,  
Potentes virtute qui facitis verbum eius.

**D**Eus qui miro ordine Angelorum  
ministeria hominumq; dispen-  
sas, concede propitius, vt, a qui-  
bus



bus tibi ministrantibus in cœlo semper  
assistitur, ab his in terra nostra vita mu-  
niatur. Per.

In die S. Lucae.

Ver. In omnem terram, &c.

**P**Ræsta quæsumus omnipotens De-  
us, vt sicut deuote populus tuus S.  
Lucae Apostoli & Euangelistæ tem-  
poralem solennitatem obseruat, ita per-  
fruat æterna, & quod votis amantis-  
sime celebrat, pio comprehendat affe-  
ctu. Per.

In die Simonis & Iudæ.

Ver. Constitues eos principes super  
omnem terram,  
Memores erunt nominis tui Domine.

**D**Eus, qui nos per beatos Apосто-  
los tuos, Simeonem & Iudam ad  
agnitionem tui nominis venire tri-  
buidisti, da nobis eorum gloriam sempiter-  
nam & proficiendo celebrare, & cele-  
brando proficere. Per.

Q

In



ORATIONES.  
In die omnium Sanctorum,  
rum,

Ver. Exultent iusti in conspectu Dei,  
Et delectentur in læticia,

**O**Mnipotens sempiterne Deus, qui nos omnes sanctos tuos sub vna tribuisti celebritate venerari, quæsumus vt desideratam nobis tuæ propitiationis abundantiam multiplicatis fidei & virtutum exemplis largiaris. Per Dominum, &c.

In die Animarum.

Ver. Iustorum animæ in manu Dei sunt,  
Et non tanget illos tormentum malitiæ.

**D**Eus qui nos per os sancti Pauli Apostoli tui de obdormientibus in Christo non contristandos docuisti, præsta quæsumus, vt cum omnibus fidelibus defunctis adueniente filio tuo Domino nostro Iesu Christo, ad æterna gaudia foeliciter perducamur. Per eundem Dominum, &c.

De:



## De Sancto Stephano.

Ver. Captabant in animam iusti,  
Et sanguinem innocentem condemna-  
bant.

**D**A nobis quæsumus Domine, imi-  
tari quod colimus, vt discamus &  
inimicos diligere, qui eius natali-  
tia celebramus, qui nouit etiam pro pec-  
catoribus exorare. Per Dominum.

## De S. Iohan. Euangelista.

Ver. Cibauit illum Dominus pane vitæ  
& intellectus,  
Et aqua sapientiæ salutare potauit il-  
lum.

**E**ccliam tuam quæsumus Domi-  
ne benignus illustra, vt beati Io-  
hannis Apostoli tui & Euangelistæ  
illuminata doctrinis, ad dona perueniat  
sempiterna. Per Dominum, &c.

## De Innocentibus.

Ver. Iustorum animæ in manu Dei  
sunt,  
Et non tanget illos tormentum maliciæ.

Q. 2

Deus



## ORATIONES.

**D**Eus cuius hodierna die præconi-  
um innocentes Martyres, non lo-  
quendo, sed moriendo confessi  
sunt, omnia in nobis vitiorum mala  
mortifica, vt fidem tuam, quam lingua  
nostra loquitur, etiam vita moribus fate-  
atur. Per.

### In die conuersionis Pauli.

Ver. In omnem terram, &c.

**D**Eus, qui vniuersum mundum bea-  
ti Pauli Apostoli prædicatione do-  
cuisti, da nobis quæsumus, vt cu-  
sus conuersionem colimus, eius ad te ex-  
emplo gradiamur. Per.

### In die Purificationis.

Ver. Magnus Dominus & laudabilis  
nimis,  
In ciuitate Dei nostri, in monte sancto  
eius.

**O**Mnipotens Deus, malestatem tu-  
am supplices exoram us, vt sic ut  
vnigenitus tuus filius cum nostræ  
carnis



carnis substantia in templo presentatus est, iustusq; Simeon mortem non vidit, priusquam Christum Domini videre mereretur, ita nos facias tibi purificatis mentibus presentari, & vitam obtinere sempiternam, Per Dominum, &c.

In die annunciationis Mariæ.

Ver. Ave Maria gratia, &c.

**D**Eus qui de beatæ Mariæ virginis utero, verbum tuum, Angelo nunciante, carnem suscipere voluisti, præsta supplicibus tuis, vt qui vere eam Dei genetricem credimus, eius fidem imitantes, æternam beatitudinem consequamur, Per.

In die S. Marci.

Ver. Constitues eos Principes, &c.

**D**Eus qui beatum Marcum Evangelistam tuum Euangelicæ prædicationis gratia sublimasti, tribue quæsumus eius nos semper eruditione proficere, & fide fulcri, Per.

Q 3

In



## ORATIONES.

### In die Philippi & Iacobi.

Ver. Exultate iusti in Domino,  
Rectos decet collaudatio.

**D**Eus qui nos annua Apostolorum  
tuorum Philippi & Iacobi solen-  
nitate lætificas, præsta quæsumus,  
vt quorum virtutibus gaudemus, eorum  
instruamur exemplis. Per.

### De Apostolis.

Ver. Cœli enarrant gloriam Dei,  
Et opera manuum eius annunciat firma-  
mentum,

**D**A nobis quæsumus æterne Deus  
beati N. Apostoli tui solennitate  
gloriarī, vt illius fidei confessionem  
congrua deuotione sectemur. Per.

### De Martyribus.

Ver. Visi sunt oculis insipientium mo-  
ri,  
Illi autem sunt in paces

Præ



**P**Ræsta quæsumus omnipotens Deus, ut qui gloriosos martyres fortes in sua confessione cognouimus, in æterna læticia de illorum societate gaudeamus. Per.

## De Confessoribus.

Ver. Iustum deduxit Dominus per viam rectam,

Et ostendit illi regnum Dei.

**E**Xaudi Domine preces nostras, quas in sancti N. Confessoris tui festiuitate deferimus, ut qui tibi digne meruit famulari in terris, per illius ad te exempla gradiamur, Per.

## De Virginibus.

Ver. Specie tua & pulchritudine tua, Intende prospere, procede & regna.

**O**Mnipotens Deus, qui infirma mundi eligis, ut fortia quæcque confundas, quicque inter cœtera potentia tuae miracula, etiam in fragili sexu victoriam martyrii contulisti, exaudi nos quæsumus, ut sicut de beatæ virginis N. festiuitate gaudemus, ita pie in te deuotionis erudiamur affectu. Per.



ORATIONES.  
Orationes pro varijs.

Pro peccatorum remissione.

Ver. De profundis clamaui ad te Do-  
mine,  
Domine exaudi vocem meam.

**E**Xaudi quæsumus Domine sup-  
plicum preces, & consistentium ti-  
bi parce peccatis, vt pariter nobis  
indulgentiam tribuas benignus & pa-  
cem. Per.

**P**Arce Domine parce peccatis no-  
stris, & quamuis incessabiliter de-  
linquentibus continua poena debe-  
atur, præsta quæsumus, vt quod ad per-  
petuum meremur exitium, a nobis tran-  
seat ad correctionis auxilium. Per.

Pro salute proximi.

Ver. Iustus es Domine, & rectum iudi-  
cium tuum,  
Fac cum seruo tuo secundum misericor-  
diam tuam.

Omni



**O**Mnipotens Deus miserere famulo tuo, & dirige eum secundum clementiam tuam in viam salutis æternæ, vt te donante, tibi placida cupiat, & tota virtute perficiat. Per.

## PRO PACE.

Ver. Fiat pax in virtute tua,  
Et abundantia in turribus tuis.

**D**Eus a quo sancta desideria, recta consilia, & iusta sunt opera, da seruis tuis illam quam mundus dare non potest pacem, vt & corda nostra mandatis tuis sint dedita, & hostium sublata formidine, sint tua protectione tranquilla. Per.

## Pro agnoscenda veritate.

Ver. Ad te leuavi oculos meos,  
Qui habitas in cœlis.

**I**nfunde quæsumus Domine famulis tuis spiritum veritatis & pacis, vt quæ tibi placita sunt, toto corde cognoscant, & agnita tota virtute sectentur. Per.



ORATIONES:  
Contra Aduersitates.

Ver. Redime nos Deus Israel,  
Ex omnibus iniquitatibus nostris.

**D**Eus qui contritorum non despicias  
gemitum, & mœrentium non sper-  
nis affectum, adesto precibus no-  
stris, quas tibi pro tribulatione nostra  
effundimus, easq; clementer suscipere  
dignare, vt quicquid contra nos diabo-  
licæ atq; humanæ moluntur aduersitates,  
ad nihilum redigatur, & consilio tuæ  
pietatis allidatur, vt nullis insectationi-  
bus læsi in Ecclesia tua sancta tibi gra-  
tias agamus. Per.

Contra subitaneam,  
mortem.

Ver. Qui regis Israel intende,  
Qui ducis velut ouem Ioseph.

**O**Mnipotens & misericors Deus, re-  
spice propitius populum tuum ma-  
iestati tuæ subiectum, & ne nos  
furor intempestiuæ mortis inueniat, dex-  
tera tuæ propitiationis custodiat, Per.  
Pro



## Pro captiuis.

Ver. Domine exaudi orationem meam, &c.

**D**eus qui beatum Petrum Apostolum a vinculis absolutum, illæsum abire fecisti, famulorum tuorum N. in captiuitate positorum vincula solve, nosq; de illorum liberatione cito lætifices. Per.

## Pro Morituris.

Ver. Secundum multitudinem miserationum tuarum Domine,

Dele iniquitates nostras.

**O**mnipotens Deus conseruator animarum, qui quos diligis corripis, & quos corripis, pie ad emendationem coerces, Gratias agimus tibi multiples, & confisi de tua pietate gloriosa, precamur, vt misereri digneris famulo tuo, ne præualeat aduersarius animæ illius, sed hæc transitum mereatur ad vitam æternam, Per.

## Pro inimicis.

Ver. Domine exaudi orationem meam,

Et clamor meus ad te veniat.

Q 6

Deus



## ORATIONES.

**D**Eus pacis, charitatisq; amator & custos, da omnibus inimicis nostris pacem, charitatemq; veram, cunctorumq; eis tribue remissionem peccatorum, & nos ab eorum insidijs potenter eripe. Per.

### Pro charitate.

Ver. Exurgat Deus, & dissipentur inimici,  
Et fugiant qui oderunt eam a facie eius.

**D**Eus qui diligentibus te facis cuncta prodesse, da cordibus nostris inuiolabilem charitatis affectum, vt desideria de tua inspiratione concepta nulla possint maleuola tentatione mutari. Per.

### Pro castitate.

Ver. Cor mundum crea in nobis De-  
us,  
Et Spiritum rectum innoua in uisceribus nostris.

Vre



**V**Re igne sancti Spiritus renes nostros & cogitationes nostras, vt pudicitia & sanctimoniam nouitate reflorescente in carne nostra, tibi casto corpore seruiamus, & mundo corde placeamus, Per.

Pro humilitate.

Ver. Domine exaudi orationem meam, &c.

**D**Eus qui superbis resistis, humilibus autem das gratiam, auge in nobis verae humilitatis virtutem, cuius formam in te credentibus unigenitus tuus exhibuit, vt nunquam indignationem tuam prouocemus elati. Per.

Contra Ecclesiae aduersitates.

Ver. Domine exaudi, &c.

**E**Cclesiae tuae quaesumus Domine preces placatus admitte, vt destructis spiritu oris tui hostibus & erroribus vniuersis, secura & Christiana



## ORATIONES.

Etiana tibi seruiat libertate. Per Domi-  
num, &c,

**Q**Væsumus Domine preces no-  
stras placatus admitte, & in  
protectione Ecclesiæ tuæ anti-  
qua brachiū tui operare miracula, vt An-  
tichristi omniumq; inimicorum elidas  
superbiam, & eorum audaciam dexteræ  
tuæ virtute prosternas. Per Dominum  
nostrum, &c,

## Ad conclusionem Communionis.

**G**Ratias tibi agimus omnipotens  
Deus, quod nos salutari hoc mu-  
nere recreasti, Teq; pro tua mise-  
ricordia rogamus, vt hoc nobis ad cer-  
tam fiduciam in te, & mutuam inter nos  
charitatem conducere facias. Per Domi-  
num nostrum, &c.

## Precatio Matutina.

**D**omine sancte Pater omnipo-  
tens æterne Deus, qui nos ad  
prin



ORATIONES.

181

principium huius diei tua gratia peruenire fecisti, tua nos hodie salua virtute, vt in hac die ad nullum declinemus peccatum, nec vllum incurramus periculum animæ vel corporis, sed semper ad tuam iustitiam faciendam nostra procedant eloquia, simul dirigantur cogitationes, & opera auge in nobis, quæsumus DOMINE fidem rectam, spem firmam charitatemque perfectam, & lucem sancti Spiritus in cordibus nostris semper clementer accende. Per Dominum, &c.

Alia Precatio.

Dirigere & confortare dignare DOMINE Deus rex, creator cœli & terræ, hodie & cotidie corda & corpora nostra, sensus quoque sermones, & omnes actus nostros, vt in via & lege tua & in omnibus operibus mandatorum tuorum perseuerare valeamus, & Angeli tui boni commitentur nos, ad dirigendos pedes nostros in viam pacis, prosperitatis & salutis, vt hic & in æternum per te semper



## ORATIONES.

semper sani, salui & liberi ab omni malo  
esse mereamur.

Saluator mundi, salua nos, qui vi-  
uis & regnas per omnia secula seculo-  
rum, Amen.

### Precatio Vesper- tina.

**Q**uæsumus omnipotens æter-  
ne Deus, vt peracto hoc die  
& noctis tenebris iam ingruen-  
tibus, tu tamen mentis nostræ oculos  
verbo veritatis tuæ illuminare digne-  
ris, ne vnquam obdormiamus in mor-  
te, neq; aliquando communis inimi-  
cus noster contra nos se præualuisse  
gloriarî possit, cuius maliciam atq;  
fraudes immensa bonitas tua benign-  
ne auertat. Commendamus tuas in  
manus corpora & animas atq; spiri-  
tus nostros, & quamuis hic sol qui lu-  
cem huic diei præbuit, nunc a nobis  
recedat, præsta tamen benignissime  
Deus, vt nunquam æterna luce & pa-  
trîa nostra vera destituamur, quo per  
gratiam tuam & fidem in Christum  
aspira-



ORATIONES.

189

aspīramus omnes; Per Dominum nostrum  
Iesum Christum filium  
tuum, qui tecum,  
&c.



LATINA  
LITANIA COR-  
recta.



LITAN



LITANIA.

LITANIA.

*Callenish*

Kyrie  
Christe  
Kyrie  
Christe

Eleison.  
Eleison.  
Eleison.  
Exaudi nos.

Pater de coelis Deus,  
Fili redemptor mundi Deus,  
Spiritus sancte Deus,  
Propitius esto,  
Propitius esto,  
Ab omni peccato,  
Ab omni errore,  
Ab omni malo,  
Ab insidijs Diaboli,  
A subitanea & improuisa morte,  
A peste & fame,  
A bello & cæde,  
A seditione & similtate,  
A fulgore & tempestatibus,  
A morte perpetua,  
Per mysterium sancti incarnationis tuæ,  
Per sanctam natiuitatem tuam,  
Per baptismum, ieiunium & tentationes  
tuas.  
Per agoniam & sudorem tuum sangui-  
neum,  
Per crucem & passionem tuam,  
Per



Miserere nobis.  
Miserere nobis.  
Miserere nobis,  
Parce nobis Domine.  
Libera nos Domine.

Libera nos Domine.  
Libera nos Domine.

Libera nos Domine.  
Libera nos Domine.

Libera nos Domine.

Pea



## ORATIONES.

Per mortem & sepulturam tuam.

Per resurrectionem & ascensionem tuam.

Per aduentum Spiritus sancti paracleti.

In omni tempore tribulationis nostræ.

In omni tempore infœlicitatis nostræ.

In hora mortis,

In die iudicij,

Peccatores.

Vt Ecclesiam tuam sanctam catholicam regere & gubernare digneris.

Vt cunctos Episcopos, Pastores & Ministros Ecclesiæ in sano verbo & sancta vita seruare digneris.

Vt sectas & omnia scandala tollere digneris.

Vt errantes & seductos reducere in viam veritatis digneris.

Vt satanam sub pedibus nostris contere-  
re digneris.

Vt operarios fideles in messem tuam mittere digneris.

Vt incrementum verbi & fructum spiritus cunctis audientibus donare digneris.

Vt lapsos erigere & stantes confortare digneris.

Vt



LITANIA.

190

Libera nos Domine.

Libera nos Domine.  
Te rogamus audi nos.

Te Rogamus audi nos,

Te rogamus audi nos,

Te rogamus audi nos,

Te rogamus audi nos,

Vc



## LATINA

Vt pusillanimes & tentatos consolari & adiuuare digneris,

Vt regibus & principibus cunctis pacem & concordiam donare digneris,

Vt Cæsari nostro perpetuam victoriam contra hostes tuos donare digneris,

Vt principem nostrum cum suis præsidibus dirigere & tueri digneris,

Vt magistratui & plebi nostræ benedicere & custodire digneris,

Vt afflictos & periclitantes respicere & saluare digneris,

Vt prægnantibus & lactentibus foelicem partum & incrementum largiri digneris,

Vt infantes & ægros fouere & custodire digneris,

Vt captiuos liberare digneris,

Vt pupillos & viduas protegere & providere digneris,

Vt cunctis hominibus misereri digneris,

Vt hostibus, persecutoribus & calumniatoribus nostris ignoscere & eos conuertere digneris,

Vt fruges terræ dare & conseruare digneris,

Vt nos



LITANIA.

Te rogamus audi nos.

Te rogamus audi nos.

Te rogamus audi nos.

Te rogamus audi nos.

Te rogamus audi nos.

Te rogamus audi nos.

Ve.



LATINA.

Vt nos exaudire digneris.

Agne Dei qui tollis peccata mundi,

Agne Dei qui tollis peccata mundi,

Agne Dei qui tollis peccata mundi,

Christe

Exaudi nos.

Kyrie

Eleison.

Christe

Eleyson.

Kyrie eleison.

Amen.

Pater noster qui es in caelis, &c.

*Finis Litania.*



ORA.



## ORATIONES.

cogitationibus mundemur in mente.  
Dominum, &c.

### Alia.

Ver. Peccauimus Domine cum Patri-  
bus nostris,  
Iniuste egimus & iniquitatem fecimus

**D**Eus, qui delinquentes perire no-  
n pateris, donec conuertantur & u-  
uant, debitam quæsumus peccat-  
nostris suspende vindictam, & præ-  
propitius, ne disimulatio cumulet ultio-  
nem, sed tua pro peccatis nostris, miseri-  
cordia semper abundet, Per Dominum,  
&c.

### Alia.

Ver. Inuoca me in die tribulationis,  
Et eruam te & tu honorificabis me.

**P**Arce Domine parce peccatis no-  
stris, & quamuis incessabiliter de-  
linquentibus continua poena debe-  
atur, præsta tamen quæsumus, vt quod  
ad perpetuum meremur exitium, transe-  
at a nobis ad correctionis auxilium. Per  
Dominum, &c.

R. 2. Nume



ORATIONES.  
NUMERI VI.

Locutus est DOMINVS ad Mo-  
sen, dicens: Loquere Aaron & Filijs  
eius: Sic benedicetis filijs Israel, & di-  
ceti eis.

**B**enedicat tibi DOMINVS,  
& custodiat te, Ostendat  
DOMINVS faciem suam tibi,  
& misereatur tui, Conuertat  
DOMINVS vultum suum  
ad te & det tibi pa-  
cem.

Inuocabuntq; nomen meum su-  
per filios Israel, & ego benedicam  
eis.

Orationum finis.

Index



INDEX.  
INDEX PSAL-  
MORVM.

A

Ad Dominum cum tribularer.	114
Adhæsit pauimento anima mea.	107
Afferte Domino filij Dei.	23
Ad te Domine leuauí animam.	20
Ad te Domine clamabo.	22
Ad te leuauí oculos meos.	116
Appropinquet deprecatio.	114
Attendite popule meus.	68
Audite hæc omnes gentes.	42

B

Beatus vir qui non abiit.	2
Beatus qui intelligit super.	36
Beatus vir qui timet Dominum.	102
Beati quorum remissa sunt.	26
Beati immaculati in via.	106
Beati omnes qui timent Do.	117
Benedictus Dominus Deus meus.	127
Benedicam Dominum in omni.	28
Benedixisti Domine terram.	76
Benedic anima mea Domino.	90
Benedic anima mea Domino.	91
Bonum est confiteri Domino.	83
Bonitatem fecisti cum seruo tuo.	109

R 3

Can



## INDEX.

### C

Cantate Domino canticum no.	86
Cantate Do. canticum no.	87
Cantate Do. canticum nouum.	131
Cœli enarrant gloriam Dei.	15
Confitemini Do. & inuocate.	93
Confitemini Domino quoniam.	95
Confitemini Domino quoniam.	97
Confitemini Domino quoniam.	105
Confitemini Domino quoniam.	121
Confitebor tibi Domine in toto.	7
Confitebor tibi Domine in toto.	101
Confitebor tibi Domine in toto.	122
Confitebimur tibi Deus.	65
Conserua me Do. quoniam spe.	11
Clamaui in toto corde meo,	113
Credidi propter quod locutus.	104
Cum inuocarem exaudiuit.	3

### D

Defecit in salutare tuum.	110
De profundis clamaui ad te.	118
Deus Deus meus respice in me.	17
Deus auribus nostris audiuius.	38
Deus noster refugium & virtus.	40
Deus Deorum Dominus locutus.	43
Deus in nomine tuo saluum.	46
Deus repulisti nos & destruxisti.	51
Deus Deus meus ad te de.	53
	Deus



## INDEX.

Deus misereator noster.	56
Deus in adiutorium meum.	50
Deus iudicium tuum regi da.	62
Deus venerunt gentes.	71
Deus stetit in Synagoga.	74
Deus quis similis erit tibi.	74
Deus ultionum Dominus.	84
Deus laudem meam ne.	100
Dilexi quoniam exaudiet Do.	104
Diligam te Domine fortitudo.	13
Dixi custodiam vias meas.	34
Dixit insipiens in corde suo.	10
Dixit iniustus vt delinquat.	30
Dixit insipiens in corde.	46
Dixit Dominus Domino meo.	101
Dominus regit me.	19
Dominus illuminatio mea.	21
Dominus regnavit decorem.	83
Dominus regnavit exultet terra.	86
Dominus regnavit irascantur.	87
Domini est terra & plenitudo.	19
Domine quid multiplicati.	3
Domine ne in furore.	5
Domine Deus meus in te.	5
Domine Dominus noster, quam.	6
Domine quis habitabit.	11
Domine ne in virtute tua,	16
Domine ne in furore tuo.	33

R 4

Domine



## INDEX.

Domine Deus salutis meæ.	72.
Domine refugium factus es.	81.
Domine exaudi orationem meam.	89.
Domine non est exaltatum.	119.
Domine probasti me & cogno.	123.
Domine clamaui ad te.	125.
Domine exaudi orationem.	126.

### E.

Ecce quam bonum & quam.	120.
Ecce nunc benedicite Domino.	120.
Eripe me de inimicis meis.	50.
Eripe me Domine ab homine.	124.
Eructauit cor meum verbum.	39.
Et veniat super me misericor.	108.
Exaudi Domine iustitiam meam.	12.
Exaudi Deus orationem meam.	47.
Exaudi Deus deprecationem.	52.
Exaudi Deus orationem meam.	54.
Exaudi at te Dominus in die.	16.
Exaltabo te Domine quoniam.	24.
Exaltabo te Deus meus rex.	128.
Expectans expectaui Dominum.	35.
Exultate iusti in Domino.	26.
Exultate Deo adiutori nostro.	73.
Exurgat Deus & dissipentur.	56.

### F.

Feci iudicium & iustitiam.	112.
Fundamenta eius in montibus.	77.
	1a.



# INDEX.

## I

In æternum Domine verbum.	110
Inclina Domine aurem tuam.	76
In conuertendo Dominus.	117
In Domino confido.	9
In exitu Israel de Ægypto.	103
Iniquos odio habui.	111
In quo corrigit adolescentior.	107
In te Domine speraui.	24
In te Domine speraui.	61
Iubilare Deo omnis terra.	55
Iubilare Deo omnis terra.	88
Iudica me Domine quoniam.	21
Iudica Domine nocentes me.	29
Iudica me Deus & discerne.	38
Iustus es Domine & rectum.	113

## L

Lauda anima mea Dominum.	129
Lauda Ierusalem Dominum.	130
Laudate pueri Dominum.	103
Laudate Dominum omnes gentes.	105
Laudate nomen Domini.	120
Laudate Dominum quoniam.	129
Laudate Dominum de coelis.	130
Laudate Dominum in sanctis.	132
Lætatus sum in his quæ dicta.	115
Legem pone mihi Domine.	108
Leuaui oculos meos in.	115

R 5

Lucer



## INDEX.

Lucerna pedibus meis. III.

### M

Magnus Dominus & laudabilis. 41.

Manus tuæ fecerunt me. 110.

Memento Domine David. 119.

Memor esto verbi tui. 109.

Mirabilia testimonia tua. 112.

Misericordias Domini in æter. 79.

Misericordiam & iudicium. 88.

Miserere mei Deus secundum. 44.

Miserere mei Deus quoniam. 48.

Miserere mei Deus miserere. 49.

### N

Nisi quia Dominus erat in nobis. 116.

Nisi Dominus ædificauerit. 117.

Noli æmulari in malignantibus. 51.

Nonne Deo subiecta erit. 52.

Notus in Iudæa Deus. 66.

### O

Omnes gentes plaudite manibus. 41.

### P

Paratum cor meum Deus. 99.

Portio mea Domine. 109.

Principes persecuti sunt. 114.

### Q

Quare fremuerunt gentes. 2.

Quam bonus Israel Deus. 63.

Quam dilecta tabernacula. 75.

Quem



## INDEX.

Quemadmodum desiderat ceruus,	37
Qui confidunt in Domino,	116
Quid gloriaris in malitia.	45
Qui habitat in adiutorio.	82
Qui regis Israel intende.	72
Quomodo dilexi legem tuam.	111

### R

Retribue seruo tuo.	107
---------------------	-----

### S

Saluum me fac Domine.	9
Saluum me fac Deus.	58
Sæpe expugnauerunt.	118
Si verè vtiq; iustitiam.	50
Super flumina Babylonis.	122

### T

Te decet hymnus Deus.	54
-----------------------	----

### V

Venite exultemus Domino.	85
Verba mea auribus percipe.	4
Vide humilitatem meam.	115
Voce mea ad Dominum clamaui.	67
Voce mea ad Dominum clamaui.	126
Vsquequo Domine obliuisceris.	10
Vt quid Deus repulisti.	64

R 6

IN



INDEX.  
INDEX CAN-  
ticorum.

A	
Audite coeli quæ loquor.	134
B	
Benedictus Dominus Deus Israel.	141
Benedicite omnia opera.	140
C	
Cantemus Domino gloriose.	
Confitebor tibi Domine.	137
D	
Domine audiui auditionem.	138
E	
Ego dixi in dimidio.	137
Exultavit cor meum.	136
M	
Magnificat anima mea Do.	141
N	
Nunc dimittis seruum tuum.	142
Q	
Quicumque vult saluus esse.	143
T	
Te Deum laudamus.	142
V	
Venite exultemus Domino.	145

IN-



INDEX  
INDEX HYMNORVM.

A

Æterno gratias patri.	163
Æterne gratias tibi.	162
Agnoscat omne seculum.	156
A solis ortus cardine.	148

C

Coeli Deus sanctissime.	155
Conditor alme siderum.	147
Corde natus ex parentis.	148
Christe qui lux es & dies.	152

D

Deus creator omnium.	151
Dicimus grates tibi.	165

F

Festum nunc celebre.	160
Fit porta Christi.	162

G

Gloria laus & honor.	157
----------------------	-----

H

Herodes hostis impie.	149
-----------------------	-----

I

Iam lucis orto sidere.	150
------------------------	-----

R 7

Iesu



## INDEX.

Lesu redemptor seculi.	152
Lesu nostra redemptio.	160
Immense conditor.	154
Inuentor rutili dux.	153
L	
Lucis creator optime.	154
M	
Magnæ Deus potentia.	155
N	
Nunc sancte nobis spiritus.	150
O	
O lux beata trinitas.	151
P	
Pange lingua gloriosi.	157
Pange lingua gloriosi.	162
Plasmator hominis.	156
Q	
Quam læta perfert.	164
R	
Rector potens verax.	151
Rerum Deus tenax.	151
Rex Christe factor omnium.	158
S	
Salve festa dies.	159
T	
Telucis ante terminum.	152
Telluris ingens conditor.	154
	Veni



## INDEX.

Veni redemptor gentium.	146
Veni creator Spiritus.	161
Verbum supernum prodiens.	146
Virgo Dei genetrix.	163
Vita sanctorum.	159
Vox clara ecce intonat.	147



LECTOR



# LECTORI

Typographus S.

**Q**uia restabant aliquot Paginae quas tibi vacuas obtrudere nolimus, adiecimus etiam preces ad unius Dei tres, (quas confitemur, adoramus atque colimus) personas, ex Locis communibus D. Philippi Melanth. admodum pias. Hanc operam nostram boni consule, quisquis es Christiane lector, ac feliciter vale.

## FORMA PRECATIONES

ad Deum Patrem.

**O**Mnipotens, æterne & viue Pater DOMINI nostri Iesu Christi, qui te patefecisti immensa bonitate, & clamasti de filio tuo DOMINO nostro Iesu Christo, Hunc audite, conditor omnium rerum



rerum, & conseruator & opitulātor,  
tor, cum filio tuo coæterno Do-  
mino nostro Iesu Christo, regnan-  
te tecum, & patefacto in Ierusa-  
lem, & Spiritu sancto tuo effuso,  
in Apostolos, Sapiens, bone, mise-  
ricors, iudex & fortis, qui dixisti,  
Viuo ego, nolo mortem peccato-  
ris, sed vt conuertatur & viuat. Et  
dixisti, Inuoca me in die tribulati-  
onis, & eripiam te. Miserere mei  
propter Iesum Christum filium  
tuum Dominum nostrum, quem  
voluisti pro nobis esse victimam  
*καὶ μισήσω, καὶ ἰσέτησω,* & sanctifi-  
ca, rege, iuuua, accende cor & ani-  
mam meam Spiritu sancto tuo, vt  
te vere agnoscam & inuocem, tibi  
vere credam, gratias agam, & obe-  
diam, rege & serua Ecclesiam tu-  
am, sicut promisisti, inquiring, Hoc  
est Foedus meum cum eis, Spiritus  
meus, qui est in te, & verba mea,  
quæ



quæ posui in ore tuo, non recedent ab ore seminis tui in æternum. Semper luceat in nobis Euangelium tuum, & rege, & confirma corda nostra Spiritu sancto tuo, ne in furores Epicureos aut fanaticos tuam Guberna studia Ecclesiæ, & defende politias, quæ præbent hospitia Ecclesijs, Amen.

AD DEVM Filium.

**T**esu Christe fili Dei viui, crucifixe pro nobis & resuscitate, qui regnas ad dexteram Patris, vt des dona hominibus, & constitutus es interpellator pro nobis, miserere mei, & intercede pro me apud æternum Patrem tuum, & sanctifica me Spiritu sancto tuo, sicut promisisti, inquit, Non relinquam vos orphanos, &c.

AMEN.

AD



AD DEVM SPIRITUM  
sanctum.

**S**piritus sancte effuse in Apo-  
stolos, quem promisit nobis Fi-  
lius Dei, Redemptor noster, vt  
accendat in nobis veram agnitio-  
nem & inuocationem Dei, Sicut  
scriptum est : Effundam super  
vos Spiritum gratiæ & præcum,  
Exuscita in cordibus nostris ve-  
rum timorem Dei, & veram fidem  
& agnitionem misericordiæ, quam  
nobis æternus Pater Domini nos-  
tri Iesu Christi, propter Filium  
promisit. Sis nobis paracletus in  
omnibus consilijs, & accende men-  
tes nostras, vt vera obedientia, Pa-  
trem Domini Iesu Christi, & fili-  
um eius Redemptorem nostrum,  
& te perpetuo celebremus,  
A M E N.

GRA.



# ACTIARVM

ACTIO AD DEVM,  
pro ingentibus & inenarrabilibus  
ipsius erga genus humanum bene-  
ficijs, post vel ante sumptionem  
corporis & sanguinis Domini nos-  
tri Iesu Christi recitanda, Eodem  
D. Philippo Melanth, in Lo-  
cis communibus

autore.

**O**Mnipotens Deus, æterne pa-  
ter Domini nostri Iesu Chri-  
sti conditor omnium rerum &  
conseruator, cum filio tuo coæter-  
no, Domino nostro Iesu Christo,  
& Spiritu sancto tuo miserere mei  
propter Iesum Christum filium  
tuum, quem mirando & inenarra-  
bili consilio voluisti pro nobis fie-  
ri victimam, ac simul ostendisti  
iram tuam aduersus peccatum, &  
immensam misericordiam tuam  
erga



erga  
rege & tu  
tuo, rege & serua Ecclesie  
& politias quæ sunt hospitia Ec-  
clesiarum.

Gratias etiam ago tibi omnipotens Deus, æterne Pater Domini nostri Iesu Christi, conditor omnium rerum, & conseruator, cum filio tuo coæterno, Domino nostro Iesu Christo, & spiritu sancto tuo, quod de immensa bonitate patefecisti Ecclesie tuæ, & filium tuum Dominum nostrum Iesum Christum, misisti, vt pro nobis victima fieret, & per eum nobis donaretur remissio peccatorum & vita æterna, & quod hæc tua immensa beneficia per Euangelium & Sacramenta tua nobis impartis, & Euangelij ministerium Ecclesiam seruas nec deleri sinis.

Vtis



4813  
tua beneficia confide-  
rare & celebrare. Sed te oro, vt  
accendas nos Spiritu sancto tuo vt  
vere sint gratae mentes, & luceat  
in moribus nostris gratitudo, &c.

Tibi etiam Iesu Christe fili Dei  
crucifixe pro nobis & resuscitate,  
ago gratias, quod ingenti amore  
erga nos, intercessisti apud aeter-  
num Patrem pro genere humano,  
& factus est victima pro nobis, &  
in te deriuasti iram Dei aduersus  
nostra peccata. & Accende corda  
nostra, vt hoc ingens beneficium  
tuum magis intelligamus &  
vera gratitudine ce-  
lebremus,  
A M E N.

IMPRESSVM MAG-  
deburgae apud Vuolffgan-  
gum Kirchner.

amen Dominus Iesu amen



K 273

(X 219 1873)


Henrich Vester  
Ling  
Annen 655

20










B.I.G.

Farbkarte #13

Blue Cyan Green Yellow Red Magenta White 3/Color Black



BER PSAL  
MORVM



I.  
BATUS VIR  
qui non abnt in  
consilio impiorum,  
& in via peccato-  
rum non stetit, &  
in cathedra pestilen-  
tiae non sedit.  
Sed in lege DO-  
MINI voluntas  
in lege eius meditabitur die ac

quam lignum quod planta-  
tus decursus aquarum, quod  
suum dabit in tempore suo,  
eius non defluet, & omnia  
eius faciet prosperabuntur.  
Impij non sic, sed tanquam pul-  
verem projicit ventus a facie terrae,  
resurgunt impij in iudicio, ne-  
res in consilio iustorum.  
nouit DOMINVS vitam iu-  
& iter impiorum peribit.

A 2

Quare